

KRISTA VANGA TIHDUHDAAH



**RICHARD
WURMBRAND**

KRISTA VANGA TIHDUHDAH

(MIZO)

RICHARD WURMBRAND

VOICE OF THE MARTYRS

P. O. Box. 9132

Bombay-25

INDIA

Signature With Blood

Arabic/English Edition

Copyright 2015 Voice Media

info@VM1.global

Web home: www.VM1.global

All rights reserved. No part of the publication may be reproduced, distributed or transmitted in any form or by any means, including photocopying, recording, or other electronic, or mechanical methods, without the prior written permission of the publisher, except in the case of brief quotations embodied in critical reviews and certain other noncommercial uses permitted by copyright law. For permission requests, email the publisher, addressed “Attention: Permission Coordinator,” at the address above.

This publication **may not be sold, and is for free distribution** only.



A ZIAKTU CHANCHIN

Rev. Richard Wurmbrand-a hi thuhrl lama rawn-gbawl thiam tak a nia a ma ram ngei Rumaniaah chuan Communist hnuaiah Kum 14 ngawt lung inah a tang a, Rumania rama Kristian hruaitute zinga lar ber a ni a, a ni aia lar hi an tlem ble.

Kum 1945 khan Rumania chu Communisthovin an rawn luaha, Kohhran pawh thunun an tum nghal ta mai a. Tah chuan Richard Wurmbrand-a chuan a ma mite, Sala lo awm tate leh anmahni rawn beitu Russian sipaite zingah chuan a rukin rawng a bawl ta a. Kum 1948-ah khan a nupui Sabine-i nen chuan Lung inah an tang ta a. A nupui chu sal anga hna hram thawk chiin kum thum a tanga ; A ni Richard Wurmbrand-a pawh

a mah sawisatute chauh tih loh chu, tuma hmuh lo vin kum thum bawk a tang a. Chumi hnu chuan tang dangte zingah an sawn chhuaka, chutah chuan tihduhdahna la tuar zelin kum nga lai a la tang a.

Kristian hruaitu a lo nihna kawngah a lo lar em em a, ram dang palaiten an mahni ram Communist Sorkar hnenah chuan an ngaihtuah thu an rawn thlen ta hiala. Mahse Rumania ram a ta a tlanche chhuak tawh e tiin an lo hrih a. Secret Police (Police ruk) thenkhat lung in tang chhuak hlim hlawl anga insawi phei chuan a nupui hnenah lung in thlanmuala Richard Wurmbrand a phumnaa tel ni awmin an lo va insawia. Tichuan a chhungte leh ramdanga a thiante hnenah chuan a thi tiin an than tir ta a.

Kum riat hnuah chuan a lo chhuak ta a a ruka a rawngbawlna chu a rawn chhunzawm leh vat a. A hnu kum hnih, 1959 ah chuan an man leh ta a, kum 25 tang tura tih a lo ni ta a

Kum 1964 khan ngaihdamna hun an hawnah chun a lo chhuak leh a, a rawngbawlna bawk chu a rawn chhun zawm leh a. A tum thum tanna tur chu a hlauhawm tawh dawna an hriat pui a vangin Norway rama Kristiante chuan Communist thuneitute hnenah chuan Rumania ram atanga chhuak turin an dil ta ngawt mai a. Communist Sorkar chuan Politics avanga an lungin tangte chu hralh an lo ching tan tawh reng a. Tang tlan chhuahna man chu £800/- a ni thin a. A ni erawh hi chu £ 2, 500/- in tlan chhuah an phal chauh a ni.

1966, May thla khan Washington khawpuiah, American Senate's Internal Security Sub-Committee hmaah thu a sawia, a kawng chin a han hlip a, an lo sawisak thinna ser thuk tak tak sawm leh pariat chu chiang taka hmuh theih a la ni. A chanchin chu chanchin bute chuan khawvel pumah an tlangau pui ta a. Tichuan September, 1966 khan Rumania Communist Sorkar chuan thah an tum thu miin an rawa hrih a; Mah se betiang vauna mai mai chuan a ti zamin a ti ngawi chuang lo. "Kohhran inthup Aw" tia koh a lo


ni ta hiala. Tin Kristian hruaitu thenkhat chuan 'Martar nung' te 'Thir bang phena Paula' te an ti hial thin. (Thir bang tih hi Rusia Communist hnuai Sorkarho khu an chinchangte kan hriain kan hmu phu lo em maia tiin Churchila-a pek khan Thir bang phena awm angah a lo teh a, chuta tang chuan khawvelin 'Thir bang (Iron Curtain) tih hi Communist Russia leh a chekwite sawi nan an hman ta a ni.

THUHMAHRUAI

He Lehkha Bu ka ziah chhan.

Zalenna rama awm Kristian zawng zawng hnenah 'Thir bang phen' a Kohhran inthupte thuchah ka rawn keng a ni. Kohhran inthup rei tak ka lo hruai tawhte nen chuan, kei hi zalenna khawvel hmun danga lo chhuah tum hram tur leh in hnena an thuchahte rawn thlen turin kan ti tlu a. Mak tak maiin, (a mak dan chu in chhiar zel chuan in la hmu mai a nga) ka lo dam khaw chhuaka, zalenna ram chu ka lo thleng ta ngei a. He lehkha buah hian Communist rama Kohhran inthup rinawm leh tuar mekte thu min chah chu ka han ziaak a ni.

Ngunthluk tak leh hman-hmawha Kohhran inthup thu chah chu in lo ngaihtuah theih nan, keima chanchin ka nan sawi hmasa phawt a, chutah Kohhran inthup chanchin chu ka sawmi zawm ta zawk a ni.



Communist rama Kristiante an hrem dân

BUNG 1

Pathian Awm Ring Lo Chuan Krista A Hmu Ta

Sakhua reng reng pawm lohna chhungkua atanga lo sei lian ka ni a. Ka naupan laiin sakhaw lam thil engmah zirna ka nei ngai lo va ; kum sawmpali ka lo nih chuan, Pathian awm ring lo pawlah pawh chuan a ruh pawl ka ni a. Hei hi ka naupan laia ka retheih vang a ni ber. Ka pian kum atangin fahrah ka ni ngal a. Indo pui hmasa hun harsat lai atang tawh khan retheihna hi ka lo hre tawh a. Kum sawmpali ka lo nih chuan tun laia Communist-ho ang hian Pathian awm chu ka ring hauh lo a ni. Pathian a awm lo tia an lehkha bu chhuahte chu ka lo chhiar tawh thina, Pathian emaw Khrista emaw hi a awm ring lo zawng ka ni chiah lo va, amaherawh chu mihring rilru ti khaw lo thei nia ka rin avangin ka hua a ni. Tichuan sakhaw haw reng reng chuan ka lo sei lian ta a

Mahse tun hnua ka han ngaihtuah leh hian, a chhante brekher mah suh i la Pathian thian nihna khawngaihna chu ka lo chang reng niin. Ka nungchang a that loh em avangin ka nungchang leh ka mi zia avanga thlan zawng ka ni lo.

Pathian awm ring lo mi ka ni nain, awm lo angreng tak hian Biak in hian min hip tlat fo va. Biak in bula ka kal reng reng hian lut lo va pelh mai hi harsa ka ti fo thin. Mahse chung Biak inahte chuan enge an tih thin pheih zawng ka hre thiam chuang lo va. Thusawite pawh ka ngaithla thin a, mahse ka thinlung an pawh zo ngai lo. Pathian chu awm lo chiang hle hian ka hre thin a. Pathian chu hotu ah leh a thu awih tura han ngaih reng reng pawh chu ka hua a. Ka rilrua Pathian ngaihndan dik lo awm pawh chu ka haw bawk a. Amaherawhchu he lei leh van lairilah hian hmangaihna thinlung pu a awm a ni tih hriat chu ka chak hle bawk

si. Naupan lai leh tleirawl lai hlimna leh a nawmna an tih zawng zawngte hi ka tem tlem em em a, Khawiah emaw tal chuan khawngaihna mita min lo entu leh hmangaiha min lo buai puitu hi awm ve se ka ti hle thin a.

Pathian a awm lo tih chu ka ring nghet hle a, mahse chutia hmangaihna Pathian lo awm lo mai chuan, min ti lungngai hle thin a. Vawikhat chu ka rilrua ka buai lai tak hian Catholik biakinah hian ka va lut ngawt mai a. Mite chu lo thingthi a engemaw lo sawi mawlh mawlh hian ka va hmu a. An bulah ka thingthi ve anga. an thusawi chu ka ngaithla anga, an tawngtai dan ang hian ka tawngtai ve teh reng ang, engtingge a awm teh reng, ka ti rilru ta a. Anniho chu nula thianghlim hnenah an lo tawngtaia. "Mari, chibai khawngaihna a khat", tiin. An tih ang chuan ka ti ka ti ve ta maia, Nula thianghlim Mari lim chu ka en a, mahse engmah ka ni chuang lo va. Mi tilungngai hle mai a.

Ni khat chu Pathian awm loh ring hle chung si chuan Pathian hnenah ka tawngtai ta ngawt mai a. Hetiang deuh hian ka tawngtai a: 'Pathian i awm lo tih chu ka hrechiang hle mai. Amaherawhchu i lo awm hlauh te a nih chuan, ka ring chuang dawn lo, nang rin chu ka tihtur a ni lo va ka hnena rawn inlar chu nangma tihtur a ni zawk a ni,' tiin. Pathian awm ring lo ka ni a, mahse chu rinlohna chuan tblamuanna min siam lo.

Hetia ka rilrua ka buai lai tak hian Rumania tlangdung sang tak mai a khaw pakhat chuan, mistiri pakhat hian, "Ka Pathian leiah i rawng ka bawl thina, vanah ang bawkin leiah pawh hian lawmman hmuh ka duh a. Chu ka lawmman chu, lsua kha Juda hnam atanga lo chhuak a ni bawka, Krista hnena Juda mi pakhat tal ka hruai hma chu thih lohna ni rawh se. Nimahsela ka retheiin ka tar tawha, ka bawrhawm bawksi a. Kan khuaah lah Juda mi pakhat mah an awm bawksi lo. Kan khuaah hian Juda mi chu rawn hruai la, ka theih tawpin Khrista hnena hruai ka lo tum

ang e", tiin a lo tawngtai thin a ni, tih chu tlai khawh-nuah chuan ka hre ta a.

Engemaw dan rualloh bian, chu khua chuan min hip tlat mai a. Chu khua-ah chuan tih tur hranpa pheh chu ka nei hlek lo. Rumania ramah bian khaw sing khat leh sang hnih a awm a ; mahse chu khuaah kher chuan ka han kal ta a. Juda mi ka ni tih a hriat veleh chuan chu Mistiri putar chuan nula hmeltha eltiang rim ni awm tak aipawha nasa hian mi rawn kawm ta a. A lo tawngtaina chhanna ni ngeiah min ngaia Bible chhiar turte chu min pe a. Nunphung hriat duh vang chuan Bible hi vawi tam tak ka lo chhiar tawh thin a, mahse Bible min pek kher chu a dang riau mai a ni. Kei leh ka nupui chu kristiana kan inlehna turin a nupui nen an lo tawngtai chiam a ni, tih chu a hnu lamah chuan min hrilh ta reng a, chuang chuan a Bible min pek chu A Aw B mai ni lo hmangaihna meialha ziah hi a lo ni a. Chhiar pawh ka chhiar tha hlei thei lo hi a ni ngawt mai. Ka nun soal tak leh lsua nunte chu ka han khaikhin thin a, a thianghlimna leh ka bawlhhlawh zia te, ka huatna leh a hmangaihna te ka han khaikhin thin a, ka tah khum leh thin a, A ma ta, a ta'n min lo pawm ta a.

A hnu deuh lawkah chuan ka nupui pawh chu a piangthar ve ta a. Mi dangte pawh Krista hnenah a rawn hruai a, a rawn hruai belh zel a, tichuan Rumania ramah chuan Lutheran Kohhran a ding ta chu ani reng mai a.

Tunah chuan Nazi hun a lo thleng ta thung a ; tuar pawh kan tuar nasa kher mai. Rumaniaah chuan Naziho chu dictator, an mahni chauh dika inggai chi, Protestant pawlte leh Judate tiduhdah chiah an tang hlahu mai a.

Pastora min la rawih chiah hma leh keimah pawh ka la inpuahchah tawh hma chuan, a lo tantu ka ni bawh a, he Kohhran hruaitu hi ka lo ni reng mai a. He mi chungchangah bian mawh pawh ka phur reng a. Kei leh ka nupui chu vawi tamtak man kan ni a,

Nazi roreltu hmaa hruai leh, vuakin kan awm thin a. Naziho chu an hlauhawm kher mai a, mahse Communist kut kan tuar tur tem lawkna chauh a ni. Ka fapa Nihaiia chu amah humhimnan Juda hming ni lo kan put tir a lo tul ta a.

He Nazi hun hi kan tan hlawkna riau a awm. Taksa invuakte chu a lo tuar theih viau tih leh Pathian tanpuinain mihring rilru hian sawisakna rapthlak tak tak pawh a lo tuar chhuak thei a ni tih min zirtir a ni. Kan hma lawka hun chhe zawk lo thleng tura kristian te n a ruka thawh dan pawh min zirtir bawh.

Pathian awm ring lo mi ka lo nih thin kawnga ka inthiam lohna chuan, ka pianthar ni phat atangin Rusiaho zinga Pathian thu hril hi min ti chak a. Anniho hi an naupan tet atanga Pathian awm ring lo va seilian anni a, Rusia-ho zinga ka hnathawa duhna chu a lo hlawhtling ta a. Nazi hun lai chuan indonaa an man Rusia-ho sang tamtak chu Rumaniaah an rawn hruai thin a, chungho zingah chuan Krista hna chu kan thawk thei ta a ni.

A mak hle mei, Russia lungin tang pakhat ka hmuh hmasak ber pheih chu theihnghilh theiin ko inring lo. Amah chuan Engineer (injiniar) a ni tihte min hrilh a. Kei chuan Pathian awm a rin leh rin loh ka zawt a, "Ring lo" pawh lo ti se la engah teh chiam ka ngai awm lo ve, mitip hi duha ringa duh lo va ring lo thei kan nih avangin. Mahse chutia ka han zawh chuan a ngaihna hre lo hmel deuh hian min han en a, "chutianga ring turin sipai lam atangin thupek ka hmu hlei nem. Thupek hmu ila chu ka ring ang chu" a ti ta mai a.

Ka lung chu a chhe teuh ta mai a, ka biangah chuan mittui a luang ta zawih zawih a. A rilru chu a thi tawh a, Pathian thil pek ropui ber pakhat Mihringten mahni kan nihna theuh anga chu a hloh tawh a ni a. An duh ang taka Communist-hovin a thluak chena an lo suk sak tawh, thu pek ang anga ringa ring lo mai tur a ni. A ma rilru puakchhuakin eng mah a ngaih-tuah thei tawh lo. Kum hei leh chen Russia Commu-

nist hnuaiia lo awm tawn mipui zawng zawng awm dan tlangpui chu he pa awm dan hi a lo ni zo tasi ! Heng mite laka Communist-in a tihdan ka hmuh hian Pathian hnenah chuan heng miten an nihna pangngai an rawn hmuh leh theihna tur leh Pathian leh Krista an rawn rin theihnana bei turin ka dam chhunga ka nunna chu pek ka lo tiam ta a.

Chutih lai chuan Rumania Vaibelchhe khat leh maktaduaiiat zingah Communist member (mi) chu singkhat lek an la ni. Mahse Vishinky Russia foreign Secretary chu kan lal, kan lo ngaihnat em em King Michael I Officeah chuan a lo lut a, dawhkan chum meuh hian. 'Sorkar hnaah Communist i ruai tur a ni', a rawn ti ta a. Kan sipaite leh ka policete chu an ralthuam zawng zawng an lak sak a, tichuan tihluinhnain mi zawng zawng huat hlawhin Communist chu an lal ta a ni. Heng hi chutih laia America leh British roreltute tanpuina a an tih a ni.

Russia mite pawh turin Russia rama kal kher a lo ngai lo. August ni 23 1914-a lo kal tanin Russia sipaiho chu maktaduai khat lai an lo lut ta a, a hnu lawk-ah chuan kan ramah chuan Communist an lo lal ta nghe nghe a. Tah chuan manganna rapthlak tak chu a lo intan ta a. Nazi hun laia kan tuarnate kha chu nep te a lo ni ta zawk a.

Mihringte hi Pathian hmaah chuan anmahni mimal sualna mawh chauh phur tur an ni lo va, hnam hrang inkara an sual mawh pawh an phur ang. Tuna Communistina hnam tam tak sala an siam tak mawh pawh hi America leh British chungah a tla a ni. Hlahuna leh tualthahna hnuaiia min awm tir tur hian, Americaho pawh hian Russiaho kha an lo pui tih kha anmahni Americanho hian an hre tur a ni. Chuvang chuan America hian heng salte hi Krista enga lo kal turin an tanpuin zang na tal an dawm tur a ni.

Hmangaihna Aw Leh Thlemna Ah Thuhmun

Communistho thuneihna hmuna an han awm ve leh chuan ngamthlemna chu Kohhran lakah chuan thiam fahran hian an han tan ta a. Hmangaihna aw leh ngamthlemna aw thuhmun a ni si. Nula rupaia thlemtu leh zankhat mutpuia tana thlemtu chuan "ka hmangaih a che" an ti ve ze si a. Isua chuan hmangaih na aw leh thlemna aw chu thliar hrang thiam turin min hrih a chinghnia beram vuna inkhuh leh beram thliar tur pawhin.

Communist an lo lal tak chuan Puithiam leh Pastor leh rawngbawltu sang tam tak chuan chu aw pahnih chu an thliar hrang thiam lo reng a ni.

Communist chuan kan Parliament inah chuan Kristian pawl hrang hrang chu min khawm ta a. Kohhran hrang hrang puithiam leh pastor leh rawng bawltu sangli lai kan kal a. Chung sangli chuan Kristian pawl honorary president atan Joseph Stalina chu an thlang ta a. Chutih lai chuan Stalina chu World Movement of the Godless (Khawvelah Pathian a awm lo ti a tang pawl). Kristian that teuh teuh thin pawl president a ni baw. Tichuan a indawtin bishop te pastor te chu chu kan parliament inah chuan an lo ding chhuak a." Communist leh Kristianna chu a inthuhmun a, inngeih taka awm ho theih a ni a lawm" tiin an sawi ta a. Rawngbawltute chuan a indawtin Communist fakna leh sorkar laka Kohhrante rinawm tur thu chu an rawn sawi baw a.

Kei pawh ka nupuinen kan awm ve a Ka nupui chu ka bulah a thu a, "Richard ding la Krista hmela thil zahthlak an bel zawng zawng chu han hruk fai sak teh, a hmaiah chil an chhak a nih hi' a ti ta mai a, Kei chuan "chutia ka tih chuan i pasal i chan si ange" ka han ti a A ni chuan "dawihzep pasala neih ka duh hlei nem" a lo ti leh mai si a.

Tichuan ka ding chhuak ve ta a, Kristian thattute fak lo chuan Krista leh Pathian chu ka fak a, tin kan

rinawmna pawh a ma lakah a ni hmasa ber fo yang tiin ka sawi ve ta a. Heng thu sawi zawng zawng hi Radio a puan chhuah vek a ni a, tichuan ram pum mai chuan Communist parliament chhung atang a sawi. Krista thuchah chu an lo hre ta a, a hnu lamah pheh chuan hemi avanga ka tuar chu a lo tul ta a, mahse a man ka ti reng reng a.

Orthodox leh protestant kohhran hruaitute chu Communist thu hnuaiyah chuan an inphah thiam siak ta a. Orthodox bishop pakhat pheh chuan a kawr fualah chuan tuboh leh favah lem chu a tar ve a a hote hnenah chuan, "Your Grace' min ti tawh suh u 'Comrade bishop' min ti tawh rawh u, a ti hial a ni. Resita khuah Baptist-ho inkhawmnaah vawikhat chu ka tel ve a. Flag hnuaiyah mi zawng zawng chuan ding chung hian Russia hnam hla an han sa a, Baptist Kohhran president chuan; Stalina h an eng dang a ti lo Pathian thupek a ti fam kim a ni zawke' Stalina chu Bible thu zirtirtu ropui tak a ni' ti hialin a han fak a, Puithiam thenkhat Patrascoiu leh Rosianu pheh chuan an la uar leh deuh va. Police rukah an tang hial a ni Rumania rama Luthera Kohhran bishop dawltu Rapp chuan, Theological Seminarah chuan: "Pathian hian thupuan tum thum a nei tawh a, Mosia hnenah, Isua hnenah a pathumnaah chuan Stalina hnenah; tin a hnuhnung ber hian a hma a mite chu a khum vek a ni." ti hialin a zirtir a ni.

Baptist dik tak, ka hmangaih em em erawh chuan chung chu an thurualpui lo va Krista lakah an rinawm em em a. tuar lah an tuar nasa. Mahse Communist ho chuan an hotu turte an rawn thlan saka, anni tan lah lo pawm mai loh theih a ni bawksi lo. Tuna an hruaitu lu ber pawh khu chutiang chu a ni.

Tichuan Krista rawngbawtu ni lo va. Communist rawngbawltua tang zawk te chuan, an lama tang ve lo, an unaute chu an phat ta zar zar reng a ni.

Russia kristian hovin an ram revolution hnua Kohhran Inthup (underground church) an din ta ang bawk khan, Rumania ramah pawh chuan Kohhran hruaituten

mi hek leh phatsan an chin tak avangin. Kohhran inthup chu kan din ve ta a. Chanchin Tha puanga thuhiril zela Krista tana naupangte pawh thei turin. Heng thilte pawh hi Communist chuan an khap tlat a, chu khap na chu Sorkar hriatpui kohhran chuan a remtihpui a ni.

Midangte nen chuan a ruka hnathawh chu kan tan ta a ni. A lang a paua kan hnathawh rukna kawnga inkaihbnawih hlek si lo va, inphen nana tha tak maiin khawtlang ngaihin mi zahawm ve tak ka ni a. Norwegin Lutheran Pastor ka nih bakah, Rumania ram tana world Council of Churches aiawh ka ni a (He pawl hian Communist a thurualpui ngai ang tih reng Rumaniaah chuan ka lo ring ngai lo). Heng ka nihna pahnih avang hian a ruka hnathawh dang ka neih hre lo thuneitute hmaah chuan ka tlatlum viau a.

Ka hnathawh chu peng hnihah kan then a Pakhat chu Russia sipai maktaduai lai zinga a ruka rawngbawl a nia. Pakhat leh chu Rumania mi, sala tangte hnena rawngbawl a ni.

Russiaho, Thlarau Tuihal Hnam

Ka tan chuan Russiaho zinga Chanchin Tha hril chu 'nuam singkhaw' tih ang hi a ni ber awm e. Hnam hrang hrang zingah Chanchin Tha hi ka lo hril tawh na a, Russiaho tluka Chanchin Tha lo dangsawng tha hi ka la tawng ngai lo. Thlarau lamah an tui a lo hal tak meuh mai a.

Ka thian Orthodox puithiam pakhat hian, Russia Officer pakhat, a hnenah inpuang turin a lokal tih telephone in min rawn hrilh a. Ka thian chuan Russia tawng a thiam loh avangin ka awmna a rawn kawhhmuh ngawt mai hi a lo ni a. A tukah chuan chu pa chu a lokal ta a. Pathian a hmangaihin a ngaina em em bawka, mahse Bible hi a lo la hmu ngai hlek lo mai hi a lo ni a, Tin, sakhaw thila inkhawmna reng rengah a la tel ngai hauh lo va (Russia ramah zawng biakin hi a vang

hle renga). Sakhaw thu zirna a nei bawk lo va. A chanchin hriatna chbete pawh nei lawk lo chuan Pathian chu a hmangaih si a

Isuan tlang chung a thusawi leh a tehkhin thute chu ka han chhiarsaka. A han ngaihthlak hnu chuan lawm em em mai hian pindan chhungah chuan a lam vela "A va mawi ropui em! Krista hre lovin engtin tehlu nge ka awm theih ang!" a ti thin a, Krista a lawm tak meuhva lawm, ka hmuh vawi khatna a ni.

Thil ka tisual ta hlah mai a. Amah puahchah lawkna nei si lo chuan Isua lungngaihna leh khenbeha a awm thu ka chhiar ta hlah mai a Chutiang chu a lo beisei lo khawp mai chu niin. Krista an vuaka an khenbeh dan leh, a tawpa a thih tak thu a han hriat chuan a thutthleng banah chuan a kun ngawih ngawiha, a tap ta chiam mai a. Chbandamtu chu a lo ring tawh a, mahse a Chhandamtuchuan a lo thihsan ta si!

Amah chu ka han en thin a, kei chu kristian mai pawh ni lo. Pastor hiala ka lo invuah thin khan min tizak ta hle mai a. He Russia Officer hian a tuarpui angin kei chuan ka lo la tuarpui ve ngai hauh lo va Ka han en thin a, Kros bula Mari Magdalini a tap lai hmel leh thlana a awm tawh hnu pawha a tawrhpuina hmel kha ka chan ber mai a.

Tichuan a thawhleh thu kha ka han chhiar leh ta a. A Chhandamtu chu thlan ata a tho leha ni tih a lo lahre ngai hauh lo va Chu thumak tak mai chu a han hriat chuan a khup a khawnga, a riat ta nuah nuah mai a, mahse chhechhamna thianghlim tak a nih ka ring. A tihdan hmang ve reng pawh chu a ni? mah na. A lo hlim leh ta a. Lawm em em chuan, "A nung a ni! A nung a ni!" tiin a auva, pindan chhungah chuan a lam kual leh ta a.

"I tawngtai ang hmiang ka han ti ta a. Tawngtai a lo hre ngai lo va, kan tawngtaina a kan tawngkam mawi hmante pawh a hre hek lo. Ka bulah chuan a thingthi ve a, A tawngtai hla chu hetiang deuh hi a ni:

'Aw Pathian, Pa fel tak chu i lo va ni em ! kei hi nang niin nang kha kei ni ta ang la chuan kei chuan i sualte ka ngaidam hlek lo vang. Nimahse pa fel zet mai i lo ni si a, ka thinlung zawng zawngin ka hmangaih a che', tiin.

Chu Russia officer tawngtaina rilru khawih tak mai ngaithla tur chuan vana angelho zawng zawng pawhin an thawh lai theuh chu an chawlh san thuapin ka ring a ni. Chu pa chu Kristaah chuan Mi nung a lo ni ta a

Vawikhat pawh dawr hmunah hian Russia officer pakhat leh hmeichhe officer hi ka va hmua Thil eng engemawni hi an lo lei a. Dawrkai pa chuan Russia tawng a lo thiam mang lo va, an inbe tha hlei thei lo hi a lo ni a. An tawng leblin sak tur chuan ka va hnaih a, kan inhmelhriat ta a. Chaw eian ka sawm zui ta ngal a. Kan ei hma chuan 'Hei Kristan inah in awm a ni a, keini zawng tawngtaite kan ching a' tiin Russia tawngin ka tawngtai ta a. Ti chuan an chaw eina thirkut leh fiante chu an thlah thak mai a, ei lam reng reng chu an ngaihsak ta lo a. Pathian awmzia leh a chanchin reng reng lo la hre ngai hek lo engtin tin emaw chuan Krista leh Pathian leh Bible chanchin thlengin mi an zawt an zawt ta mai a.

Han hrilh thiam pawh chu a har hle mai. Beram za neituin pakhat a hlauh thu kha ka han hrilh a ; an hre thiam hlek lo mai a. "Engtingge beram zate a neih theih ? Communist pawlin mite nena intawm atan an chhuhsak lo vem ni " an ti hu hu mai a. Kei chuan Isua chu Lal a ni tih ka han hrilh leh a, "Lal tawhphawt chu mite ti duhdahtu an nih zel avangin Isua pawh chu mi tihduhdah hmang tak a nih dawn chu," tiin min chhang leh ta mai a. Grep huana hna thawktute tehkhin thu kha ka han sawi leh a, an ni chuan "Huan neitu pa lakan chuan hel awm reng a nih chu, Grep huante chu intawm vek tur a lawm" an ti leh ta deuh deuh mai a. An tan chuan engkim mai chu thil thar vek mai a ni a. Isua pian thu ka han hrilh leh chuan, khawtlang mipui tam tak ngaiha Pathian sawi chhiatna

ting hial awm hian 'chu Mari chu Pathian nupui a ni maw' an ti leh ta he mai a. Chutianga an mahni leh mi dang dangte ka ti ti puina atang chuan. Russia ho leh Communist thu hnuai rei tak lo awm tawhte hnena Chanchin Tha tlangau pui tur chuan tawng danglam deuh hman leh tih dan thiam pawh a ngai hle dawn a ni tih ka lo bre chhuak ta a.

Central Africa-a Missionary-te chuan, Isaia ziaka "In sualte chu sen lar angin awm tawh mah sela. Vur angin a var ang", tih hi lehlin harsa an ti. Chulai ram velah kher chuan vur a awm ngai loh avang leh a awm zia pawh tumahin an hriat loh avangin. An tawngah pawh vur tihna a awm lo reng reng a ni, Chuvangin. 'In sualte chu...Narial thei chhung mu angin a var ang' tiin an let ngawt mai a ni.

Tichuan keini pawhin Communist thawi sil tawhte zinga Chanchin tha sawi tur chuan an hriat thiam zawnga lehlin a lo ngai ve a ni. Keimahni ringawta kan tih theih thil erawh chu a ni lo va, Thlarau Thianghlim keimahni hmangin hna a rawn thawk ta a ni.

Chu Captian leh hmeichhe officer pawh chu chumi ni chuan an lo piang thar ta a ni. A hnu lama Russianho zinga a ruka rawng kan bawlna kawngah pawh min pui nasa ta em em a ni.

Chanchin tha len Kristian thu ziak khawlin kan chhu ru teuhva, a ruk te bawkin chung chu Russiaho zingah kan sem leh thin a. Russia sipai pianthar tawhte chu Lalpan a lehkhabu thianghlim leh a chhunga thu ziak tam tak sem chhuak tuah a hmang ta a.

Russiaho zinga Pathian thu sem tur hian tihdan dang pakhat kan hmang bawh. Heng Russia sipaite hi rei tak mahni in rawn kalsan tawhte an ni a, nupui fanau nei pawhin rei tak an nupui fanaute hmu tawh lo an ni a Russiaho hian naupang an ngaina em em a chuvangin ka fapa Mihaia leh naupang dang kum sawm hnuai lamte chu an ipteah Bible leh Pathian thu ziak akin khawlai kan len tir thina Russia sipaihote chuan chu'ng

naupangho chu an lo pawma chithlumte an lo pe thin a. An ni chuan lawm entirna ang deuhvin chung an Bible leh Pathian thu ziak abte chu an pe ve thin a, sipaihote chu an lawm thei em em thin a ni. Tichuan keini puitlingina a lang a pauva kan tiha hlauhawm lutuk, naupangho chuan him tak leh mawi takin an ti thei a ni. Chung naupangte chu Russiaho zinga "Missionary" an nih ber chu. Rah pawh a nei tha kher mai; Kawng danga chanchin tha hriat tir ngaihna kan hriat hauh loh lai chuan chutiang chuan Lalpan Kawng a rawn siam a. Sipai tam takin Krista an rawn hmuh phah ta a ni.

Russia Sipai Bahrika Thu Hrilhna

Russiaho zingah chuan mi mal te te lo pawhia kan thawk thin a, thahnem tham lo te hian in hmuh khawmna kan nei thin a.

Russiaho hi sana ngaina deuh mai an ni a. Sana bun an hmuh a piang chu an chhuh a ni ber mai. Khawlaia mi kalte hi an dawm ding chawt chawt a an sana an dil a, pek loh ngam lah an ni si lo va. Rusia sipai zingah chuan ban lehlam lehlama sana bun tle tuarte pawh hmuh tur an awm zut thin. Hmeichhe officer an nghawnga sana ri cher cher thi awrhte pawh an awm. Sana lo nei ngai lo an ni bawk a duh tawk an neih lo a ni ber mai. Rumania mi sana lei duh chu Rusia sipai bahrikah an kal mai thin a, an nin an ruk leh mi hnen atang a an lak chu an lo lei tir thin a, thenkhatte chu an mahni sana ngei va lei fuh leh ta hlauh pawh an awm thin. Chutiang a sana leia Rusia sipai bahrika kal chu tihdan tlangpuia neih a ni tawh a. Keini Kohhran inthupho pawhin sana lei chu chhuan lama siamin kan va kal ve thin a.

Ka kal hmasak ber ni a tan chuan Mi thianghlim Paula leh Mi thianghlim Petera ni an tih chu ka thlang a. Sipai hmunpuiah chuan sana lei chhuanlam chuan ka va kal a. An sana mi han en tirte chu, a man tawh

lutuk deuh te, a lian lu deuh te, a te lu hret tite chuan ka en kual zel a, Sipai tam tawk tak chuan an sana mi rawn zawrh chuan, min kil tuau tawh mai a. Kei-chuan fiamthu deuh hian "in zingah hian Paula emaw Petera emaw in awm lo maw." ka han ti a. Thenkhatte chu an lo ni ngei a, "Vawiin hi Orthodox Kohhranin Mithianghlim Paula leh Petera an chawimawi ni a ni tih in hria em?" ka han ti leh a. A upa deuh te chuan an lo hria a, "Paula leh Petera chu tutenge an nih in hria emaw chu ka ti leh zel a; tumah hria reng an lo awm lo va. Tichuan ka hrilh tan ta a. An zinga upa deuh pakhat chuan nang hi sana lei tura lokal i ni lo tawp mai rinna thu sawi tura lokal i nih zawk hi; thu la min han hrilh teh. Mahse fimkhur hle ang che. Keini hian hlah tur chi chu kan hria a, tuna i bula awmte hi chu mi tha vek kan ni a; i khupa ka kut ka rawn nghah lai chuan sana thu chauh sawi la, ka kut ka lak sawn veleh i sawi tur chu i sawi leh thin dawn nia" min ti ta a. Min rawn kiltu chu an thahnem fu tawh a. Paula leh Petera chanchin te Krista rawng an bawl vanga an tuar thu leh an thih phah chanchinte chu ka hrilh ta zel a. A chang chuan an mi rin loh zawngte chu an lo kal thin a ka khupah a kut a rawn nghata sana thute kan sawi leh rih thin a. An kal sawn hnu chuan a kut a la sawna Krista chanchin chu ka n chhonzawm leh thin a. Rusia sipai Kristian lo ni tawhte tanpuinain chutiang chuan wawi tam tak kan ti a. An thian tam takte pawhin Krista an rawn hmuh phah ta a ni. Chanchin tha pawh sang tamtak a rugin kan sem thin a.

Kohhran inthup zinga kan unau tam tak chu heng avang hian manin an awm a, nasa taka vuak leh hrem an tuar thin. Mahse chuti chung pawh chuang tumahin kan pawl leh Krista chu an phat ngai lo.

Hetia kan thawhna lamah hian Rusia rama Kohhran inthupte pawh kan hmuh theih phah zeuh zeuh a, an chanchin pawh kan hriat theih phah a. An hmel han hmuha lo lang hmasa ber chu Mithianghlim hmel a ni.

Kum kha leh chen kha sakhaw sawichhiatna hnuaiah an lo awm tawh a. A thente pheh chu Communist University ngeia lo zir chhuak tawhte an ni a ; mahse tui al taka sangha cheng, a sa a la tui tho ang hian, chung mite pawh chuan Krista tan an thlarau chu thianghlim takin an la vawng a ni.

Chung Rusian Kristiante chu an va duhawm tak em ! “Kan lukhuma arsi leh favah leh tuboh lemte hi Krista dodalna arsi a ni tih chu kan hria e,” tiin hnuk ulh teuh hian min hrilh thin a, an tar lo ngam si lo va. Rusia sipaite zinga Chanchin Tha kan theh darhna kawngah nasa takin min pui thin a ni.

Kristian zia zawng zawng hlimna chauh lo chu an kim barh mai. Chu hlimna erawhchu an Pianthar tirh chauhvin an nei thin a, a bo leh mai thin Mak ka ti viau maia, Baptists Kohhrana mi pakhat chu, “engtiziaa lawmna hi nei lo tlat nge in nih” tiin ka zawt ta chawt mai a. Ani chuan, “Engtin nge Kristian tak tak ka nih te, tawngtainain ka nung tih te, Thlarau bo hruai luh tur ka zawng reng a ni tih te hi keimahni Kohhran Pastor ngei laka zep tawng tawng chungka ka lawm theih ang. Kan Kohhran Pastor chu enthlatu pulis (Secret police) hnena mi hek hmang a ni si a. Kan in enthla chhawng thluah mai a, beram vengtu chu beramte phat santu a ni si a. Kan thinlung chhung rilah chuan chhandam lawmna chu kan nei a, mahse pawn lama lawmna in neih ang hi chu kan nei ve thei tawh lo a ni.

Keini zingah zawng Kristianna hi mak tak a sin. Nangni Kohhran ral muanga mi zawngin Thlarau boral tur in chhanchhuahte hi Kohhran ralmuanga lo tel turin in ko thin a ; keini zawng mi kan hneh ve reng rengin a fa-nau leh a chhungte fahraha kalsanin lung inah a tang dawn tih kan hre reng a ni. Chuvangin Krista hnena mi kan hruai pawh hian chumi hlimna chu a man an;pek tur ngei hriatna chuan a pawlh lo thei lo a ni” tiin min chhang a.

Kristian ze thar Kohhran inthup zia chu keimahniah a lo lang ta a ni.

Helaiah zawng rin loh tak tak hi hriat tur leh hmuh tur a tam mai. Kristian zingah Kristian nia inngai si ni tak tak lo an tam ang bawh bian, Pathian awm ring lo zingah pawh hian Pathian awm ring lova in ngai si, ring lo tak tak lo, tam tak an awm.

Milim siam thiam nupa pawh ka ti-ti pui a ; Pathian chanchin ka n hrih chu. hetiang hian min chhang a ni, "Ni lo ve Pathian a awm hlei nem. Keini chu Pathian nei lo (Bezbozhniki) kan ni a, mahse thil mak ang reng tak mai kan chung a lo thlang kan han hrih ang che.

"Vawikhat chu Stalina lim hi kan siam a. Kan thawh lai mawlh mawlh chuan ka nupui chuan" Ka pasal, kut zungpui hi ? kut zungtang dangte lo khing tura kan siam theih loh chuan—kut zungtang hi ke zungtang ang lo ni phei se chu, tuboh te hmanraw hrang hrang te lehkhahu te leh chhang takngial pawh kan keng thei awm si lo va ; mihring nun hi he kut zungpui tel lo hi chuan theih loh tluk a lo ni dawn a nih chu. Chuti ni se kut zungpui hi tu siam nge ni ta angle ? Keini chuan Sikulah Marx-a zirtirna kan dawng a, lei leh van chu anmahniin an lo awm mai a ni tih kan hre si a. Pathian siam an ni lo tiin kan zir a, chutiang tak chuan kan rin dan pawh a ni a. Mahse Pathian hian lei leh van chu lo siam lo vin, kut zungpui chauh pawh hi lo siam sela, chu thil te tham tak avang pawh chuan a fak tlak hle awm si a. Edisona te, Bell-a te leh Stephenson a te chu electric bulb (Kawlphe khawnvar bawl te telephone (thirhruia inbiakna) te, rel te leh thil dang te an lo hmuh chhuah avangin kan fak a. Engahnge kut zungpui lo siamtu chu kan fak loh bik ang ? Edison-a pawhin kut zungpui lo nei lo se chu eng teh lul nge a siam chhuah ang ? Chuvangin Pathian kut zungpui lo siamtu chu fak awm tak a ni a ti a.

Mipa tam takina an lo tih thin angin kei chuan, "Chutiang thil atthlak sawi suh. Pathian a awm lo tibte chu i zir tawh a lawm. He inahhian ngaih thlak rukna an lo dah reng phei chuan kan buai hrep thei a ni tih pawh hi i hre lo vem ni ? I rilruah khan tun

atanga kumkhua atan Pathian a awm lo tih hi thun ta che Vanah chuan tumah an awm la." ka tia ka nupuiina, thu fing tak an phuh chhuah chuan ka thin a ti rim riau mai a.

Ka nupui chuan mi la chhang zel a. A la mak ta deuh deuh a nih chu. Vanah chuan Pathian thil engkim ti thei chu lo awmin, kan thlahtute chuan an at vangin lo ring ni se zawng kut zungpuite chu nei awm reng pawh kan ni a. Pathian engkim ti thei chuan kut zungpui pawh a siam theih dawn a vangin. Mahse vanah chuan tumah an awm lo a nih chuan, kei zawng ka thin lung zawng zawng hian chu 'Tumah' kut zungpui lo siamtu chu ka be dawn a ni' a ti a, a ti a.

Tichuan 'Tumah' betu chu an lo ni dun ta a. Chu tumah an rinna chu a lo pung tial tial a, kut zungpui chauh ni lo vin, arsi te pangpar te naupang te leh kan nuna thil mawi zawng zawng engkim mai siamtu a nih an lo ring ta a Hmanlaia Paula'n Atheni khuaa, 'Hriat loh pathian' betute a va tawn fuh ang kha a ni ber mai.

He mite nupa pawh hi ka hnen atanga an lo briat dik zia, vanah chuan 'tumah'-Pathian Thlarau, hmangaihna leh finna leh thu dik leh thiltihtheihna thlarau chu a awm a, an mahni chu a hmangaih em em a, A fapa mal neihchbun chu Kros a an tana rawn inhlan turin a rawn tir a ni tih, an han hriat chuan, sawihleiththeih loh khawpin an hlim ta a.

An lo inhre lo mai pawh a, Pathian ringtu an lo ni reng a. Kei chu vanneihthlak takin chhandam an nih tawh leh, tlan tawh an nih hre tur a pen khat han pen tirtuah chuan ka lo tang ta a ni.

Vawikhat pawh khawlaiah Hmeichhe Officer pakhat hi ka tawk a. Ka va hnaih deuh a, ngaihdam dil pah zel chuan, "Khawlaia hmeichhe hriat ngai hleih loh han biak din ngat chu thil mawi a ni lo tih chu ka hria a, mahse hei, Pastor ka ni a, ka thahnem ngaih vang a ni a Krista chanchin sawipui che ka duh a ni" ka han ti chawt mai a.

'Krista chu i hmangaih em ni?' min lo ti a. Kei chuan, "Aw ka thinlung zawng zawngin" ka ti a. Tah chuan minrawn kuah a, mi fawp nawn ta mawlh mawlh mai a. Pastor tan chuan mangan thlak tak chu a ni lehling ta a. Miten chhungkhat emaw min ti mahna ka tih avangin ka fawp ve ta ngawt mai a. "Kei pawhin Krista chu ka hmangaih a sin" a ti chul mai a. Kan inah ka hruai ta a. Tahchuan kan han ti ti a, Krista chu a lo la hre reng reng lo va, a hming chauh a lo hre thin a lo ni a, mak ka ti kher mai. Mahse a hmangaih tlat si. Chhandamtu a nih zia leh chhandamna awm zia pawh chu a lo la hre hlek si lo. Khawiah nge a lo chena, a thih pawh a hre lo va. A zirtirna leh a nur leh a hnathawh pawh a hre hek lo. Ka tan chuan chu nu chu rilru pianhmang mak tak mai a ni a. Eng tin nge mi a hming chauh i hriata chu i hmangaih theih? tiin ka han zawt a. A ni chuan.

'Ka naupan lain Sikulah milem atanga thil chhiar (A Aw B chhiar) hi min zirtir thin o. "A" aiah "apple" lem hi a awm a, "B" aiah 'bell', "C" aiah 'cat' chutiang zelin. High School ka lo luh chuan kan ram communist ram humhim chu kan tih tur 'thianglim' a ni tih te, communist rilru put hmang te min zirtir a. Mahse 'tihtur thianglim' te rilru puthmang te chu ka hre thiam lo va. Chung zirtirna te chu ka lo mamawh ta a. Tichuan kan pi leh kan pu ten milem pakhat, mihring nuna thil mai leh fak tlak leh dik zawng zawng aiawhtu an nei thinte chu ka hre chhuak ta a. Chu milem hmaah chuan ka pi hi a kun fo thin a. A hming chu Krista an ti a. Chuvang-chuan he hming hi ka hmangaih a ni. A hming ngawt pawh hian ka tan chuan takna riau a nei a. A hming sawi ngawt pawh hian min ti hlim em em thin a ni' tiin min chhang a.

A thu sawi ka'n ngaihthlak chuan, Phillipite hnena 'Isua hmingin mi tin.....an thingthit nan' tih kha ka hre chhuak rum rum mai a. Krista dodaltu chuan Pathian hriatna chu engemaw chen chu han ti bo thei mahse, Krista hming lam ngawtah pawh thil tihtheihna

a awm si a ; chu chuan êngah min la hruai phawt ang.

Ka inah chuan lawm takin KRISTA chu a hmu ta a. Tun hmaa a hming chauh a lo hmangaih thina chu a thinsungah chuan a nungin a cheng ta a.

Unau pakhat hmeichhia, rel chawlh hmuna Chanchin Tha theh darh thin chuan vawikhat chu Rusia lieutenant (lepten) hi ka awmna a lo hrilh a. Hmel tha deuh sang thlerhthlawrh hi a ni, tlai khat chu a lo leng ta a.

“Eng e i duh le” ka lo ti a. A ni chuan “Eng hmuh tumin ka lo kal a ni” a ti a. Pathian thu atana pawimawh awm lai deuh deuh chu ka han chhiar ta a. Ka kut chu a rawn khawih a, “Ka thinsung chhung ril tak atangin min hruai bo lo turin ka ngen a che. Thim zinga awm ka ni a. Khawngaih takin min han hrilh teh, hei hi Pathian thu dik a ni ngei em ? a ti ta a. A ni ngei a ni tih ka han hrilh ka han hrilh a, rei tak a ngaihthlak hnu chuan Krista chu Lal leh chhandamtuah a pawm ta a.

Rusia-ho reng reng chu Sakhaw thua an puithuin an timaimai ngai lo va. Sakhua an dodalin emaw, an duha Krista an zawnin emaw an rilru takin tih tak zetin an ti thin a ni. Chuvangin Rusia rama Kristian tawh phawt chu Thlarau hnehtu Missionary an ni vek a ni. Chuvang tak chuan Khawvelah Rusia ram tluka Chanchin Tha thehdarh nana lei tha leh hmin hi a awm awm lo hiale. Rusiabo hi he leia hnam hrang hrangah hian sakhaw mi ber pawl an ni ang. Chuvangin Chanchin Tha hi an hnenah tih tak meuhvin thlen thei ila, khawvel awam dan pawh hi kan ti danglam theiin a rin, awm hlel lo a ni.

Rusia ram leh a mi chengte hi hnam a zawnga Pathian thua riltam ber ni sia, mi zawng zawng deuhthawina kan ngaihthah si hi a run thlak hle a ni.

Vawikhat chu rela ka chuannaah hian ka hmaah Rusia Officer pakhat hi a thu a. Krista chanchin chu ka han sawi dek dek a, Pathian awm loh thu a an tanchhan

atan Karl Marx-a te, Stalin a te, Voltaire-a te, Darwin-a te chu a rawn sawi chhuak zuah zuah mai a. Tawng ve na hun pawh ka nei ve lo. Pathian awm loh thua mi hmin tum chuan darkar khat dawn lai chu a saw-i a. A sawi zawh chuan, "Anibleh engatinge i mangan laia i tawngtai thin si" tiin ka zawt ve thung ta a. Rukru a thil ruk lai phawk ang maj chuan mak ti awm deuh mai leh phawk deuh mai hian min han en a; "Engtinge ka tawngtai thin tih i hriat "tiin min han zawt ta a. Kei chuan chuti maia chhuah chu ka phal lo va, Kei chuan "Ka zawt hmasa che a khawngaih takin ka zawhna min chhang phawt rawh" ka ti a. Chutah zawng zep thei ta hek lo, a bu nghut nghut a "Indona hmuna German ralina min han hual lai tak tak chuan kan tawngtai a lawm. Tih dan pheizawng kan hre lo 'Pathian leh Nu Thlarau' kan ti mai a ni," a ti ta a. Thinlung entu mit hmuhah chuan tawngtaina tha tak pawh a ni phawt ang.

Rusiaho zinga kan rawngbawlna chuan rah a chhuah tha viau.

Piotr-a (Petera) ka hre reng thin. Russia lung in khawi berah nge a thih tak tumahin kan hre lo. A la naupan tehlul vei nem! Kum sawmhnih emaw chauh a ni ang. Rusia sipaiho zingah Rumaniaah a lo kal ve a. A ruka kan inkhawmnaah chuan a piangthar ta a "Baptisma min chan tir rawh" a ti a, ka baptis ta a.

Baptisma a chan zawh chuan Bible khawi lai berin nge a rilru khawih ber ka zawt ta a.

Tum khat kan inkhawmna a Luka bung 24 ka chhiar chu ngun takin a lo ngaithla a, "A ni chu hla deuhva kal tum angin a awm a", tih lai chuan a rilru a lo khawih ber a ni awm e. Heti hian a ti ta a. "Eng vangin nge Isua hian hetianga a sawi mak ka ti viau mai. A zirtirte hnena awm ve kha chu a duh ve awm ngei si a; chuti si engtia hla deuva kal tum anga awm nge a nih," a ti a. Kei chuan Isua chuan hawih a hawm a, an ngai ngei emaw tih, fiah a duh a ni tiin ka lo hrih fiah a. An hnena awman an duh ngei tih a

hriat hnu chuan inah a lut ve ta a. Communistho zawng hawih an hawm ve lo va Inah te kan thinlung leh rilruah te tih luihnaa luh an ching a. Zing atanga zan rei deuh deuh thlengin tih luihnain an thu min ngaihtlak tir a. Sikula in zirtirna te Redio te Chanchinbu te lehkhatar te hmangin chung tihluihna thute chu an puang a. Pathian awm loh thu ngaihtla tur a inkhawm turtein mi'n ti lui thin a. I duh emaw duh lo emaw Pathian awm loh thu chu i ngaihtlak reng reng a ngai a ni. Mahse Isua chuan zalenna kan neihte hi min hlut sak a. Kawngkhar chu dam tein a rawn kik thin. Isua chuan a hawihhawmanain mi a hneh thin. Communist leh Isua, chutiang zawng a khaikhi-na chuan a rilu a lo khawih em em mai a lo ni a.

Rusiaho zingah a ni chauh hi Isua ze hetiangina a hneh a ni lo (Kei chuan, Pastor chu ka lo ni ve tak a, chutiang zawng rengin ka lo ngaihtuah ngai lo.)

A lo pianthar hnu chuan Piotr chuan Rusia ram leh Rumania ramah chuan Vawi tam tak Kristian lehkha a sem thin a. A tawpah chuan an man ta a. 1959 kha chuan lung inah a la awm tih chu ka hre ngei mai a. Thi tawh tak ang maw, Vanah min lo nghak reng tawh nge? Leiah a hnathawh tha tak chu a la chhun-zawm zel? kei chuan ka hre lo. Vawiinahte hian khawiah nge a awm Pathian chauhvin a hria

Amah ang bawh hian tam tak chu an piangthar chauh ni lovin thlarau bo zawngtu leh mantu an ni. Krista tana thlarau bo man kawngah hian kan chawl tur a ni lo. Hetianga i tih pawh hian hna chanve chu-i zo emaw chauh a ni si a. Isua tana thlarau kan man thar apiangta chu thlarau dang mantu leh hnehtuah kan siam zel tur a ni. Rusiaho pawh hi an piantharin, an piangthar mai chauh ni lovin Kohhran inthup Missionary an ni nghal zel a ni. Krista tan chuan pawisak an nei ngai lo va, an huai em em bawh a ; Krista an tana lo thi hial tawh tan chuan an tih theih ve chhunte chu a tlem lutuk an ti mai a ni.

Sal Tang Hnam Tan A Kohhran Inthup Hna Thawh

Kohhran inthup Missionary hna peng pahnhna chu, Rumania mite zinga chanchin tha rawngbawl a ni.

A tirah chuan Communist chuan Kohhran hruaitute an lama tang tura an duh avangin a thlemin an thlem a, mahse an hmaithinghawng chu an hlip thuai a, a rikrap zawngin an che thin a. Sang tam tak chu lung inah an khung ta a. Tichuan Rusiaho ang bawh chuan keini zingah pawh Krista tana thlarau man pawh chu thilmak a lo ni ta a.

Kei pawh chu a hnu deuhvan chuan Pathian tanpuina azara Thlarau bo ka man hote nen chuan lung inah ka-n tang a, Ka awmna pindana awm ve chiah phei chu, fa naupang te te paruk nei hi a ni a. Krista a rin avangin a tang a ni. A nupui leh a fanaute chu riltamin an awm a hmuh pawh a hmu leh ngut tawh lo vang. "Krista hnena ka lo hruai tak che a vangin i chhungte leh nangin he ti tak hian in tuar phah ta sia, inchhinate i nei reng em," ka ti ta chawt mai a.

A ni chuan "Chhandamtu mak tak mai hnena min lo hruai luh a vanga ka lawmna hi thu leh hlain ka hre thiamin ka sawi seng lo ve ; chu chu ka ngaihdan a ni a, ka thlak hek lo vang," tiin min chhang a ni.

Tuna kan hun tawngah hi chuan Krista thu bril chu a awlai ta lo hle mai. Krista chanchin chu Khawlin kan chhu teuhva, Communisthovina ngun taka an lo enna karah chuan kan thawn hram hram thin a ni. A lo endik tute hmuh tur, kan lehkha thawn kawmahte chuan Communist hmu chhuaktu Karl Marx-a thla kan chuan tir a. A bu hmingah chuan "Sakhua hi mipuite tih ruihna a ni?" tihte leh thil dang dang thu dik si Communist ngaih dan pawha dik ve chi hmangin kan ti thin a. Communist lehkha bu emaw tiin an sil (seal) chu an lo chhu ve leh mai bawh thin a ni. Heng lehkha buah hian a pheh hmasa lamah chuan Marx-a te Stalin a te Lenina te thu sawi eng eng emaw kan chhu buai mai

a : a phek hnuhnung lamah chauh Krista thu chu kan chhu thin a ni.

Kohhran inthup tih lenah kawng thenkhatah chauh kan inthup a. Vur tlang ang deuhvin a thenah chuan a lang a pauvin kan thawk thin, Communist inzirtirnaahte chuan kan kal thin a, chung lehkhate chu kan sem thin a. Communistho chuan chung a kawma Karl Marx-a lemte an han hmuh chuan an inlei siak hial thin a ni. Phek sawmna vel Isua Krista thu ziakna an han keu thlen meuh chuan hla tak-kan lo thleng hman tawh thin si a.

Kan dinhmun thara Pathian thu hril chu a awlai lo hle. Kan mite lah chu rah behin an awm a Communist-hovin an thil neihchhun eng kim tak meuh an chhuh sak vek si. Lo nei mi emaw Ran vulh mi emaw an nih lahin an thlai leh ran zawng zawng an chhuhsak a. Lu mettu emaw puan thuitu emaw an nih pawhin an sum deh chhuahna ang ang chu a te a tein an chhuh zel bawk si a. A neinungte thil chauh an chhuhsak lo va rethei te tete thil pawh an chhuhsak zel a, an tuar nasa em em a ni. Chhung kaw tin a tangin lung in tang an awm tih theih a ni a, retheih dan chu namai a ni lo a ni. Thenkhat chuan "Engatinge Pathian hi hmangaihna Pathian ni siin Ramhuai hi he ti taka a chak tir ni?" an ti hial thin.

A ni taka, kum sanghnih dawn hmalam tawhah khan Lal Isuan a Good Friday ni hmasa bera 'Ka Pathian ka Pathian engahnge min kal san?' tia a au nite kha chuan Krista thu hril chu a awlai lo kherin a rin awm.

Mahse a hna chu thawh reng hian kei mah ni thawh ni lo-vin Pathian thawh a ni tih a lang Chiang thin. Chutiang zawng chuan he laia zawhna pawh hi a chhan theih a ni.

Isua khan keimahni ang bawka rahbeh, Lazara, thi lek leka, riltama, a pante uin an liah sak chanchin min hrilh a. Mahse a tawpan zawng a khawvel nun a lo tawp a, angelten an la a, Abrahamang chhungah ngei a awm ta a nih kha.

Kohhran Inthupin A Lang A Pauva A Thawh Dan

Kohhran inthup chu mi inah te, leihnuai inah te, ramhnuaiah te kan inkhawm thin a. Chutah chuan a rukin a langa kan thawh tur chu kan buatsaih thin a ni. Communist hnuaia awm mah ni ila, kawt thlera thu hril dan eng engemaw...hi kan nei thin a, mahse chu hun a lo rei deuh chuan a hlauhawm sawt hle mai. Mahse hetia kan tih loh chuan mite kan pawh zo dawn bawk si lo, hetiang kawngah hian ka nupui chu a phur hle thin. Kristian tlem a zawng hi kawtthler kil khatah hian an inhawrkhawma, an han zai tan ngawt maia. An zai mawi ngaithla tur chuan mi tam takin an rawn bawr thin a. Tahchuan ka nupui chuan thu a sawi ta thin a. Police lo lan hmam chu mi hmam chu kan kalsan leh dial thin a ni.

Ni khat chu chawhnu lamah hian hmam danga ka tulsan lain Bucharest khawpui MALAXA thil siamna hmam pui kawt laia hnathawktute tam zet hmaah hian thu a lo hrila. Pathian leh a chhandamna hi a lo hril a. A tuk chiah chuan chung hnathawktu tam fete chu Communist rorel dikloh huat vanga an hel avangin kahhlum an lo ni ta a. An hun chiahah thu an lo ngaithla a lo ni.

Kohhran inthup kan ni tak na a, Baptistu Johana ang bawk khan mite leh rore ltute hmaah chuan huai takin Krista chanchin chu kan puang bawk thin.

Wawi khat phei chu Sorkar in pakhat kailawna kan Prime Minister Gheorghiu Dej kallai hi kristian Pahnih hian an han um zui ngawt mai a. Rei lo te an han dinchilh chbung ngawt pawh chuan Krista chanchin chu an hrilh a a suauna leh mi tihdudah a chian chu sim turin an han ngen ngawt mai a. Chutia huaisen taka an thuhrina avang chuan lungina khung an ni ta a. A hnu kum tam takah chuan chu Prime Minister chu a lo na ta vak mai a, tichuan hmama mi pahnihin huai taka an thu lo hrilh leh hrehawm nasa tak an lo tuar phah takna chuan rah a rawn chhuah ta a. A mangan

tak tak lai chuan Prime Minister chuan an thuhrih chu a lo hrechhuak ta a. Chung thute chu an Biblea a sawi angin khandaih hriam tawn engang a ipawha chak leh thil tithei a lo ni a. An thilung khauh tak chu a chhuntlanga, a nun chu Krista tan a hlan ta a. A sual a puanga, chhandamtu chu a pawma, a damlohna khum atang chuan a rawng chu a bawl ta a. A hnu rei lo teah chuan a thi ta. Mahse kristtian pahnihin, a man engang pawh pek huama an hna lo thawh avanga a Chhandamtu chhar thara hnenah chuan a kal ta a ni. Communist rama kristiante awm dan dik tak chu chuti-ang chu a ni.

Chuti-angchuan Kohhran inthup chuan a ruka inkhawmna chauhva thawk lo vin Communist kawthlerah te chuan Communist hruaitute ngei ngei hmaah huai takin Chanchin Tha chu an hrih thin a ni. A man pheih zawng a awm thin, mahse pe turin kan inpeiha, tunah ngei leh vawinah ngei pawh hian Kohhran inthup chuan pek a inpei reng a ni.

Police rukte chuan Kohhran inthupte chu anmahni dodalna sawt thei kawng awm chhun ni a an hriat avangin an tiduhdah nasa em em a. A ni reng a, an hmehmih lohchuan an thlarau lama dodalna chuan Pathian awm loh mite an rin tir theih azara an thiltih-theihna chu a la tichhe dawn si a. Ramhuaiin a hre thei ang bawkin, hlauhawm chu an hre thei a. Miin Krista a rin chuan dub lam lama nem thluk mai mai theih, khua leh tui a ni reng thei lo tih pawh an hria a. Mihring chu lunginah khung thei mah-se Pathian rinna chu an khung thei lo tih pawh an hria a, churang chuan an bei nasa reng mai. Mahse Kohhran inthup pawhin Communist sorkar hnathawkte leh Police ruk zingah ngei pawh laina an nei a.

Khristian thenkhat te chu Police rukin Kohhran inthup laka an thiltih tumte hria a kan hnena rawn report thei turin Police ruk atanga an unifrom, kan ramin kan huat em em leh hmusit em em chu ha turin kan tir thin a.

Kohhran inthup mi tam tak chuan rinna zepin chut-
iang chuan an lang a ni. I nihna dik tak sawi ngam si
lo va mahni chhungte leh thiante ngei pawhina hmusit,
communist uniform han hak chu thil awlai a ni lo
Mahse an ha si, Krista an hmangaihna chu a nasat em
avangin.

Kawtthlera kan awm lai min rua, kum tam tak tuma
hriat loh tur a min tan tir lai pawhin ka chinchang hre
turin kristan Dactor pakhat chu police rukah a tan phah
ngawt a ni. Police ruk Dactor ang chuan tanin tinrenga
a luh theih dawn avangin min hmuhchhuah a beisei a ni.
Communistah a tang ta tak tak emaw tiin a thian te
zawng zawng pawhin an hawisan vek a. Chutia sawi-
satu thuam hak chu lungin tang thuam hak aichuan
Krista tana inpekna nasa zawk a ni.

Chu Dactor chuan lei hnuai pindan thuk deuh mai,
thim zet chhunga ka awm chu min rawn hmu ta reng a
Tichuan ka la dam a ni tih thu chu a thang ta a. Kum
riat leh a chanve ka tan chhunga thian min rawn hmuch-
huak hmasa bertu a ni. Tichuan amah avang chuan ka
la dam a ni tih chu a thangchhuak ta a, kum 1956 a
Eisenhowera leh Kruscheva inbiak rem lai a thawlakna
han awm deuh hlekah khan kristian tam takten ka
chhuah an lo kar bawka, rei lo te atan chuan ka chhuak
ve ta a ni.

Keimah min rawh zawng tur liau liauva police ruka
lo tang he kristian Dactor hian min rawn hmu hlauh lo
se chu tunah hian lungina ka la awm loh pawhin thlanah
ka awm tawh ngei ang, min la chhuah dawn si lo
va

Heng kohhran inthup mi, police ruka tangte hian
vawi tam tak chu min beih an tum dan min rawn hrih
lawk thin a. a tangkai takmeuh a ni. Tun thleng hian
kohhran inthup chuan an tana hlauhawm hrih ru tur,
mi, police rukah chuan an la nei a. Thenkhatte chu
communist pawla hmun sang tak chelh ; Krista an rinna
thup ta pawh an awm a, chung pawh chuan min pui nasa
hle bawk. Engtikah emaw chuah vanramah tuna a ruka

a rawng an bawla chu mi hriatah an la puang ngei dawn a ni.

Chutichung pawh chuan kohhran inthup mi tam tak chu hriat chhuah an ni a, lunginah an tanga. Police ruk hnen a-min hek thin, Juda Iskariota tam tak kan nei thoa. Mite vua a, hrai ruia, vaua buma unaute hek tur rawng-bawl-tu, mi tupawh ti duh mai chi hi an awm reng a ni.

BUNG 2

A lang a pau leh inthupin Pastor hna chu February ni 29, 1948 thleng khan ka thawka. Chawlhni a ni a a mawi tum tak pawh a ni awm e. Chumi chawlhni a ka inkhawm tur kal chu police ruk chuan min ru ta a.

Mihring ruk thu Biblea sawi tam tak hi a awmzia hre lovin ka lo ngaihtuah tawh thin a. Communistho chuan min zirtir ta a ni. Chutih lai chuan mi tam tak hetiang hian an ru thin. Police ruk motor hi ka bulah a lo dinga. mi pali an lo zuang chhuaka min nemlut ve ta mai a. Kum tam tak chhung min dah bo va. kum riat leh a chanve chhung chu tumahin ka thih leh dam an hre lo. Ka nupui chu police ruk tang chhuak anga inchei hian an lo zuk tlawh a. Min phumna a tel veah an lo zuk insawia. Ka nupui pawh a lungngai hle.

Kohhran hrang hrang atangin sang tam tak, chutih lai chuan lunginah an tanga. Puithiam chang an tantir lo va, naupang te te pawh, mi mawl mai mai pawh an rinna sawilangte chu an tantir zel mai a. Lungin te chu a khat vek a, Communist ram tihdan pangngaiin, lungina tangte chu insawisak a ni ngei bawh thin. Insawisakna chu achang chuan a raphlak hle thin. Keimah ngei min sawisakna tam tak phei chu sawi loh ka duh zawk. Ka sawi chuan, engemaw chang chuan muthilh theihloh phah nan ka hmang thin. Na tak a ni ringawt mai.

Lehkhahu dang, 'In God's Underground tihah chung chu kim chang takin, Pathian nena lungina kan awmho dan chu ka ziaka.

Innghaisakna Sawi Hleih Theih Loh

Pastor pakhat Florescu-a chu thir lingte leh chemte tea sawisak a ni a. An vaw rethei hle bawh a. Tichu- an a pindanah chuan dawtin sazu riltam deuh deuh hi an thun lut ta a. Zankhu-a tak meuh leh chhunah pawh

englai pawha inven a ngaih avangin mut pawh a muhil thei lo. A han chawlh hlek chuan sazu chuan an rawn bei thuai thin a.

Tichuan a chhun zan zawm zatin chawlhkar hnih chhung an han dintir leh a. Unaute phat turin communist ho chuan an duh a, Mahse a phat duh tlat lo va. A tawpah chuan a fapa, kum 14 mi chu an rawn hruai ta a, a hmaah ngei chuan an vaw ta a. Sawi tura an duh ang a sawi hma chu vuak zel an tum thu te an hrilh bawk a. Chu pastor khawngaihthlak tak chu a a lo chauh hi a ni tawh a. A tuar theih chin nia a hriat thlengin a tuar a, tawpah chuan tuar ta ngangin a inbre lo va a fapa hnenah chuan, "Alexander, an duh ang chu sawi mai tur niin ka hria. An vuakna che hi ka tuar thei ta ngang lo ve." a ti ta ngawt mai a.

Mahse a fapa chuan, "Ka pa mite phat hman pa mi neihtir na tur khawp thil sual leh dik lo zawng ti suh. Tuar hram rawh Min vuak hlum pawhin a tawp thlengin "Isua leh kan ram tan tiin ka thi ang," a lo ti a Chutah chuan communist ho thinrim chuan an han vaw leh tak tak a, a thisen te chu pindan banga per chuai khawpin an vua a, a thi ta nge nge a Mahse Pathian fak chungin a thi a ni. Chu thil a hmuh hnu chuan Unau Florescu chuan a ngai a aw h thei ta lo a ni.

Kut kawlte pawh a chhung lama thir zum min chhna thei awm kher min buntir thin a. Kan awm hle hle chuan chung thir zum chuan min chhun kher lo va, mahse lung in chhung vawt em emah chuan kan khur a, kan che lo thei lo va, thir zum chuan kan banrekte chu a chhun pilh kiang kuang thin a ni.

Kristiante chu a letling tein an han khai a, na deuh maiin an han vua a, an vuak avang ngawt chuan an then nawlh nawlh thin a ni. Kristiante chu pindan vawt a chhung bang zawng zawng vura khat luai mai, 'refrigerator cell' an tih mai thinah te chuan dah an ni bawk thin a. Kei ngei pawh thawmhnaw chhete mai ka inbel lai chuan chutiang pindana h chuan min dah a. Lung

in doctor chuan bang reh pawh atangin min lo thlir reng a, vurtinga kan thih hma chiahin tang vengtu chu an lo hrilh a, annin kawngkhar an rawn hawng vat a, min rawn la chhuak thuai thin a, min han tilum leh ta thin a ni. Kan lum fel ta tih chuan pindan vawtah baw k chuan min khung leh a chutiang chuan an ti nawn sek thin. Chutiang reng renga vurtinga han lum chhuak leh chauh a, vurting leh tur chuan min sawisa thin a. Tun thleng hian refrigerator (vur siamna leh thil dah vawhna) hi ka la hawng hreh a ni.

Keini Kristianho chu thingrem keimahn i aialian hretah te min khung thin a. Han chetna hi a awm lo hle thin. A bang chhung lama lo lawr taw k chauh hian thirkilhna zum hi an kheng lut fur mai a. Kan din hle hle lai chuan eng teh vak phe i chu ni lo mahse darkar tam tak tak min han dintir hnu chuan kan lo chau a, thingrem bang chu ngheng lo thei kan ni thin lo va, tah-chuan thir zum chuan min lo chhun ta thin a. A che lai apiang mai chu thir zum chuan a lo chhun thin.

Communist hovin Kristiante chung a an tih hi zawng-in mihring tih theih awma kan ngaih hi chu a khum vek a ni.

Kristian an sawisa lai hmel hlim em em mai te pawh ka hmu tawh a, an sawisak lai chuan. 'Ramhuai kan nih hi' te an ti thin.

Kan buante hi tisa leh thisen an ni si lo, lalnate leh thuneihnate leh. he thim chung a khawvel roreltute hi an ni si a. Communism hi mihring atanga lo chhuak ni lovin ramhuai lak ata a ni tih kan hmu. Thlarau lam chakna-ram huai chakna a ni a, chuvang chuan a aia chak zaw k pathian Thlarau chauhin a do zo a ni.

Min nghai satute chu. "In thindlungah hian khawng-aihna themte pawh hi in nei lo em ni?" tiin ka zawt fo thin a. Lenina thusawi "Artui chu tikeh lovin i kang thei lo va, thing pawh a har per lo chuan i tan thei baw k hek lo" tiin min chhang deuh ber thin. Kei chuan. "Chu Lenina thusawi chu kei pawhin ka hre thin a, mahse a dang deuh a ni. Thing chu sat vak vak

mah la, na a hre ve lo va, mahse nangni hian tunah hian mihring in sawisa a ni a. In vuak apiang hian na a thlen ziah a, in sawisakte lo tah tur hi nu tam tak an awm bawk asin," kan ti leh hram thin. Mahse a sawt lo. Anni zawng hmuh theih leh khawih theihah an innghat (materialist, a. Anni tan chuan thil engkim hi mihring chenin hman tur leh chhawr turin a lo awm a, mihringte pawh chu thing leh artui heng ang lek an ni. Hetiang rin dan nei hian sawia awihawm lo khawpin an nun a rawng a ni.

Pathian awm ring loho nunrawn dan hi rin har tak a ni. Amaherawhchu mihringin thil tha kan tih avanga lawmman emaw thil sual tih vanga hremna emaw awma kan rin si loh chuan insumna chhan tur leh ngil neihna chhan tur hi a awm lo reng a ni. Mihringa sualna awm hian chin tawk a neih lo. Communist min nghaisatute pawh chuan, "Pathian a awm lo, tun hnu a awm lo, sual vanga hremna a awm hek lo. Kan duh duh kan ti thei" an ti thin. Nghaisatu pakhat phei chuan, "Pathian, a awm ka rin hlek loh, hnenah tun thlenga dama ka thinlung sual zawng zawng sawia ti theia ka awm avang hian lawmthu ka sawi a ni," zuk ti hial a! Lung in tang a nghai sakte diriam em emin a la sawi leh ta nghal a!

Awle hi-an mihring lo ei ta se pawika ti hle ang. Mahse awle chu ka hau thei lo. Rilru nei a nih loh avangin. Chutiang bawk chuan communist ho chu han hauva sawt chi an ni lo. Communist an nihna hian an rilru zawng zawng a tichhe zo tawh. Khawngaihna nei lo thinlung an neih te chu an uanpui thin a ni.

An hnen tangin kei pawhin zir ka nei Isua tan an thinlungah hmun an kian phal lo ang bawkin kei pawhin Setana tan ka thinlungah hmun ka kian lo vang.

United States Senate (Parliament)-a Internal Security Subcommittee hmaah thu ka sawi tawh a Chutah chuan thil rapthlak tak tak, Kristiante kraws-a phuar beh chung a ni li leh zan li lai an dah thin thu te ka sawi a. Chung kraws chu chhuatah an mut a, an mi phuar beha taksaah te a hmaiah te chuan a duh

apiangin an duh ang ang an ti thin a. Tichuan an han tung ding a communist ho chuan an eu a "En teh u, Krista hi! A va mawi em! Van atangin rimtui a varawn thlen nasa em!" an ti thin. Puithiam pakhat, an vuak chauh hnep hnua, chutianga an lo sawisak chauh tawh Kristiante zinga sacramen leh uain anga mihring ek leh zun sem tura an tih luh thu pawh ka sawi kha. He thil hi Rumania ram lung inah a ni a. Pitesti khuaah a ni. Chu puithiam chu chutianga deusawanna thil tih ai chuan thih engahnge a thlan zawk mai loh tiin ka zawta. "Khawngaih takin ka chungthu hi min rel sak teh suh khai. Krista aikhan ka tuar nasa tawh a nia, "tiin min chhang a ni. Communist lungina innghaisakna te nena teh chuan Biblea hremhmun a sawi leh Dante's Inferno-a tuarna te chu engmah lo ang a ni.

Hengte hi chu Pietesti khua a Pathian ni tum hnih khat thil lek a nia, a dangte phei chu han sawi ngaihna pawh a awm mawlh lo a ni. Ka sawi ka sawi leh chuan keimah hian ka tuar leh lo mai ang. A ziaha han ziah atan zawng a rapthlakina a tenawm lutuk a ni. Chutiang chu Krista a in unauten an lo paltlang tawh leh, an tawh lai mekte asin.

Rinna a chhuanawm theih tawp mai chu Pastor Milan Haimovici a ni.

Lungin te chu a tawt lutuka, vengtute pawhin kan hming an hre seng lo. An lungin dan bawhchhiat vanga wawi 25 vuak tuar hmingte chu an han lam thin a. Hetiangah hian mi tuar ai wawi tam tak a tuar thin Chuvangin Pastor Haimovici hi tang dangte pawhin an zah em em a, amah chang an zah a ni lo va, A hming avanga a tuar Krista ngei pawh an zah phah a ni.

Communistho rapthlakzia leh Kristiante tuarna te sawi zel ila, sawi zawh tih ni a awm chuang dawn lo va lnnghaisakna chauh hi hriat a ni lo va. An huaisen zia pawh hi hriat a ni. Lungina an huaisenna chuan la tang ve lote pawh a khawih em em thin.

Pakhat chu kohhran inthup mi, nula naupang lam deuh hi a ni a. Chanchin Tha thu lo hril thin tih Co-

mmunist police chuan an lo hre chhuaka. Lungina khung tur a ni a. A tana a nâ thei ang zawng ber ngaihtuahin, chawlhkar tlemte la nghah riha, an inneih ni a man atan an khek ta a. An inneih ni chuan, mo inchei chuan, a dam chhunga ni lawmawm ber mai hmang tur chuan a inchei a. Vawi lehkhatah chuan kawngkhar chu a rawn inhawng sawka, police rukte chu an lo lut ta hul hul mai a.

Mo chuan police ruk a han hmuh veleh chuan, a kut chu kawl buntir turin a lo pe nghal mai a. Dim lo bak-sak chuan kawl chu an buntir ta a. A hmangaih, a pasal (tur) chu a han en a, a kawl bun chu a fawp a, "Kan inneih ni khera hetiang lungmawi min rawn pek avang hian vana Moneitupa chungah lawmthu ka sawi e", a ti taa. Khristan dangte leh a pasal turin, mittui nena thlir reng chungin, an hnuk liam ta a. Communist kuta nula awmte chinchang lah an hriat vek a ni a. Kum nga hnuah chuan kum 30 chuang zet hmel pu leh, nasa taka kut tuar leh sawisak nek tawk tih hriat reng hian a lo chhuak a. A pasal tur chuan a la nghak reng a. Ani chuan Krista tana a tih theih ve chhun niah a ruat tlata. Kohhran inthupah chuan hetiang kristian duhwm tak takte hi an awm a ni.

Thluak Suk Dan

Khawthlang mite chuan (brainwashing) thluak suk dan, Korean indonaah leh tun lai Vietnam indonaah hian an hre tawha. Kei pawh ka thluak min suksak tawh a. Insawisakna a zawngah chuan a la raphlak ber awm e.

Kum tam fe chhung chu ni tin darkar sawm leh pasarih lai he thu chauh ngaithla hian kan khawsa a :
Kawmiunis a tha !

Kawmiunis a tha ! Kawmiunis a tha !

Kawmiunis a tha.

Kristian nih hi atthlak a ni ! Kristian nih hi atthlak a ni !
Kristian nih hi atthlak a ni !

Bansan rawh ! Ban san rawh ! Bansan rawh !
Bansan rawh !

Ni tam tak, chawlhkar tam tak, thla tam tak ni tin darkar sawm pasarih chhung.

Kristan tam tak chuan thluak suk kan tawrh theih dan min zawt thin. Chutianga thluaksuk tawrh theihna chu kawng khat chiah a awm. Chu chu 'thinlungsilfai' a ni. Isua Krista hmangaihna thinlung a silfaia, thinlungin Amah chu a hmangaih chuan innghaisakna chi tin reng pawh a tawrh theih a ni. Hmangaihna a khat movin, a pasal tan engnge huam loh a neih? Nu hmangaihna chuan a fa tan engnge huam loh a neih? A nausen lai ata lo chawi hintu Mari anga Isua i hmangaih chuan chutianga ngbai sakna pawh chu i tuar zo ngei ang.

Pathian hian kan tawrh theihna aiin kan hmangaihna a en zawk a ni Kristianten Communist lunginah ngat pawh engang chauhva hmangaihna nge an lo neih ve theih tih hretu ka ni a. Pathian leh mihring an hmangaih tak meuh a ni.

An nghaisakna leh nunrawnna chuan inthlhahdul lai reng a nei lo. Ka lo chauh luata nikhua ka hriat loh takah chuan, leh an beisei, ka thiante phat pawh chu tithei ka ni ta lo tih an hriat chuan ka tanna pindanah chuan min han dah leh a. Tichuan tukhaw bawih sawm hleihlohvin, thichhawngin ka han lum renrawna, ka lo chak leh deuh vele min nghaisa leh turin min lo chang reng a. Hetiangah hian tam tak chu an thi thin a, kei erawhchu engemawti tak hian min sawisakna hmun ata chu ka lo kir leh thei thin a. Ka hnungzangruh pali leh ruh dang tam tak min tihtliah saka. Hmun tam takah min hliama. Ka taksa te an hala, hmun sawmpariat laiah an zai kaw bawka.

Oslo khawpuia Dactorten, heng zawng zawngte leh, ka lunga TB ka lo veina serte nen lam an han hmuha, ka la dam fo mai si chu thilmak tak pakhat zawng a ni, an tithlawt reng a ! An damdawi zirna lehkhabu sawi lang chu ni ila chuan hmanah khan ka thi tawh dawn

a lo ni a. Kei ngei pawh hian thilmak a ni tih zawng ka hria. Pathian chu thil mak tak takte Pathian a ni si a. Thirbang phena Kohhran inthupte tan leh, an aiawha ka lo auchhuah theih nan Pathian chuan heng thilmak te hi a lo ti a ni. In unaute, rinawm taka tuar-tute thuchah rawn tlangaupui tur leh, an dinhmun in lo hriatpui theih nan dama ka lo chhuah leh hi Lalpan rem a ti a ni.

Zalenna Tawite-Man Lehna Chu

Kum 1956 a lo thlenga. Kum riat leh a chanve lunginah ka lo tang tawha. Ka taksa pawhin achhiat phah hle tawha, ka pang lah chu a ser thluah tawh bawka, nasa taka vuak leh chhirin ka awm thin a, riltam leh neksawra nuhsawh te, manganthlak khawpa ninawm a thu inzawhna te leh vauna te min han nei a, min han thlahthlam leh rih thin bawka. Heng zawng zawngte hian min sawisatute duh ang chu a thlen chuang lo tichuan an beidawnga, min chhuah ta a. Tin, ka tan chungchanga chhuahchhalna an la zawng ta to va.

Ka dinhmun pangngaia awm leh chu chawlhkar khat chiah min phalsak a ni. Thu vawi hnih ka hril hman chiaha, min ko leh ta a, thu reng hril tawh lo tur leh sakhaw thila inhnawihna reng nei tawh lo turin min hrilh ta a. Eng nge ka lo sawi tak kha? Ka mite chu dawhtheihna nei turin ka lo zirtir thina, "dawhtheihna mawlh hi lo nei hram hram rawh u" ka tih chu—"Lo dawh hram hram ula, America-in a la rawn chhanchhuak ang che u", tiah police chuan min puh tlat mai lo niin. Hun inher hian boruak te pawh a inthlak kual tir thin, tih te pawh chu ka lo sawi a. "Communistin ro an rel reng dawn lo, tiin i hrilha, chungte chu min dona tura dawt than tirna a ni!" an ti leh zel a. Tichuan chu chu mipui vantlang zinga ka rawngbawl tawpna a lo ni ta a. Thuneitute chuan a ruka thu hril chu anmahni hlahv vangin ka chhonzawm ngam tawh loh an ring a ni mai thei. Mahse an tisuah

hle ang. A rukte chuan hman a ka hna thawhnaah chuan ka kir leh ta a. Ka chhungten min pui hle bawk.

Tichuan mi rin tlakte phen atang chuan mi rinawmte kal khawm hnenah chuan rawng chu ka bawl leh ta a. Tunah chuan rinnaa ngelnghet lote hnenah Pathian awm ringloho ngaihdaan sualzia entir nan serte entir tur ka lo nei ta a, Pathian ringa huai tura fuih nan nen. Tichuan chung lam thiltihtheihnain an mit a tihdel communist ho kara a ruka Chanchin Tha theh darh dan te kan ruahman a. Miin Pathian hnathawh pawh a hmuh theih loh chuan thuhritu hnathawh pawh chu a hmu thei lo mahna tih kan beisei a ni.

A tawp a tawpah chuan bang lova ka chezia tinreng police ten an lo enthlakna chu a lo hlawhtling ta a. Min hre chhuak leh ta nge nge a, ka tang leh ta a. Tun tum chu engtzia emaw ni, ka lo lar tak deuh vang emaw ni, ka chhungte chu an tantir ve lo. Kum riat leh a chanve chhung ka tang tawh a, kum thum lek ka zalen ve leh chauh a, kum nga leh a chanve dang tang tur ka lo ni leh ta a.

Ka tan vawihnihna chu kawng tam takah a hmasa ai chuan a hrehawm zawk. Kar lovah ka taksa pawh a chhe bawih bawih mai a. Mahse communist-ho lei hnuai lung in chhungah pawh chuan (Leihnuai) Kohhran inthup hna chu kan thawk reng tho a

Rem Kan Siam a-Keinin Thu Kan Hril a, Annin Min Vua a

Tang dangte hnena thu hril chu khap tlat a ni a. Lo ti an awm chuan vuak hrep tur a ni tih chu hriat vek a ni. Kan zinga tam tak chuan a man pek huamin an tih ang ang pawisa lo va thu hril chu kan tum ta a. Rem siamna a ni ber mai, keinin thu kan hril a, annin min vaw thung a. Keinin chutianga thu hril chu kan lawm a, annin min vuakin an lawm bawk a, kan lawm kim a ni ber e.

Unau pakhatin a tanpui hnenah thu a lo hril malh malh lai hi tang vengtu chuan a rawn phawk thut a, an man a, an hnuk chhuak a, an va vaw hrep a, chau thi chhawngin lung in chhuatah chuan an rawn theh lut leh thlawp a. Zawi zawiin a lo harh chhuak a, a lo tho a, "Unau, min rawn tihbuai lai khan engnge ka sawi kha?" tiin a chhunzawm leh thin. Hetiang hian vawi tam min ti thin a, hriat pawh ka hre reng seng lo.

Thil mawi tak takte pawh ka hmu bawk.

A chang chuan thuhrlitute chu mi mawl mai an ni thin. Thlarau Thianghlimin a hman chuan mi mawl thuhril hlei hlei a mawi mai. Chutiang hun khirh hnuaiia thuhril chu thil namai a ni lo, chuvangin an thinlung zawng zawngin an hril thin. Chutah vengtu an lo lut ang a thi deuhthaw khawpin an rawn vua ang a, chutiang reng reng chu a ni.

Cherla khaw lung in a Kristian pakhat Grecu chu vuak hlum tura a chung thu rel a ni a. An vuak hlum chhung chu chawlhkar engemaw zat a ni pek a. Zawi zawiin an vua a. Vawikhat a keartuah thelret hlum tiangin an han vua a. an han chawlhsan leh vang vang a. Rei deuh hnuah an han vaw leh a, a hnu minit engemaw zatah an han vaw leh a, A tilah te an vaw bawk a. Chutah doctorin a han chiu leh te te a. A lo harh chu chaw tha tha, an nghaisakna a tuar rei theih nan an han pe a, an tihdan pangngai te chuan a thih hma chu an ti thin a ni. Chutiang titu pawl hotu pakhat chu communist pawl Central committee member a ni a, a hming pawh Reck a ni.

Chu Reck-a chuan a khât tawk hian Unau Grecu-a hnenah chuan communist-hovin an tih dan fo thin angin "Ngai rawh, kei hi Pathian chu ka nih hi. I chungah hian thihna leh damna thuneihna ka nei a ni. Vana awm chuan i dam leh dam loh thu hi a rawn sawi thei lo. Engkim keima kutah a awm a ni. Ka duh chuan i dam ang a, ka duh leh i thi ang. Pathian ka nih hi!" a ti thin a. Kristian dangte hnenah pawh a ti tho bawk.

Unau Grecu-a chuan chutia dinhmun raphlak taka a din lai chuan ngaihnam angreng takin a lo chhang ve a ni tih chu amah Reck-a kâ atangin ka hre leb a. Hetiang hian "I thusawi thûkzia chu i hre lo a ni. Pathian chu i ni meuh reng asin. A ðhan dan tur taka a ðhan chuan pangang (caterpillar) pawh hi phengpheh-lepah a lo chhang thin. Nang pawh mite nghaisatu leh thattu atana siam chu i ni lo asin. Pathian ang tura siam i ni. Isua chuan a hun laia Judate hnenah chuan 'Pathiante in ni e' a ti asin. Pathian ze nung chu i thinlung-ah hian a awm a. Tam tak, nangmah ang bawh, nghaisatu tam takte chuan Tirhkoh Paula ang bawkin engemaw hunah chuan thil tha zawk ti thei an nih laia soal raphlak tak an lo tih thin chu zabthlak a ni tih an inhre chhuak thin. Tichuan Pathian ze tawmpuitu an lo ni thin a ni. Tichuan nang pawh Mr. Reck, i nihna tur dik tak chu nghaisatu ni lovin. Pathian-pathian anna nei i ni tur a ni zawk asin," tiin

Chutih lai chuan Reck-a chuan engah mah a ngai lo, Saulan Stephena thu sawi engah mah a ngai lo ang khan. Mahse chung thu chuan a thinlungah a thawk a. A hnuah chuan Reck-a chuan a nihna tur tak tak chu a lo hre chhuak ta a ni.

Communist vuakna zawng zawng leh, nghaisakna leh nun rawna atanga zir tur pakhat lo lang chu taksa hotu chu thlarau a ni tih hi a ni. Min nghaisak laite chuan tuar zawng kan tuar ngei a, Krista ropuina leh keimahnia a awmna chuan chu taksa tuarna chu thil hla tak leh keimahnia tel ve ni lo awm takin min hriattir thin a ni.

Chawlhkar khata chhang zai khat leh antui bawlhhlawh tak ni tina min pek lai ngat pawhin sawma pakhat pek kan tum thin a. Chawlhkar sawmna apiangah chuan chutiang chhang zai khat te chu kan dawnin keini aia chak lo zawk unaute tan Lalpa hnena sawma pakhat pe anga inggain kan pe thin.

Kristian pakhat pawh thi tura tih a ni a. A thih hmaa a nupui hmuh an phalsak a. A nupui hnena a

thu sawi hnubnung ber chu : "Min thattute hmangaih chungin ka thi a ni tih hi i hre tur a ni. An thiltih hi an hre lo va, i hnena ka ngenna hnubnung ber pawh anni hmangaih ve tur hian a ni. I duhtak an thahsak che avangin haw suh ang che. Vanah kan intawk leh dawn nia, 'tih a ni. An inbe lai lo ngaithlatu secret police officer pawh chu a khawih hle mai tih amah officer ngei chuan Kristan a lo nih ve tak hnua lung ina kan tan honaah min hrilh a ni.

Tirgu-Ognaah chuan tâng naupang tak mai Matchevici a awm a. Kum sawmpariat lek a niha tang tan a ni a. An sawisak nasat em avangin TB a lo vei ta a. A chhungte chuan engemaw tiin chutianga a natzia chu an lo hria a, streptomycin bur za an rawn thawn a, a tân chuan thiha dam theihna a ni. Lung in political officer chuan amah chu a ko ta a, a parsal chu a entir a. "Hei, i damna khawp damdawi a awm a. Mahse lung inah chhungte hnen atanga thawn parsal reng reng hmuh awi a ni lo. Keimah tak phei chuan tanpui che pawh ka duh a. I la naupang a, lung ina tâng, hlum mai tur chuan ka duh lo che a. Chuvangin ka tanpui theih nan che min pui rawh. I tanpuite chanchin hi min hrilh la tichuan ka tân pawh he parsal ka lo pek phal chhan che hotute hnena sawi tur ka nei dawn nia, a lo ti a. Matchevici chuan, "Thiante phatsantu nia dama, darthlalang en apianga phatsantu hmel hmuh leh thin chu ka duh lo. Chutiang zawng ka pawm thei lo ve. Thih ka thlang zawk e," tiin a chhang a. Police ruk officer chuan a kut a lo thing a, "Ka fak hle mai che. Nanga lak atang chuan chutiang bak chhanna kan beisei lo reng a ni. Thil dang ka han rawt leh teh ang aw. Tângho zinga thenkhat hi chu kan beng ber an ni ta a. Communist nia insawiin an sawi chhia che a. Ze hrang pahnih neiin an awm a, chuvangin kan ring lo. Eng chen nge thu dik an sawi briat kan duh a. Nanga tân chuan phat an ni. I thiltih leh thusawi te min hrilh vek a, an tihmelhem nasa em em che a ni. Nangma thiante ngei ngei chu i phatsan duh lo tih chu

ka hria a. Tichuan nangmah dodaltu ngeite chanchin chu mih hrilh la, i nun chu chbanhim ta che, "a lo ti a. Matchevici chuan, "Krista zuitu ka ni a, Ani chuan kan hmelmate hmangaih turin min zirtir a ni. Heng min hek-tute hian kan pawl nasa tak zawng an khawih ngei a mahse sual chu sualin ka thungrul thei lo a ni. Anni chungchang pawh ka sawi thei lo. Ka kawngaih a. ka tawngtai sak thin a, communist nen hian inzawmna neih ka duh lo ve," tiin a chhang leh mai a. Machevici chu a tâna pindanah chuan political officer nen chuan an lo kir leh taa ka awmna pindan ngeiah a thi ta a ni. A thi lai chu ka hmu reng a, Pathian fak chungin a thi a ni Hmangaihna chuan nun a thlakhlehna lamin a hneh a ni.

Mi rethei tē pawh zai ngaina mi ainih chuan a neih chhun pawh sēngin zai a ngai thla thin a, zai mawi a ngai thla avangin pawisa nei lova awm pawh chu hreh-awm a ti lo.

Kei pawh lung ina kum tam tak ka lo tan tawh avangin hrehawm ka ti lo ve. Thil mawi tak tak ka hmu a. Tāng chak lo tē tē zingah pawh ka lo awm tawh a, mahse mi thianghlim, rinnaa kan chhuanvang te, kum zabi hmasaa Kristiante tluk hial pawh ka lo tanpui tawh a. Krista tâna thi tur chuan lawm takin an kal thin. Chutiang mi thianghlim leh rinnaa ka mi chhuante thlarau lam mawizia chu sawi fiah thiam theih a ni lo.

Heta ka sawite hi danglam bik an ni chuang lo. Under ground Kohbran zingah chuan thil awm lo pui puite pawh awm rengah kan ngai tawh a ni.

Kohhran inthup zawng hmangaihna Kohhran a ni,

Lung ina ka tân hmam Krista chu ka hmangaih em em a. Tuna 'Krista Mo' A thlarau Taksa, lung ina ka han hmuh hnu hian Krista ka hmangaih tlukin Kohhran inthup chu ka hmangaih ta a ni. A mawina leh inpek zawhna thlarau chu ka hmu si a.

Ka Nupui Leh Fapa Chunga Thil Thleng

Ka nupui hnen ata lak bova ka awm hnu chuan eng-tinngé a awm tak zel ka hre lo. Kum tam tak hnuah erawh chuan lung inah a lo tang ve a ni tih chu ka hria a. Kristian hmei chhia hian mipa aiin lung inah an tuar nasa zawk. Vêngtu nun rawng pui pui chuan nulate chu an sual lui thin a. An chhaih dan leh tenawm dân chu raphlak tham a ni. Hmeichhiate chu tui lâkna kawr siam tura tih an ni a, mipa tluka thawk tura ngai anni. Thlasikah pawh suahdurin lei an lai tauh tauh thin Nawhchizuarthe chu an hotuah dah an ni thin a, tihduhdah lamah an inel thin a ni. Ka nupui chuan a nunna turin bâwng angin hlobet te a ei thin a. Heng tui lâkna kawr siamnaa lung in tâng riltamte chuan sazu te rul chenin an ei thin a ni. Pathiannia tâng vengtuten an hlimpui ber chu hmeichhiate Danube luia paih thlak a, chhar leha an thawmhnaw huh hnepa an lo chhuak pial tat thin chu an nuizhat thin a, an pâih thla leh thin a ni. Chutiang chuan ka nupui pawh an lo paih thin.

Ka fapa chu chutia a nu leh pa min lak bo hnu chuan a lo vakvai a. Mihaia hi a naupan tet ata sakhaw lam hi a ngaihtuah viau thin a. Tichuan kum kaw mi lek a niha a nu leh pa min lak bo takah chuan a Kristian nunah chuan harsatna a lo tawk ta a. A manganna chuan a sakhaw vawn lai ngei pawh chu a rinhlelhtir dawn dawn a. Ani ang rualina an tawh ngai loh harsatna chu a tawk a ni. Tichuan a ei hmuh-na tura inhlawhna te ngaihtuah a lo tul ta.

Kristian martar chhungte lo tanpui chu phal loh a ni. Ka fapa lo tanpuitu nu pahnih pawh a hnu lamah chuan lung inah an khung a. an vaw hrep a, tun kum sawmpanga hnuah pawh hian an la silawng a ni. Nu pakhat pawh a nun hial—chân huama ka fapa lo la luttu chu tâng chhungte a lo tanpui avang ngawt chuan kum riat tang tura tih a ni. Ani pawh chu a hâ zawng zawng an vuak balsak tawh a, a ruh an vaw tliak teuh bawk a. Hna thawk theia han dam chhuak leh chi a

ni lo. Ani pawh ram tui lei lovah an chan ta a nih chu.

Mihaia Chuan Krista a Ring

Kum sawmpakhat mi a lo nih chuan Mihaia chu hlawhfa panggai anga thawkin a ei chu a lo hlawh chhuak ve thei a. A tuarnate chuan rinna kawngah a lo tiderthawng deuh hlek a. Mahse ka nupui kum hnih tân hnu chuan hmuh an phal ta a. Communist lung inah chuan a va kal a, a nu, thir bang phena awm chu a va hmu ta a. A balin a lo cher em em mai a, a kutte chu a lo hriam hreih tawh a, tâng kawr bal zet hi a lo ha a. Mihaia pawh chuan a hre lo thelh a ni. A thu lo hrih hmasak ber chu, "Mihai. Isua ring rawh!" tih hi a ni a. Vengtute chuan thinrim em em hian Mihaia hmuh phak lohvah chuan an hnuk bo leh ta a. Chutia a nu an hnuk bo ta a han hmuh chuan lungchhe zet hian Mihaia chu a tap ta a. Chutih lai tak chuan a piangthar ta a. Chutiang dinhmun, a nu awmna ang pawha Krista chu la hmangaih cheu theih a nih chuan Chhandamtu dik tak chu a nih ngei hi a ti ta a. "Kristianna hian tanchhan dang pakhat mah nei lo pawh ni se ka nu rinna ngawt pawh hi kei ka tân chuan a tawk a ni," a ti thin. Chumi ni chu Krista a pawm tak tak ni a ni.

Sikulah pawh barsatna a ngah viau a. Naupang tha tak a ni a, lawmmanah pawh necktie (nghawngawrh) sen hi an pe nghe nghe a. Chu chu Young Communist Pioneers pawl member do chhinchhi-ahna a ni a. Mahse ka fapa chuan, "Ka nu leh ka pa lung ina khungtu pawl nghawngawrh chu ka awrh ngai la vang' a ti a. Chuvang chuan sikul atangin an hnawt chhuak a. Kum khat a chawlh hnu chuan Kristian fa a nih zêpin sikulah a lut leh ta tho a.

A hnuah chuan Bible kalh zawnga lehkhabu ziakura tihluh a ni ta a. Chutah chuan. "Bible kalhzawnga tanna reng rengte hi a derthawng a, Bible kalhna thusawi reng rengte hi a dik lo a ni. Kan professor hian

Bible hi a la chhiar lo ni ngei tur a ni. Bible leh science hi a inrem thlap a ni," tiin a ziak a. An hnawt chhuak leh ta a. Hemi tum hi chuan kum hnih lai a chawlh a tul ta a.

A tawpah chuan Seminary-a zir chu an phalsak ta a. Chutah chuan "Marxist Theology" (Karl Marx-a sakhaw ng aihdan) zirtir a ni a. Engkim mai hi Karl Marx-a ngaihdana hrilhfiah vek a ni a. An pawlah chuan Mihaia chuan a hnial ta a. A pawlte pawh chuan an lo zawm ve a. Tichuan theology a zir pawh chu zo hman lovin an hnawt chhuak leh ta a ni.

Vawikhat pawh an sikulah an professor pakhatin Pathian awm loh thu hi a sawi a. Mihaia chuan a lo hnial ta a ni awm e. Rawlthar chuti zozai a hruai bo chungchanga a mawhpurhna te a lo hrilh a ni awm e. An pawl zawng zawng chuan an lo tan ta a. Sawi chhuak ngam nih hi a tul fo reng ani. Lehkha zir chu a duh ve si a. chuvang chuan Kristian lung in tang, Wurmbbrand-a fapa a nih chu a zep tlat thin a. Mahse a khat tawkin an lo hre chuak leh thin a, dan pangngaiin hotu hnenah an ko va, an hnawtchhuak leh thin.

Mihaia hian riltam pawh a tuar nasa hle. Dan naranin Kristian lung in tangte chhungkua chu riltamin an thi lo chauh a ni reng thin. Lo tanpui lah dan bawhchiatna nasa tak a ni si.

Keimah ngeina ka hriat chhung khat tuarzia chauh chu ka han sawi ang e. Unau pakhat chu Kohbran inthup hna a thawh avangin a nupui leh a fate paruk chu lung inah a tansan a. A fanu upa pahnih kum 19 leh 17 mite chuan hna an hmu thei si lo. Communist ramah chuan hna pe thei chu sawrkar chauh a ni a, Kristian 'misualte' fa lah an pe duh si lo. Khawngaih takin he thil hi mihring nunphung pangngai dan chuan lo rel sakin in ngaihdan lo siam mai lo ula, thil nih dan chiah hi lo hre ngawt mai ang che u, Kristian martar fanute pahnih chu Kristian an ni ve tho chungin an naute leh an nu dam lo enkawl nan nawhchi an zuar ta a. An nau mipa naupang kum 14 mi chuan a lo hriat

chuan a â ta a, mi â dah khawmnaah dah a ni ta a. Kum tam tak hnuah chuan an pa pawh chu a lo chhuak ta a. Thil awmzia a han hmuh chuan, a tuar lo va, "Pathian, lung inah min tantir leh mai zawk rawh. He thil hi ka tuar zo ngang lo ve," tiin a ÷awngtai ta ngawt mai a. A ÷awngtaina chu a hlawhtling a, tunah hian naupangte hnena Krista chanchin a hrilh avangin a tâng leh mek a ni. A fanute pawh nawhchizuar zawng an ni tawh lo. Secret Police phôt ang an tih avangin hna an hmu tawh a, tunah hian mi hek hmang an ni. Kristian martarfate an lo ni bawk a, Kristan chungkaw tinah an tlatlum em em vek a. An lêng a, titi an han ngaithla tê tê a, secret police hnenah an report leh zel ÷hîn a ni. A mawi lovin a bawlhhlawh e lo ti mai teh suh, nih pheî zawng a ni ngei tak a, mahse nang, zalena awm si hian i tanpui loh avangin Kristian chungte chutiang chuan an lo awm a ni a, chutiang taka thil rapthlak lo awmna pawh chu nangma sual a ni tho asin !

BUNG 3

A vaia belh chuan kum 14 lai lung inah ka tang a. Hetih chhung zawng hian Bible emaw lehkhabu dang reng reng pawh ka hmu ngai lo. Ziah dan pawh ka theihngihlh hman rum rum a, Riltamna leh damdawia min hrai ruihna te, leh min nghaisak nasat em avangin Pathian Thu Thianghlim pawh ka lo theihngihlh zo tawh a. Mahse kum 15 ka tan tinna ni chiah chuan ka theihngihlh zo tawh emaw ka lo tih tawh lai chuan "Jakoba chu Racheli tan kum 14 a thawk a a hmangaih emavangin rei lote niin a hria," tih chhang hi ka rilruah a lo lang ta a.

Chumi hnu rei loteah chuan kan rama ngaihdamna hun an hawn tak avangin min chhuah ta a, hei hi America mipuite nawrna vang a ni thui hle.

Ka nupui chu ka hmu leh ta a. Rinawm takin kum 14 chhung min lo ngah fan fan a ni.

Lung ina tang tawh phawt chu an thil neih zawng zawngte chhuhsak an nih thin avangin keini pawh chuan namen lova rethei chuan nun thar chu kan han din leh ta a.

Puithiamte leh pastor tang chhuak reng reng chuan Kohhran tetaktê tê chauh an nei thei a. Kei chu Orsova khaw Kohhran min chantir ta a. Communist ho sakhaw lam ngaihven-tu pawl (Department of Cult) chuan chu Kohhranah chuan mi 30 an awm tih leh 36 an khum ngai tur a ni lo tih chu min han hrilh leh nghal kau va. Chu bakah an aiawhah ka tang ang a, chu Kohhran mi tinte chanchin chu police ruk hnenah ka report thin ang a tleirawl leh rawlthar reng reng chu chu Kohhranah chuan an tel tur a ni lo tih min hrilh bawk a Hei hi communist in inthununa hman rua atana Kohhran an hman dan a ni reng a ni.

Thu te ka hril chuan mi tam tak ngaihla turin an lo kal ang tih ka hria a. Chutia han tih ngam lah

ni ta si lo chu chu Kohhran atang chuaneng teh vak mah tih ka tum duh ta lo mai a. Kohhran inthup chu a mawina leh a hlauhawmna zawng zawng chang ve turin ka zawm leh ta a.

Ka tan chhung khan Pathian chuan ropui takin hna A lo thawk a. Tun hmate angin Kohhran inthup chu theibnghilh leh thlahthlam a lo ni tawh lo va. American ho leh Kristian dangte chuan min tanpuiin min lo tawngtai sak tan tawh a lo ni a.

Ni khat chu chawhnu lamah hian khaw pakhatah unau pakhat in ah hian ka chauh deuh hlek avangin ka lo mu hahcawl a. In nei tupa chuan min rawn kaitho a, "Ram dang unau anlo kal e," a rawn ti ta a. Khawthlangah khuan min theihnghilh lo leh min thlahthlam ngai lo Kristian an awm reng a. Sipai zinga Kristiante chuan engemaw ti tia Kristian martarte chhungkua tanpui dan leh Bible leh thu ziak dang rawn thawn luh ruk dan an lo siam tawh a.

Pindan lehlama ka va luh chuan unau paruk hi an lo awm reng mai a. Tanpui tura lo kal an ni. Kan titi luam a. Chu kan awmna inah chuan mi pakhat kum 14 lung ina tang tawh hmuh tur a awm e tia miin an lo hrilh avanga lo kal an ni tih an han sawi chuan an mi hmuh duha chu keimah ka nih thu ka lo hrilh a. Anni chuan, "Ngawi teh, lungngai hmel deuh hmuh tumin kan lo kal a. Kan hmuh tuma chu i ni lo ang a, i hlim em mai," an la ti talh a. Tang chhuaka ngei chu ka ni a, ka hlim chhan chu min theihnghilh lova an lo kal vang a ni e tih ka hrilh a. Tichuan Kohhran inthup tan chuan tanpuina chu kan hmu deuh reng ta reng a. Kristian chhung kuate tanpuina leh Bible te, ziak dangte chu a rugin min rawn pe thei ta zel a. Tunah chuan tanpuina te pawh kan hmu ta bawk a, Kohhran inthup pawhin hna kan kan thawk thei ve ta.

Pathian Thu min rawn thlen mai bakah min hman-gaih tih min rawn hriattir avangin kan lung a muang em em a ni.

Thluak min suksak lai brainwashing) khan "Tuman an hmangaih tawh lo che, tuman an hmangaih tawh lo che," tih hi kan hre chamchi thin a. Tunah chuan American leh English Kristiante chuan an nun pawh chan huamin min hmangaih a ni tih min rawn briattir ta a. Kan lo rawtpui angin a ruka intanpui dân hmangchang an siam a. Police ruk in an hual khup chung pawhin mi inahte chuan an bawkvak lut ru thei thin a. Police-te chuan in chhungah an lut tih reng an hre ngai lo.

Bible-te a hleuha hleuh thei tân zawng chutianga min rawn pek ruk thin Bible-te hlutzia chu hriatthiam hleih theih a ni lo vang.

Kei leh ka chhungte chu ram dang Kristiante tanpuina leh tawngtai sakna dawng lo ila chuan kan dam chhuak kher lo vang. Kohhran inthup pastorte leh martarte pawh chutiang bawk chu an ni. Ro sum lam leh rilru lama tanpuina Great Britain rama European Christian Mission-in an rawn pek thinte chu keimah ngei hi a lo dawng vetu ka nih avangin a hlutzia chu ka sawi thei a ni. Keini tân chuan an mi rawn tirhte chu Pathian rawn tirh angel ang an ni thin.

Kohhran inthupin fan kan han lak thar leh deuh avangin ka tân pawh chuan lung in tân a hlauhawm leh ta viau mai a. Hetih lai tak hian Kristian pawl pahnih Norwegian Mission to the Jews leh Hebrew Kristian Alliance chuan min tlanna tur £2, 500/- an lo pe a. Tichuan Rumania chu ka chhuahsan thei ta a ni.

Communist Rumania Ka Chhuahsan Chhan

Kohhran inthup hotuten chhuaka, khawvel zalenna ramte hnenah Kohhran inthup thuchah sawi turin min tir lo se chu hlauhawm teh mah se Rumania chhuahsan chu ka la duh lo. In hnenah hian an tuarnate leh an mamawhte chu sawi turin min duh a. Hei khawth-l angah chuan ka lo kal ta a, ka rilru chu an hnenah a

la awm reng a ni. Kohhran inthup tuar nasatzia leh an huaisenzia te chu in lo hriat hi tul ti viau lo ila chuan Rumania chu ka chhuahsan ngai lo vang.

Rumania ka chhuahsan hma chuan police ruk in vawihnih min ko va. Pawisa an lo hmuh tawh thu chu min hrilh a. (Rumania ram chuan communist ho lo lub avanga hun harsat tak hnu chuan a mite pawh pawisain a hralh thin reng a ni). "Khawthlangah chuan kal ta la, iduh tawh tawkin Krista thu chu hril la, mahse keini hi chu min khawih miah suh. Min do dal zâwng reng rengin engmah sawi suh. I chungka kan thiltihte leh thil awm dân hi i sawi vaih chuan kan tihdan tur chu zep lovin ka hrilh mai ang che. A hmasain £500/ lek seng pawhin misual kan ruai thei a, kan that che emaw kanru leh che emaw a ni ang. (Orthodox bishop pakhat, Vasile Leul, Austria ram atanga an rawn ruk chhuah nen lung inah pindan khatah kan tâng dun tawh a. A kut tin zawng zawng chu an tan sak a, an pawh chhuah sak vek tawh a. Berlin atanga an rawn ruk chhuahte ngei pawh ka hmu tawh bawh a. Tun lai hian Italy leh Paris atangtem Rumania mi tam tak an ru bawh thin). Rukruk hmang tiin emaw, nula nena inkawpa sawiin emaw i tleirawl laia i awm dan sual engemaw sawiin i hming kan tichhe der thei bawh a ni. Khawthlang miho, American lek pheih chu chutianga bum chu an awl nasa a nia', tiin min vau a.

Chutia min vau hnu chuan khawthlanga kal chu min phal ta a. An thluak suk kha sawt viauin an ring a. Han sawi tur chuan thenkhat an thluak an suksak tawhte chu khawthlang an lo thlen hnu pawha engmah sawi ngam lo te an awm a, a then pheih chuan communist an fak hial bawh a ni. Chutianga chu a nih avangin kei pawhin an thu ang lova ka tih ngam an ring lo.

Tichuan 1965, December thla chuan kei leh ka chhungte chuan Rumania ram chu kan chhuahsan ta a.

Rumania kan chhuahsan hmaa ka thiltih hnun

ber chu min nghaisa tu leh lung in tâng tuna thu petu colonel thlan va tlawha pangpar va dah a ni. Hetiang ka tih hi communist ho, thlarau lama saruak takte hnenah Krista zara hlimna ka neih ang hi pek chhawn ve ka tum tihna a ni.

Communist ho tihdan kalhhmang hi chu ka hua a, mahse a mihringte hi chu ka hmangaih a ni. Sual chu ka hua a, sual titu erawh chu ka hmangaih a, Communist ho pawh ka thinlung zawng zawngin ka hmangaih a ni. Kristiante chu an that thei e, mahse a thattu te ngei pawh an hmangaih theihna chu an that thei si lo va. Communist emaw keimah min nghaisatute ngei pawh huatna themte pawh ka nei lo.

BUNG 4

Judaho hian thawnthu an nei a. Aigupta ram atanga an thlahtute an tlan chhuah laia Aigupta mite Tuipui Sena an tlak hlum t̄euh t̄um khan Judate lawm zai vel chu Ang elten an lo zawm ve a. Pathian chuan angelte hnenah chuan, "Judate khu zawng mihring an ni a, an chhuah theih avangin lawm awmpawh an ni a. Nangni lak atang hi chuan chutiang b̄ak chu ka lo beisei asin. Aigupta mite pawh khu ka siamte bawk an ni lo vem ni? Anni pawh ka hmangaih tho lo vem ni? Engtingge an chhiat tawh chungchanga ka lungngaihna hi in hmuh t̄helh mai t̄heih chu le?" A lo ti e an ti.

Josua, chu Jeriko khaw bula a awm lai chuan a d̄ak a, a han en a, a hma zawn lawkah chuan mi pakhat a khandaih phawi sa kengin a lo ding reng a. Josua a han pan a, a hnenah chuan, "Kan lama t̄ang nge i nih kan hmelmate lama tang?" a ti a.

Josua mi hmuh chu mihring ni se chuan. 'In lama t̄ang ka ni e,' emaw 'In hmelmate lama t̄ang ka ni e,' emaw Tual dawih ka ni e' emaw a lo ti ngei ang. A eng ber emaw hi mihringte t̄an chuan chhanna tur a ni sia. Mahse chu mi chu hmun dang atanga lo kal a ni a, chhanna, beisei loh tak leh hriatthiam har takin a lo chhang a. "Ni lo ve" tiin. He "Ni lo ve" tih hi eng tihna nge ni ta ang?

Chu 'mi' chu 'Kanlam' 'in lam' tih awm lohna ram, tute pawhin engkim khawngaihna leh hmangaihnaa an enna ram, hmangaih mita thil engkim an enna ram atanga lo kal a ni.

Mihring pawhin zawl tawk kan nei zel a Kan zawl tawk angah chuan communism hi nasa takin kan bei tur a ni. Kan zawl tawk ang zel chuan communist-hote pawh kan bei tur a ni, communism t̄antu an ni h avangin.

Amaherawhchu Kristiante chu mihring mai kan ni lo va. Pathian fate, Pathian ze tawmpuitute kan ni.

Chuvang chuan communist lung ina nghaihsakna ka lo tuar tawhte chuan communist-ho chu mi huattir lo. Pathian thilsiam tho an ni. Engtingge ka huat theih ang? An thian phei zawng ka ni thei lem lo. Inthi-anna hi rilru hmun khat putna a ni si a. Communist-ho nen chuan rilru hmun khat chu ka pu mawlh si lo. Pathian lam hawi reng reng an hua a, keiin Pathian ka hmangih si.

"Communist lama tang nge i nih a, i do?" tiin min zawt ta se, ka chhanna chu khirh angreng tak a ni ang. Communism hi mihringte tana chhiatna thlentu raphlak ber a ni a. Chuvang chuan communism hi lehtal thak hma chu beih ka duh a ni. Thlarau lamah erawh chuan Isua nen van hmunahthe khian ka thu a. "Ni lo ve" tih theihna hmunah, communist-ho chu an sual tam teh mah se hriatthiama hmangaihna ramah, mi tinten Krista anna kawnga a vawrtawp an thlen theuh theihna tura angelte an phi buai chungna ramah chuan ka awm a. Chuvang chuan ka tum ber chu communist-ho hnena Chanchin Tha theh darha, chatuana nunna thu hriattir hi a ni.

Krista, ka Lal chuan communist pawh a hmangaih a ni. Amah ngeiin mi tin Ahmangaih a, mi fel 99-te chu pakhat bo tur chhan tur chuan A kalsan mai zawk ang tih A sawi a ni. A zirtirte leh Kristiana zirtirtu hmingthang tak takte chuan he hmangaihna thu hi A hmingin an lo zirtir thin a.

St Macary chuan, "Mi pakhatin mi zawng zawng hmangaih theiin mi pakhat erawh chu hmangaih thei tlat lo se, chu mi chu Kristian a ni lo, a hmangaihna chuan mi zawng zawng a huap loh avangin," a ti a. St. Augustine chuan, "Mi zawng zawng hi mi fel ni vek se, pakhat chauh sual pawh ni se Krista khan A tuar ang kha Arawn tuar tho ang, mi mal mal min hmangaihna hi a nasat em avangin," tiin a zirtir bawh thin. Kristian zirtirna hi a Chiang a. Communist ho pawh hi mihring

bawk an ni a, Krista chuan A hmangaih a ni. Krista rilru pu tawh phawt chuan chutiang chuan a hmangaih bawk ang. Sual chu haw mah ila tisualtu chu kan hmangaih a ni.

Keimahni ngeiin kan hmangaih danah hian Krista chuan communist-ho chu A hmangaih tih kan hria.

Communist lung inahte chuan mi tam tak, kawl ser 25 laia rit bun chung a thir linga an deh sawr tlawk tlawk a, tui tel miah lova an hrawka chi fian khat an chhun luh sak an tuihal huna tui an pek duh loh eltian te, riltamna tuara vuak tuara khaw vawt tuar chung a anmahni sawisatu communist tana thahnemngai lutuk taka tawngtai thinte pawh kan hmu thin. Hengte hi mihring ngawt tan zawng a tiha han tih rual a ni lo. Krista hmangaihna kan thinlunga lo awm chuan a ti thei chauh a ni.

Nikhua a lo rei a, min sawisatu ngei ngeite pawh chu lung inah an lo tang ve a. Communism hnuaijah chuan communist leh anmahni communist roreltu ngei ngeite pawh hi an hmelmate tluk dawn dawnin. lung inah hian an tang zing tih theih a ni. Tichuan a nghaisatu thin leh a nghaisaka chu lung in pindan thuhmunah chuan kan han awm ho ta thin a. Chutiang hunah chuan Kristian ni lote chuan anmahni lo sawisatute chu an lo bei nasa hle thin a, mahse Kristiante chuan nghaisak leh ni lo lova puh pawh huamin an lo chhan thin a ni. Chhang zai khat lek kan dawn lai ngat pawha mahni ei ai ngei ngei leh mahni damdawi chanai, dam chhuahpui theihna hial pawh anmahni lo nghaisatu lo tang ve tate tana pe phal Kristian ka hmu fo thin.

Tun hmaa Rumania ram Prime minister thin, Kristian, Iuliu Maniu chu lung ina a thih dawna a thuchah hnuhnung ber chu, "Kan ramah hian communist hi hneha an lo awm hlah chuan, communist ho lo nghaisak tawh mipui thinrimin communist-ho chung a phuba lak an tum hunin Kristian tinte chuan anmahni nun hial pawh chan huamin chung communist-te chu.

an chhan tur a ni, chu chu Kristiante tih tur thiang hlim a ni," tih hi a ni.

Ka pianthar hlim chhawn deuh lai chuan kawnga ka mi tawhte chhandam an nih leh nih loh te hi ka ngaihtuah em em mai thin a, ni lo awm hmel ka hmuhte hian chhun ang maiin ka thinlung chu a na thin a, ka dam zo lo mai awm mange ka ti hial thin. Kan inkhawmnaa mi pakhatin thil lo tisu al se rei deuh deuh ka tap thin a. Mi thlarau chhandam chakna hi ka rilruah hian a lian em em thin a, tun thleng hian a la ni a, chutah chuan communist ho pawh hi an bang chuan ang lo.

Lung ina mahni chauhva han awm chuan sawi hleih theih lohva ril a tam thin avangin a tawngtai that hleih theih loh, damdawiin min hrai rui a, mi a ang mai kan ni thin a ni. Ruh rel ang chauhva chak lo kan ni ber mai. Lalpa Tawngtaina pawh hi a sei lutuk daih a ni. Chutiang chen chen rilru kan pe thei thin lo. Chuvangin ka tawngtai hla ber thin chu. "Isu, ka hmangaih che," tih a ni thin.

Ni khat chu chutianga ka tawngtaina chu Isua chuan minrawn chhang ta a: "Min hmangaih maw? Ka hmangaihzia che ka'n entir ve thung ang che." Arawn ti ta a. Vawilehkhatah chuan ka thinlung chu lo alh pup ang mai bian ka hria a. Emau kawnga zirtirte pawh khan Isuan an hnena thu A sawi lai khan an thinlung chu lo alh ta ang maiin an hria anih kha. Kei pawh chutiang chu ka ni. Kraws-a kan vai atana A nun petu hmangaihna chu ka hria. Chutiang hmangaihna chuan communist pawh a hmaih lo, eng anga sual rapthlak pawh ni se.

Communist chuan sual rapthlak sawi hleih theih loh chu an lo ti tawh thin a, an ti mek bawka a, mahse "hmangaihna chu tui tam tak pawhin a timit thei lo va, tuilian lahin a tipil thei hek lo. Hmangaihna chu thihna anga chak a ni a. Itsikna chu thlan ang a rawng a ni." Thlan chuan mi zawng zawng, rethei leh hausa te, hnam ze tinreng, ro inrel dan kawnga

ngaihdan hrang hrang pawh, naupang* atanga tar chenin, mi sual leh mi thianghlim pawh chan a tum vek a, chutiang bawh chuan hmangaihna chuan a huap zau a ni. Krista, Tho leha hmangaihna chu communist hneh an nih hma loh chu a kin dawn si lo va.

Rawngbawltu pakhat hi ka tâna pindana hian thi chhawngin an rawn vawm lut tawp mai a. A hmai atang te leh a taksaah te chuan thi chu a luang zung mai a. An lo vaw nasa hle mai. Kan han sil fai a. Kan tânpui thenkhatte chuan communist ho chu anchhia an lo lawh bawrh bawrh mai a. Chu pa chuan na tuara rum chung chuan. "Khawngaih takin anchhia chu lo lawh teh suh u! Lo ngawi ula an tân ka han tawngtai teh ang," a rawn ti ta a.

Lung In Pawha Kan Hlim Theih Dan

Ka lung in tân chbung kum 14 kha ka han thlir kir chang chuan hlimawm hlein ka hre thin. Chutiang hun raphlak hnuai pawha kan hlim theih dan chu kan tânpuite leh min sawisatu leh vengtute ngei pawhin mak an ti thin. Zai te hi an khapin kan zai apiang chuan min vaw thin tak na a, min zai lohtir thei tak tak lo va. Nightingale sava pawh hian a hram zawhah talb tur a ni tih inhre reng mah se hram a thulh chuang lo tur ang hi a ni. Lung ina Kristian awmte chu lawmin an lâm tak meuh a ni. Chutiang hmun lungngaih thlakahte chuan engtingge an hlim theih?

Lung ina ka tân lai chuan Isuan "In thil hmuhte hi a hmuhna mitte chu a vannei e." A zirtirte hnena A tih kha ka ngaihtuah thin a. A sawi lai kha A zirtirtem Palestina ram an fan zawh hlawl a ni a thil raphlak tak takte an hmuh hnu lawk a ni. Palestina ram hi rah beh hnam awmna a ni a. Khawiah pawh tihduhdahna chu hmuh tur a awm a ni. Zirtirte chuan natna te, riltamna te lungngaihna te, an tawk a. Ram hmangaihtu in. nu leh pa lung in tân vanga

fahrah awmna te pawh an lut ngei ang a, chungah te chuan a tâng ve lote chuan a tâng tate ngaiin an tap thin ngei ang. Hmuh nuam vak zawng a ni lo phawt mai.

Mahse Isua chuan, "In thil hmuhte hi a hmuhna mitte chu a vannei e," a ti si. A chhan chu A zirtirte chuan lungngaihna chauh chu an hmu a ni lo va, mi zawng zawng chhandamtu leh thil tha tawp khawk Thlentu, Mihringten hmuh an tum ber chu an hmuh tel vang a ni. Hetiang nunna piah lamah hian nun nuam leh mawi chu a awm tih hi pangangin hnaha a vah theih chauh laiin phengphehlep a chan huna a thlawh vela pangpar hran a bawm zet zet thei tawh dawn tih a inhria ang deuhin kan hriea a. Chu hlimna chu kan ta a ni.

Ka velah hian Joba ang maia tuar nasa te, tuar nasa zawkte an tam mai. Mahse Joba chuan a tawpah chuan a hmaa a thil neih lehnhieh aia tam a nei ta a nih kha. Mi rethei Lazara ang riltama pân khir bawmte pawh an awm. Mahse angelten Abrahamana ang chhungah an thlen dawn tih ka hre si a. Nakin lama an nihna tur angin, tuna an nihna ang ni lovin ka en thin. Ka bula martar, bal tawp hnik hnek, chau tak mai te chu nakina mithianglim lallukhum khum tur angin ka hmu thin a ni.

Chutianga mi, tuna an nihna ni lo, nakina an la nih dan tur lama en chuan min nghaisatute zingah ngei pawh chuan Tarsa khaw Saula, Mithianglim Paula lo a ni tur ang te kha ka hmu thin. A thente chu an lo ni ta reng mai. Police ruk Officer. an hnena thu ka lo hrii tawhna te ngei ngei pawh Krista an lo chhar tak avanga lawm taka lungina lo tang ve ta te an awm a ni. Tang vengtu, keimahn min vua a min vengtuteah chuan Philippi khaw tang vengtu, Paulate yaw zeta lo piangthar leh ta te kha ka hmu thin. Engtikah tak, "Chhandama ka awm theih nan engnge ka tih ang" ! la ti ang maw kan ti thin a ni. Kristiante krosa an phuarbeha, mihring ekte an tah laia nuihzata

lo neihtute kan hmuh changte hian Golgotha a mipui, an lo sual tak avanga inchhira awm chum tate kha kan hmu bawk thin.

Lungina kan awm lai hian a ni Communiasho pawh chhandam an la nih beiseina kan lo chharchhuah ni. Chutah chuan anmahn-i tan mawh kan phurhzia pawh kan hrechhuak bawk. An nghaisaka kan awmin a ni anmahni hmangaih pawh kan lo zir tan ni.

Ka laichinte tam tak chu tihlum ah ni tawha. A tihlumtu ngei chu keima inah a ni a lo pianthar ni. Piantharna atan chuan hmun inhmeh ber a lo ni reng mai. Tichuan Communist lungin atang ngei chuan Communiste hnena Kristiante hnathawh dan tur hmang pawh chu a lo piang ta a ni.

Keini hmuh dan leh fanghmir thil hmuh dan a dang ang bawk hian kan hmuh dan leh Pathian hmuh dan chu a danglama Pathian chuan kan hmuh ang hian thil a hmu ve lo. Mihringte mitah chuan, krosa inphuarbeha, ek intahte chu thil rapthlak a ni thin, Bible chuan martarte tuarna chu tuarna nep takah sawi thin mahse. Keini ngaih chuan lungina kum 14 hau tan te chu rei fuah kan ngai a. Bible chuan, mitkhapkarlek, kan tana ropuina tur niin a sawi si. Heng avangte hian Communist sualna rapthlak tak. mihringte tana han ngaihdam theih loh khawp leh do kir ve ngei awma langte pawh chu, Pathian mitah chuan a nep deuh zawk ang tih a rin theih a. Anmi rahbehna, kum 50 zet ni ta pawh hi Pathian, atana kum sang khat pawh ni khat lek ni thei tan chuan mitkhapkar lek a ni thei bawk ang. Chhandam theih an la ni a ni.

Van Jerusalem chu nu ang a ni a, nu angin a hmangaih thin a ni.

Vanram kawngkharte chu Communist tan khar a ni chuang lo. Eng pawh an tan a mit chuang hek lo, midang ang bawkin an sualte chu an sim thei a, sim turin kan sawm tur a ni.

Hmangaihna Chauvin Communistho hi a hneh

thei (Kohhran hruaitu thenkhat hmangaihna, Communist duh dan ang hmangaihna ni lo chu). Huatna chuan mit a tidel thin. Hitlera kha Communist dotu chu a ni, mahse a ni kha zawng hawtu a ni. Chuvang chuan anmahni hneh a hnekin, khawvel hmun thum a thena hmun khat chu hneh turin a pui lek a lo ni.

Lunginah chuan missionary hna an zinga thawh dan tur chu hmangaihna nen kan ruahman thin a Chuvangin a hmasa berin an hruaitute kha kan ngai pawimawh hmasa ber thin.

Mission hotu thenkhatten kohhran chanchin an zir tlem deuh a ni mai thei. Norway ram kha Krista tan engtinngge an hneh kha? An lal king OLAF hneh hmasa zetin a nih kha Russia ngei pawh hian an lal Vla-dimir kristian a lo nihin Chanchin Tha an hre ve chauh a nih kha Hungary chu an lal St. Stephana kristian a lo nihin kristian ram a lo ni a, Poland pawh chutiang bawkin. Africa ramah pawh an lal kristian a nih chuan mipuiin an zui ve nghal mai thin. Tunah hian sipai leh mi mawl te te zingah hna kan thawka, anmahni chu kristian tha tak takah lo tang thei mahse, a ram pum ngaihtuahin hu an nei chau hle thin.

An roreltute hi kan hneh tur a ni; politics lam, economics lam, science lam leh thiamna chi hrang hrang lama an mi chhuanvawrte hi, an nunna kaihruaitute an ni a, mite rilru thlengin an siam sak a ni ber a, chuvangin anni kan hneh chuan an hruaiate pawh kan hneh tihna a ni.

Missionary thlir dana han thlir chuan Communist hi beih awlsamna tak pakhat a awm. An inhlawm fel em avang hian.

America President, Mormon (pawl pakhat) ah lo inlet ta se, a inleh avang ngawt chuan Americaho chu an inlet ve mai dawn lo a. Amaherawhchu Mao-Tse-tunga hi emaw, Breshnev emaw Ceausescu emaw hi kristianah lo inlet hlauh mai se chu an ram pum hi kan pawh thei mai ang, anni zawng, hetiang kawngah hian hu an neih nasat em avangin. Mahse, Communist

bruaitute chu an inlet duh dawn em ni? Inlet duh teh reng mai, a chhan chu, tunah hian an hlim lo va, an dinhmun hi anmahni ngeiin an lo hrem tawhte ang leka dinhmun derthawng a nih vang a ni. Communist Russia roreltute zawng zawng deuh thaw hi an tawpna chu lungin emaw anmahni thiante ngei kahhlum emaw a ni, Chinaah pawh chutiang bawh chu a ni. Anmahni ram minister ngei ngei, lagoda te, lejoy te leh Beria te, thiltihteihna zawng zawng neitu emaw tihturte pawh kha an rama Communist hel laia lo dotute an tih ang bawkin, silaia kahhlum an ni, chu chu an tawpna a ni mai. Tun hnai lawkah pawh Soviet Union Minister of Interior, Shepelin, leh Yugoslavia ram Minister of Interior, Rankovio chu pawnchhe hngangkhai ang maia paihchhuah a nih kha.

Lalpa' chu fakin ka chawimawi ang,
 Min tlantu a nih avangin ;
 Hla ka sa ang a khawngaihna hla,
 Ka sa zel fo anga.'

A khawngaihna hla sakte chu man chawi ngaiiah pawh, vuak hrep hlawhte a nihna ram nen chuan kan va vannei hlei tehlul em ! Chhandamna chanchin tha hriltute hlutsakna ramah kan awma, Rumania rama Communist hnuaiiah chuan vuak hlawhin an hril thei cbauh si ; Krista a kan unaute, Thlarau Thianghlina kan pianpui ngei ngeite harsatna chu sum leh pai lamin tanpui thei lo mah ila, kan tawngtainaah tal chuan kan Pa hnena thlen i theihngihlil suh ang u. Chu chu ringtute tihtur a ni.

Kan pianthara Krista keimahnia lo lut kha, zalenna kan neihtir em aw ? Nge lunginah kan khhunga, zu te kan tulh luia, pawisa te kan khelh tir thin am ni ? A hmangaihna thu a han sawi dawn dek dek thin a ; a tanna pindanaah chuan kan nem lut thuai thuai thin em ni ? A lu leh taksa pum thisena bualin, lo nghaisa thin mah ila, Ani chuan min la hmangaih tho si a. Tisa lam sal tanna ata min bruaichhuahna tur leh kan thlarau.

chhandam nan chuan ava tuar nasa tawh tehlu em ! Kum engzat nge Krista chu lunginah i la khung anga, vawi engzat chauh nge khenbeh nawn i la tum ? Setana ram ata a rawn zawng chhuak che a, malsawmna hlu ber, chhandamna a pe che a lo hmangaih ve tak aruanga lo khenbeh leh thin zawng a na lua a ni. I hmangaih ve theih hun nghakin a thlir reng a che.

Thlarau Lama Communism Kan Beih Theih Dan

Communist rorel hi tuman an hlimpui lo, a hlawkpui tute ngei ngei pawhin an hlimpui lo a ni. Chungte pawh chu zan tin hian an kawtah secret police motor a lo ding chut ang a, pawl hotute inthlak vang mai maiin emaw an rawn man mai ang tih hlauvin an khur an khur thin a ni.

Communist hotute hi anmahni ngei ka lo hmelhriatte pawh tam tak an awm a. An phur hi a rit hlawn hle a ni. Isua chauhin chawlhna a ph thei.

Communist roreltute Krista tana hneh hi nuclear hmanrua atanga chhiatna ata chhan chhuahna a ni mai thei a, tin, ralthuam siam nan sum an khawhral nasat em avang te pawhin mi tam tak rilamna ata chhan chhuahna a ni thei bawh. Communist roreltute hneh chu hnam hrang hrang in-epna tih rehna pawh a ni thei, Communist roreltute hneh chu Krista leh. Angelte lawmna a ni dawn si. Kohhran hnehna a ni thei a, tuna missionary tam tak rim taka an thawhna ram New Guinea te, Madagascar ang te pawh hi hmin sa an ni mai dawn a ni, communist ber an hmin tawh chuan tihtakzeta in an thawk thei tawh dawn avangin

Kei hi ka tleirawl thleng pawha Pathian awm ring lo ka ni a, ka hmuh ve tawhah chuan chutiang Pathian awm ring lo han piangthar leh communist piangthar hian Pathian hi an hmangaih zual thin te pawhin ka hria, an sual a tam vang te pawh a ni mai thei.

Missionary hna lam atanga thlir chuan hna thawh dan hmangchang bik riau hi awmin a lang. Thlarau

chhandamna thu ngawt ngaihtuah chuan mi tin thlarau hi inang tlang veka ngaih theih a ni a, mahse missionary thlir danah chuan an inang tlang lo a ni. Ramhnuaia mahni tawm tawma tawm mai mai, mi dangte hneh chhawng leh thei lo tur, chhandam a lo nih pawha amaha tel leh mai mai tur hneh ai chuan mi hubang nei deuh, mi dangte hneh ve thei tur hneh hmasak chu a pawimawh zawk a ni. Chuvang chuan Isua pawh khan a hna chu thingtlang khaw chengkera titawp mai lovin Jerusalem Kher a tawp a nih kha. Jerusalem chu chutih laia sakhaw tam thua hmunpui ber ani si a. Chutiang deuh bawh chuan Paula pawhin Rome thlen hram hram a duh a ni.

Bible chuan, "Hmeichhe thlahin rul lu a vaw thling ang", a ti a. Tunah hian rul chu a dulah kan dek nui chauh a la ni. Rul lu chu Moscow leh Peking inkarah hian khawilai berah emaw a awm a, hmundang, Tunis te Madagascar te a awm lo. Communist khawvel hi kan Kohbran hotute leh mission hotute leh Kristian ngaihtuahna nei deuh tawh pawt chuan vei berah kan neih tur a ni.

Hunbi tiam anga thawh leh ngawt thin hi kan bansan tur a ni. "Bumna rilru pu chung a Lalpa hna thawktute chu anchhe dawngin awm rawh se." tih zia a ni si a. Tunah zawng communist hi hmachhawn ngata beih a hun a ni. Indo reng reng mahni lo inven ngawt ngawt ringawtin a hneh theih loh va, a va beitu nih hi a tul a ni. Kohhrante hian communist kutah hian ram tam tak kan hloh tawh hi. Kohhran hian communist kutah hian ram tam tak kan hloh tawh hi. Kohhran hian chu chu kan tidanglam tur a ni. Pathian chuan kaph-a-thir talte pawh a tisawm vek a tih Sam Bu-ah pawh kan hmuh kha. Chuvangin Ani tan chuan Thir Bang te pawh chu engmah tham a ni lo a ni.

Kohhran hmasa ber chu a ruk tein dan kalhin a thawk a. a blawhtlin kha. Chutianga thawh chu kan zir leh tur a ni. Communist hovin minrawn chim hma chu Thuthlung Thara hming lem an hman thliah thluah,

Simeona, Niger an tih te, Johana, Marka an tih ang te hi ka lo hre thiam ngai lo va. Communist rama kan thawhnaah chuan hming ruk kan hming thin a ni.

Zanriah hnukung neih an tum lai a Isuan hming sawi lova, "Khawpuiah va lut ula, chutah chuan mipa bela tui puin a taw ang che u," a tih chhan te kha ka lo hre ngai lo. Tunah chuan ka hrethiam ta. Chutiang deuh baw chuan kan hnathawhnaah chuan kan inhria tih chu a ruktein kan tilang chauh thin a ni. Kohhran hmasate tih anga kan tih peih chuan keini pawh communist ramah hian kan hlawhtling ve ang.

Mahse khawthlang ka lo thleng a, an hruaitu thenkhatte ka han hmu a, communist te hmangaih ahnekin an ngaih dan chu anmahni communist ho ngaih dan ang deuh baw a lo ni tih ka hre ta a Karl Marxa hote thlarau bo chhan tura Samari Mi Tha hmel reng ka hmu lo.

Miin sakhuaa a chhiar leh a sawi a sawite hi a ring kher lo va thih a huam pui ngei hi a ring a ni zawk.

Inthup Kohhrante chuan an rinna chu thihpui an huam ngei a ni tih an tilang fiah em em tawh a ni. Tunah hian communist rama lung in tan nawn leh emaw, nghaisak emaw thih hial theihna a ni tih hriain engkim huamin Thir Bng phena hna chu engkim huamin ka thawk zel a ni. Chuvangin ka thil ziate pawh hi ka ring a ni.

He zawhna hi zawt thei niin ka inhria : America rama Kohhran hruaitute, communist te thiana siamtute hian an rinna hi thihpui an huam em? Khawchhaka kala, pastor hna han thawka communist te nena han inthural turin enginngedala? An dinhmun sangte hi chhuahsana chutiang han ti tur chuan enginngedala? Tunah rib hi chuan khawthlang Kohhran hruaitute hian chutiang huam awma lanna reng an la nei lo a ni.

Mihring tawng hi kan nunphung kawng tin renga inhriathiamna te, ingaih tawna te kan duh avang hian a thang zel a, kan sawi duh ang pawh a tul dan ang zelin kan sawi thei. Mahse Pathian thuruk leh thlarau

nun sawi tur chuan mihring tawngkam hian a daih thei lo a ni.

Chutiang bawk chuan sual nun rawnzia leh thukzia hi mihring sawi thiam phak a ni lo bawk. Nazi hovina meipuia an paih tur emaw a fa ngei ngei a mithmuh laia chu meipuia an paihsak laia a rilru chu tunge thuin sawi thiam ang?

Chutiang chu a nih avangin communist hnuaiia Kristian te tuar tawh tuar mek leh la tuar zel tur hi sawipawh ka tum duh ting lo a ni.

Rumania rama communist ho tiliantu Lucretiu Patrascanu nen ngei pawh lung in thuhmunah kan tang dun tawh a. A hna thawh rah a thianten an pek chu lung ina tan a ni a, atna a nei hranpa hlek lo chungin mi a dah khawmnaah an dah lui tlat a, a tawp a tawpah chuan a a ta nge nge a ni. Tun hmaa an Secretary of State, Anna Pauker pawh chutiang bawk chuan an ti a ni. Kristiante pawh hetiang hian tihfo an ni. Electric te pawh an mantir bawk a, tin, kawr ban hmawr pingte (strait jacket) te pawh an haktir bawk thin. (Strait-jacket hi thil fei lam deuh savun te emawa siam a ni thin. Mi a leh hlauhawmten an kut an hman theih loh nana hremnaa hman a ni thin).

China ram kawtthlera thil thlengte hi khawvelin a rapin an rap a. Mi zawng zawng hmuhah ngat pawh a rapthlak thei ang berin an che duh a ni a, China ho lung in, tuma va hmuhpui hleih lohvah chuan engti ang takin rawng ang maw! Han ngaihuah teh.

Kan hriat hnuhnun berah chuan China mi thuhiril mi leh Kristian dangte chu an rinna an phatsan duh loh avangin an beng leh lei leh ke an tan chhumsak tih a ni.

Mahse taksa an sawisa a, an tihlum te hi chu eng teh vak mah a la ni lo Mihring mimir leh naupangte leh tleirawlte rilru an bual a hi a paw a ni. Anmahni mite ngei chu Kohhran, hruaitu atan leh tichhetu atan an han dah a. Tleirawlte chu Pathian leh Krista ring lo turin an ti chauh a ni lo va, chung Hmingte chu a huata haw turin an ti thin a ni.

Kristian lung in tangte, an tan chhuaha mahni ina lo haw, anmahni fate ngei ngei, Pathian awm loh ringtu lo ni zo tawhin an lo nuhsawh ang te chu tuingge a natzia sawi thiam thei ang ?

He lehkhahu pawh hi lehkhataua ziah mai ni lovin, thinlung hliamte thisena ziah a nih hi.

Daniela hun laia tlangval pathum meipuia an paiha an lo chhuah hnua mei rim an nam lo ang bawkh khan Kristi-ante communist lung inalo tang tawhte chuan communist rim an namin communist huatna an nei chuang lo.

Pangpar pawh hi i rah sawm chuan lawmman atan a rimtui a rawn chhuahsak che a. Chutiang bawkh chuan Kristian communist hovin an nghaisakte chuan an nghaisakna lawmman ah chuan hmangaihna an pe thung thin. Keimahni min vengtu ngei ngeite pawh tam tak chu Krista hnenah kan hruai thin. Thil pakhat tum tlat kan nei: min nghaisatu communist-te chu kan neih tha ber, kan Lalpa Isua Krista chhandamna min pek chu pek ve tahl kan tum.

Kan thian tam takte angin Krista hminga thi tur khawpa vanneihna hi ka nei ve lo va. Kei zawng min chhuaha, Rumania ram hial pawh ka rawn chhuahsan thei a nih hi.

Khawthlang Kohhran hruaitu tam takte hian Thir bang leh Mau bang (China khi Mau Pang Phena awm anga sawi thin a ni) phena Kohhran inthup te angin communist hmangaihna hi an nei ve lo niin ka hria.

Communist rama chengte tana chhandamna tur thil engmah an tih lohzia hian chu chu a tifah hle a ni. Judate tan te, Mosolman tan te, Budha zui tan te pawh mission hrang hrang an nei a. Kristian pawl hrang hrang a mite anmahni pawla inlet tura thlem pawl chenin an awm a. Mahse communist tan mission an nei lo. An hmangaih lo a ni Chuti ni lo se hmanah hmanah mission chu an siam daih tawh ang, Carey pawhin Indianho a hmangaih a, Hudson Taylor an Chinaho a hmangaih bawkh a, tichuan chung mite tan chuan mission chu an din mai a ni.

Communist ho an hmangaih lo chang pawh a ni hlei nem. Anmahni leh anmahni infakin, mi dangte thlahthlamin leh a chang pheì chuan khawthlang Kohhran thenkhatte chuan communist ho ram hnehnaah hian puituah an tang hial a ni. Kohhranah te khawvel hmun hrang hrangah inrawlh turin communist te chu an pui thin a, communism hlahawmzia hi Kristiante an theihngihltir dawn dawn thin a ni.

Kristian hmasaten Chanchin Tha thehdarh phalna Neroa hnenah an dil bik hlei nem ti ni awm fahranin communiste chu an hmangaih lo va. Krista tana hneh an tum lo mai pawh ni lovin anmahni beramte ngei ngei pawh an hmangaih lo. Communist-te hi kan hneh loh zawngin khawthlang hi an rawn hneh ang a, Kristianna hi an rawn pawt phawng mai dawn a ni.

History Atanga Zir Turte Chu An Haider a

Kum zabi hmasa lam khan Africa ramah kuan Kristian an lo pung viau a. Chuta tang chuan a ni St. Augustine te, St. Cyprian te, St. Athanasius te, Tertullian te pawh an lo chhuah ni. Mahse chutih laia Africa hmara Kristiante chuan an tihtur an lo thlahdah a, Mohamad a hnungzuite Kristan hnena hruai chu. A rah chu, chung Mohamad-a zuitute chuan Africa hmar chu an rawn run ta a, Kristianna pawh kum za tam tak chung chu an lehtal ta a nih kha. Tunah pawh hian chulai ram chu Moslem ho ta a ni ta a, Kristian mission-te pawh chuan 'hneh theih loh bawr' an ti ta hial a ni.

History atang hian engemaw tal chu i zir teh ang u!

Reformation hun lai khan Pope nghawngkaw! tihbo chu Europe ram mi mir ngaihtuah ber a ni a chutih lai na na na chuan mipui tan a hnawksak em kher tak a, chu mipui ngaihdan chu Husste, Luthera te, Calvina te pawh khan an tawn zawmpui a. Chutiang deuh baw! k chuan tun lai khawvel mipuiin zalen an duhna chu

thlawpin Underground Kohhran pawh hian zalena kan awm zel theihnn tur te ngaihtuahin communist rama Chanchin Tha theh darh hi an tum hram hram a ni.

Communism han lehtal thei hi politics lamah chuan a awm lo. Nuclear thiltihtbeihna te lah an nei a, sipai lama beih ngawt lah chuan khawvel indona chawh chhuahna leh mi maktadaui tam tak tuarna chauh a ni dawn si. Khaw thlang hotu tam takte pawh hi 'thluak suk' sak tawh an ni a, communism tibchhiat an duh lo bawk. Chutiang chuan anmahni ngei pawhin an sawi thin a ni. Damdawia inhrai ruihna te, suabsualna chi hrang hrang te, cancer leh TB te chu reh turin an duh em em a, mahse chungte ai pawha mihring nun heh zawk daih si communism tibreh chu an duh si lo.

Russia lehkha ziaktu pakhat, Ilya Ehrenburg chuan, "Stalina hian engmah dang khawih hlek lovin mi pawikhawih lo a lo tihhlumtir tawh hming hi ziak ngar ngar se a dam chhung hian a ziak zo hman lo ang e," a ti hial a ni. Kruschew chuan Communist Party Congress vawi sawmhnihaan khan, Stalina khan communist mi rinawm tak tak leh sualna nei lo sang tam tak a tihlum a Congress vawi sarihnna Central Committee member tur thlan tuma thlan tak leh thlan tura candidate 139 zingah khan 98 chu, za zela 70, a hnu lama lung ina khunga kabhlum an ni," tiin a sawi bawk.

Khai le, Kristiante lakah engnge tia i rin han ngaihtuah tawh teh!

Kruschew chu Stalina rawn lantu a ni a mahse Stalina tih ang chu a chhonzawm tho a ni. Kum 1959 a Kohhran biak in la ding zatve chauh tunah hian Soviet Russia ramah hian a ding tawh a ni.

China-ah lah chuan Stalina hun lai aia rapthlak zawk daihin an rawng thar leh si. A lang a pau chuan Kohhran a ding tawh lo reng reng nia hriatna kan nei. Tin, Russia leh Rumania ramah lah chuan inman an tan thar leh ta (Russia ramah Kristiante a rual ruala man thu tun hnai lawkah kan hria.)

Bumna leh sawi thainnain ni tluklehdingawn awmna ramah chuan thangthar apiang chu, Kristian leh khawthlang huatna rilruin an hneh zel mek a ni.

Biak in kawta naupang inkhawm tur lo changa, a inkhawm tur apiang lo ben sawk sawk te chu Russia ramah chuan hmuh duh athu a ni mai. Tichuan nakin lama khaw thlang Kristianna tichhetu tu-rte chu ngun takin Russia chuan a chawm lian mek a ni.

Communism hneh theihi pakhat chauh a awm. Chu chu Chanchin Tha, thiltih theihna hi a ni. Chu chu communist ram tina Kohhran inthupte hi an ni.

Chu Underground Kohhran tanpui chu rinnaa kan unaute nena inzawmna a nih bakah nangma ram leh Kohran ngei humna a ni. Chu Kohhran tihnun chu Kristiante tih tur chauh a ni bik lo, zalen sawrkar tinte tih tur a ni

Kristian inthupte hian communist hotute hi Krista tan an lo hneh nual tawh a. Rumania Prime minister Gheorghiu Dej ngei pawh Kristiana inlet a, a sualte puang te tein a thi a nih kha. Communist ram tam takah hian sawrkar hna thawk tam tak chu Kristian ni si, inpuang ngam lo an ni. Hetiang hi a darh zau zel thei a, nakin deuhah phei chuan communist ram si policy tidanglam vek khawp pawhin an la awm thei mai thei a ni. Chutiang ti tur chuan tun hi hun remchang tha lutuk a ni e

Kristianten kan thu rin kan rin ngheh tlut ang bawh hian communist ho pawh hian an thu rin chu an ring nghet ve a. Mahse tunah hian chu mi thuah chuan harsatna an tawh a. Communism chuan hnam hrang hrangte zingah inunauna a thlen turah an lo ngai thin a. Tunah erawh chuan communist ramte chu uicho ang maiin an inha bur bur mai tih an hmu ta. Communism chuan lei pialral a thlen ngei pawh an lo ring thin a, mahse chutih ahnekin buh bal engkim mai chu capitalist ram atangin an chaw kum tin mai si. Communist ho chuan an hotute chu an lo ring hle thin. Tunah erawh

chuan an chanchin buahte chuan Stalina kha zawng tuaf thab hmang a ni a, Kruschev lah mi a a ni si tih te an chhiar ta si! Rakosi te Gero te, Anna Pauker te, Rankovici te ngei pawh chutiang an ni. Communist ho hian an hotute hi dik lo thei lovah an ngai tawh bik lo. Pope tel lova Catholic ang deuh an ni.

Communist te hi an thinlungah hian ruakna riau an nei a. Chu ruakna chu Krista chauhin a luah khat thei a ni. Mihring hian a pianphung rêngah pathian hi a zawng a. Mi tin thinlungah hian tblarau lam ruakna a awm a, chu chu Krista'n a luah khah hma chuan a ruak reng thin a ni. Communist ho pawh hetiang bawh hi an ni. Chanchin Thaah hian hmangaihna, an rilru dek riau lai a awm a, an hneh theih tih hi ka hmu chiang tawh a ni.

Kristian communist ho ngeiin an nuhsawh a, an nghaisakte chuan anmahni leh an chhungte tuarna chu an ngaidamin an theihngihl a communist hovin Krista panna kawng an hmuh theih nan an theih tawpin an tanpui a ni. Hetiang an tihna kawngah hian kan tanpui na an mamawh a ni.

Chu chang a ni lo, Kristian hmangaihna chuan khawvel pum a huap a. Kristiante zingah hleih neihna a awm si lo va. Isua ngeiin Pathian ni chu mi thate leh mi sualte chungah a chhuak vek e a tih kha Kristian hmangaihna pawh chutiang bawh a ni.

Khawthlang Kohhran hruaitu thenkhat communist te kawm ngeih chuan Isuan hmelmate hmangaih tura min zirtirna chu an zawm ngei mai. Mahse Isua khan manni unaute theihngilha hmelmate chauh hmangaih tur chuan min hrilh lo a.

An hmangaihna chu Krista chanchin tha hrilh lam ni lovin, an kut Kristian thisen kai hniang hnuangte nen chuan chaw ei hova zu in ho in an entir thin. Mahse communist ho ngeiin an rahbehte chu an theihngihl si. Hmangaih an hlawh lo.

West Germany rama Evangelical leh Catholic Kohhrante chuan rilamte tan tun kum sarikh chhung

khan dollar maktaduai 125 lai an pe tawh. American Kristian hovin chu aia tam.

Rilţam hi zawng an tam ngei mai, mahse Kristian martarte aia rilţam leh ţanpuina phu hi ka la hre lo. German te, British te, Scandinavian Kohhran ten mi ţanpui nan chuti zat an thawh theih chuan a mamawh apiang chuan dawng rawh se, mahse a hmasain Kristian martarte leh an chhungten Dawng hmasa phawt ang hmiang.

Kei pawh hi Kristian pawl ţhenkhatten min tlan chhuah ka ni. Kan ram ata Kristianten an tlan chhuah chhun ka la ni si. Hetia kei pawh tlan chhuah theih ka nihna ngawt pawh hian khawthlang Kristiante chuan an tih tur an ti lo a ni tih a tilang chiang hle a ni, mi dang pakhat mah an la tlan chhuah loh avangin.

Kristian hmasate khan an Kohhran thar chu Juda tan chauh nge Jentail te tan pawh tiin an inzawt a nih kha. Chu zawhna chu dik takin an chhang thei ta a nih kha. Tunah pawh hian kawng hran deuh hlekin chu zawhna chu a lo lang leh ta. Kristianna hi khawthlang tan chauh a ni lo. Krista hi America te, England te, democracy ram dangte ta chauh a ni bik lo. A ban lehlam khawthlang lamaphara a lehlam khaw chhak lama pharin a nih kha an khenbeh ni. Judate Lal chauh ni lovin Jentailte Lal nih pawh a duh a nih kha, khawthlang Lal chauh ni lovin communist ho Lal hih pawh a duh a ni. "Khawvel zawng zawn-gah kal ula, thil siam zawng zawng hnenah zirtir rawh u," Isua pawhin a ti a ni.

A thisen chu mi zawng zawng tan a pe a, chuvangin Chanchin Tha pawh hi mi zawng zawngin an hre tur a ni. Communist rama thu hril min tiphur em emtu pakhat chu rawn inlette reng reng chu hmangaihna leh ţhahnem ngaihna an khah thinna hi a ni. Russia ramah Kristian lum si lo vawt si lo pakhat mah ka la tawng fuh lo. Tun hmaa communist tlangval ngei ngeite pawh, zirtir duhawm lutukah an lo chang thin.

Krista chuan communist-te chu a hmangaih a, communism hnuai ata chhan chhuah a duh a, mi sualte chu A hmangaih a, an sual ata chhan chhuah a duh avangin. Khawthlang Kohhran hruaitu thenkhatte chuan hetiang ngaihdan dik awm chhun anga ngai lo hian communist lakah an lungawi taw k a. Hetiang an tih hian anmahni communist ho ngei ngei leh an kut tuartute tana chhandamna chu an dal a, sual an tipung a ni.

Ka Tān Chhuaha Ka Thil Hmuhte

Lungin ata ka chhuah hnu chuan ka nupui nen chuan kan awm dun leh ta a. Kan awm dan zel tur atana ka duh dan min zawh chuan thlarau pawlna fianriala awm ka duh ber a ni tih ka hrilh a. Ka nupui pawh chuan a lo duh ve a.

Ka tleirawl lai chuan ka viak a t̄ba hle thin a. Mahse kum tam tak a fala min khung hnu hi chuan pa thil ngaihtuah chet chet leh zeldin neuh neuh chiah ka lo tang ta a. Ka thinlung tuipui fawn anga so thin chu a lo reh ta. Tunah chuan communism ngei pawh chu eng tehchiamah mah ka ngai lo, hriat pawh ka hre chang meuh lo. Vana Moneitu huang chhungah ka awm a, min nghaisatute tan chuan ka tawngtai a, ka hmangaih tak tak thei ta a ni.

Lung in atanga chhuah hi beisei pawh ka lo beisei pha meuh tawh lo va, mahse chhuak tur awma ka han indah chang chuan thlaler ram rova van Moneitu pena inpawlna thlum tak neih veng veng hi ka sam ber thin.

Pathian chu 'Thudik' a ni a. Bible hi 'Thudik' chanchin 'thudik' a ni a. Theology hi 'Thudik' dikzia chanchin 'thudik' a ni leh a. Fundamentalism hi 'Thudik' dikzia chanchin dikzia 'thudik' a ni leh a. Kristiante hi chu 'Thudik' dikzia chanchin dikzia 'thudik' a ni ve leh a. Kristiante hi chu 'thudik' dikzia chanchin dikzia chhawngah chuan kan

chen thin avangin a kawi tam lutuk tawh a, 'Thudik' taka chu keimahniah hian a awm thin lo a ni Riltam leh vuak chauh hnep leh hrai ruiha kan han awm lai chuan Theology leh Bible lam chu kan hre chang tawh lo va. 'Thudik' chanchin thudik chu kan hre lo, mahse 'Thudikah' chuan kan awm tawh zawk thin. "Mihring Fapa chu in rin loh dar leh in hriat loh niin a lo kal ang" tih ziak a ni. Ring turin ngaihtuahna pawh hi kan nei thei tawh lo tak tak thin a ni. Min nghaisak retheih lai ber, thimina min hual vel laite chuan Mihring Fapa chu kan hnenah a lo kal thin a, lung in bangte chu lunglhu angin a rawn title sut a, lung in chhungte chu a rawn tieng thin a ni. Min nghaisatute chu hnuai takah, tisa nunah chuan an leng si a. Keini thlarau chu Lalpaah chuan a lawma. Chu kan lawmna chu Lal in ropui tak tak nen pawh thleng kan phal lo. Tu emaw thil engemaw do turin maw? Hnai lo ve, chu zawng ka tih duh loh berte zinga mi a ni. A dik lama tang tur ngei pawhin engmah do duh lo. Biak buk nung Krista tana sak ka duh a ni. Fianriala Lalpa nena mpawlna neih beisei ranin a ni tan in ata ka lo chhuah ni.

Mahse ka chhuah turh ni atang phatin, ka tan chhunga nghaisakna zinga tenawm ber communism bawhlhlawhna chu ka rawn hmu leh ta mai si. Thuh-riltu hmingthang tak tak te, Kohhran hrang hrang pastor te leh bishop te meuh pawh ka hmuh apiang mai chuan anmahni beram ngei ngei heka enthlatu atana police ruk a an hman zia chu ka hre ta zel mai a. Anmahni pawhin chutiang chu lungchhe takin min hrih thin. Lung in tan hial pawh huamin chuti-angan mite hektu nih chu an bansan ngam mai em tih ka zawt ta chawt mai a. An vaim 'ngam lo' an ti theub a, amaherawhchu anmahni tana hlahv vang chu a ni lo tiin min hrih blawm a. An mite hektu an nih loh chuan, an Kohhran chu khar a tihtawp sakah an lo vau vang a lo ni a chutiang thil chu ka tan hma chuan a la awm ngai lo.

Khaw tinah sakhaw lam enkawltu communist ho police ruk mi an awm zela. A duh hun huna puithiamte leh pastor te chu kova, tutenge inkhawm zing deuh, tunge Lalpa zanriah kil zinga, tunge thahnem ngai deuh leh tunge sual puanna neia engtingge a puan zawt thei a ni a. Chhan duh loh lahin chu puithiam chu bana a hmuna puithiam der dah thei a ni si, Chutiang puithiam der chuan Kohhran mite chu an nihna bakin a hek thin bawk si. Chutiang sawrkar mi awm lohnaah chuan, (awm phei chu a awm tlem hle) Biakin chu an Kharsak hmiah mai a ni.

Puithiam hrangte chuan police ruk hnenah chuan sawi tur an nei theuh a, a thente chuan hreh takin an sawi a, a then erawh chuan an chhia leh tha hriatna te tikhauh a nih tawh avangin hreh lo takin an hote ngei chu an hek zat zat a a then dang leh phei chuan a chakin an chak thung a ni.

Kristian lung in tang fa thenkhatte chu an sawi loh chuan an lehkha zir phal ve lo tura an vau thin avangin loh theih lohnaah lehkha zir ve zel an la duh si avangin lo chawma lo enkawltute chu hreh takin an puang bawk thin.

Kohhran tam takah chuan communist ruat mihringin Kohhran chu an ho va, hmun Thianghlim berahte chuan sualna chuan ro a rel a ni. Pastor leh thubriltu pawh a chhe deuh leh a tha deuhthe chu an awm ngei thin tak a, mahse tunah chuan Pathian awm ring lo pawl Central Committee chuan Kohhran chu hruai an tum ta a nih chu. Sakhua reng reng a zung atanga pawt phawng tur loving eng tur tehluin nge an hruai ang?

Lenina chuan, "Sakhaw ngaihtuahna leh Pathian ngaihtuahna te, chutiang han duh derna mai pawh hi sawi hleih theih loh khawpa hmuhsitawm leh hlauhawm tawpkhawk, inkai chhawn theih tenawm ber chi a ni. Sual chhiar sen loh leh, kan thhiltih tenawm tak tak te, tharum thawhna leh taksa natna inkai theih zawng zawng ai pawh hian he Pathian lam

ngaihtuahna rilru hriatthiam har tak hi a hlauhawm zawk a ni", a ti a.

Soviet Russia chungga communist zawng zawng hi Lenina zuitu vek an ni a. Chuvangin an tan chuan sakhua chu cancer te, T. B. te leh dadú te ai pawhin a hlauhawm daih zawk a ni. Chuvang tak chuan sakhaw hruaitu turte chu anmahnin an ruat thin a ni, Chungho nen chuan Kohhran hruaitu panggaite chu an thawk ho ta thin a. A thente chuan an thurualpui thei viau mai!

Naupang thanglaite rilrua Pathian awm loh rinna chi an tub lai ngei ngei ka lo hmu tam tawh a, chuti-ang han nuai bo zawnga tih theih lah Kohhran chuan a nei mawlh si lo. Kan ram khawpui Bucharast-ah ngei pawh hian Kohhran engah-mah hian naupang Sunday sikul emaw cle:rawlte inkhawm hmuh tur a awm lo. Kristian fate ngei pawh huatna sikulah an seilian a ni.

Chutiang ka han hmuh meuh chuan min nghaisak lai zawng zawng ai pawhin communism hi ka haw ta a.

Keima chungga an tih avanga hua ka ni lo va, Pathian ropuizia thua an thil diklo tih te, Krista hming an tibhliaw dan te leh mi tluklehdingawn zet thlarau chungga an thiltih te avang.hian ka hua a ni.

Lo nei mite chu ram hrang hrang atangin min hmu turin an lo kal a, thil neih intawm tura an tih dan zawng zawng te min rawn hrilh thin a. Hmanlai Kanan ram ang maia ram hausah chuan lo neitu te grep huan neitute chu anmahni lo leh huan ngei ngeiah chuan sal riltam, chaw ei tur nei lo, naupang bawnggh-nute ei tur takngial pawh nei si lo leh thei rah ilo fahran pawh ei tur nei lovin an awm ta a ni.

Unaute chuan communist ho hian rukru leh dawt sawi hmangah min chan zo ta a ni e an ti thlawt mai. An riltam luat vangin tun hmaa anmahni ta ngei ngei, tuna intawm lo ni ta atangte chuan eng eng emaw ruk a lo tul a, an ru a, an rukruk zep tur chuan dawt sawi a ngai leh si thin.

Khaw! hmuna thawkte lahin democracy ramtea mang lam pawha an hriat ngai loh tur khawpa hleih neihna thu te min hrih bawk a. thawktute lah duh loh zawng tilang tura nawrh fahran pawh an phal bawk si lo. Mi finge chuan anmahni rilru chhungril tak kalha Pathian awm loh thu zirtir tur a ni si. Khawvel mihring hmun thuma thena hmun khatte nun leh ngaihtuahna chu tihchhiat leh kawng dik lova hruaiin an awm ta.

Nulate pawh ka hnenah an rawn vui thin. Communist Youth Organisation inkhawmah an ko va, Kristian tlangval a lo fawh avangin an hau va, a fawh theih tur mi dang hming an pe thin.

A, engkim mai hi a dik lovin a bawrhbang zo a ni ber mai.

Underground Kohhrana ka lo thawhpui thinte chu ka han hmu leh hlawm a. A thente chu man lohvin an lo la awm hram hram a, a thente erawh chuan an tan chhuah vel-eh an lo zawm leh vat a lo ni a. Min rawn kan a, an zinga tela bei zel turin min sawm a. An inkhawmnaah te chuan ka tel ve ta a. An hla bute chu kut ziak vek a lo ni tih te ka hmu a.

Tichuan St. Anthony Ropuia chu ka hre chhuak a. Thlalerah kum 30 tawngta leh chaw ngheiin a awm thin a. Krista Pathian zia chungchanga Athanasius leh Arius inkara inbeihna awm thu a hriat veleh a lo haw a, thudik lam chu a rawn tan a. St. Bernard de Clairvaux ka hre chhuak leh a. Ani pawh Kristianten Indona thianghlim an beiha Arab leh Juda mite an thah thin thu leh rin dan hrang inih danglam sak dub vanga an inthah thin thu te a hriat veleh amaha a awmna tlang sang tak ata chu a lo chhuk a, chung indona te that lohzia thu a rawn hrih ta a, tichuan kei pawh chuan Krista te, Tirhkoh Paula te leh mi thianghlim dangte tih dan thik chu ka tum ve ta zawk a, thlarau thianghlim pawh chawh hahdam pawh chu ka tum ta lo, indona chu beih ka tum ve ta zawk a.

Eng ang indona nge ni ang ?

Lung ina kan awm lai khan Kristiante chuan kan hmelmate tan kan tawngtai thin a, an thlarau chhandamna chu kan duh ber a ni thin a, chhandam an lo nih chuan lawm pawh kan lawm thin.

Mahse communist sual dan zawng zawngte chu ka hua a Chanchin Tha thiltihtheihnaa tichhe thei awm chhun Underground Kohhran chu tihchak ka duh a ni. Rumania ram chauh hi ka ngaihtuah a ni lo, Communist ram zawng zawng ka ngaihtuah a ni.

Khawthlang ka lo thleng a, an lo ngaihthah hle si.

Khawvel hrang hranga lehkha ziak mite chuan Saniavski leh Daniel chu anmahni mi leh sa ngei ngei lung in tâng tura an tih chungchangah khan an vuipui huai huai a. Amaherawhchu Kristiante an rinna avanga lung ina an khung chuan Kohhran meuh pawhin an vuipui ngai si lo.

Brother Kuzyck pawh Kristian lehkha, inserhna bu te leh Bible phek pawh thlakte a sem avanga lung ina an khung khan tunge vuipui? Brother Prokofiev pawh sermon ziak a sem avanga lung ina an khung khan tunge hriat pawh hre duh? Tunge Hebrai Kristian te pawh hi hre reng reng a, Grunvald pawh sermon ziak sem vanga an tantir a a fapa an lak bo sak khan tunge vuipui? Ka fapa Mihaiia lak ata min lak bo laia ka rilru kha ka hre reng a Brother Grunvald te, Ivanenko te, Granny Shevchuk te, Taisya Tkachenko te. Ekaterina Vekazina te, Georgi Vekazin te. Latvia rama Pilata te nupa te leh martar dangho reng reng pawh an tuar dan ka hre thiamin ka tuarpui tak meuh a ni. Kristian hmasaten an thiante ramsa kawlh laka an paih dawna an khaidiat an lo fawh sak ang khan heng mite khaidiat hi ka fawhsak a ni.

Khawthlang Kohhran zawngin engah teh vak an ngai lo An tawngtainaa an dilsak turah martarte hming a tel ngai lo. Russia ram Baptist leh Orthodox Kohhran hruaitute, anmahni mite ngei ngei heka phatsantute chu New Delhi ah te, Geneva ah te chuan

chawimawina nen an lo lawm a. Chutah chuan anni lahin Russia ramah sakaw biak chungchangah zalenna famkim an nei ti tein an la sawi tak deuh a.

World Council of Churches hruaitu pakhat phei chuan bolshevik archbishop Nikodim an chutiang thu a sawi lai chu a lo fawp hial a nih kha. Chutah World Council of Churches hmingin ruai ropui tak an han theh lehngal a, chutih lai chuan Russia ram lung in tam takah chuan Kristian lung in tangte chuan an'am zikhlum te an lo hel ei hawng hawng si a.

Hetiang ngawt hi zawng a ni reng thei lo vang. Heng thil avangte hian Underground Kohhran chuan kei hi a theih hram chuan lo chhuka thil awm dante rawn hrilh tur che uin min ti a ni.

Tichuan communist mihringho chu hmangaih teh mah ila communism hi zawng sawi chbiat ka tum a ni. Thenkhatin Gospel thu chauh hi hril rawh' te min han ti thin a police ruk te pawhin Krista thu chu hrila communism thu chu sawi tel lo turin min ti asin. Kei zawngin communism sawi chhe tel lova Chan chin Tha hril hi theihin ka hre lo. Chuvangin Chanchin Tha hlang ngawt hril tura min titute hi chuan police ruk te rilru put ang an pu niin ka hria a ni.

A nih leh Johana khan Chanchin Tha hlang hlak em ni a zirtir? 'Sim rawh u vanram chu a hnai tawh e' tih loh pawh kha a sawi asin "Heroda, nang zawng i sual a ni' te pawh a tih kha Chung avang te chuan a nih kha a lu pawh an tansak ni, Isua ngei pawh khan tlanga a thusawi mai bak te pawh, Kohhran hruaitu thenkhatin negative sermon an tih tur ang chi te a nih kha a sawi. "Lehkha ziaktute leh Pharisaite bumhmangte u, in chung a pik e... ..rul thlahte u," te a ti a, chung avangte chuan ani pawh khenbchin a awm ta a nih kha. Tlang chung a thusawi ngawt kha zawng Pharisaite pawhin an ngaimawh kher lo vang.

Sual chu a hmingin kan ko mai tur a ni Communism pawh hi khawvela sual hlauhawm ber a ni.

Communism sawichhe lo tawh phawt chu Chanchin Tha tak a ni lo tihna a ni. Kohhran inthup pawhin an nun leh zalenna hial pawh chhan huamin an sawichhia a ni. Khawthlangah phei chuan kan bengchheng zual sauh tur a ni.

“Anti communist” an tih thin ang ni lem lo hian communism chu sawichhiat ka tum a ni. Hitlera kha anti communist a ni a mahse ani kha zawng khua leh tuite rap bet chi a ni si. Sual chu kan hua a, sualtitu erawh chu kan hmangaih a ni.

Khawthlanga Ka Hahna

Khawthlangah hian communist kuta ka awm lai aiin ka hah zawk.

Ka hahna pakhat chu Kohhran inthup leh a mawina sawi hleih theih loh chu ka ngai a ni.

Communist ramah chuan Mihring Fapa leh A mite chuan lu ngahna hmun an nei lo Chutah chuan Kristianten in an sa lo. Eng atan nge ni ang? Lung ina an tan veleh an lilam leh tho tho dawn si. In thar i lo neih phei chuan i in thar duh vang ngawt pawhin an rawn man mai thei che asin. Chutah chuan Krista zui turin i pa thi chu i phum zetin i chhungte chu tawngkam thain i thlah kher lo ve. Tunge i nu leh i unaute chu? Hetih kawngah hi chuan Isua ang i ni a. I nu leh i unaute chu Pathian duhzawng titute chu an ni mai. Movin moneitu a phatsan a naupangin nu leh pa an phatsan a. nupuiin pasal a phatsanna ramah chuan thisen zawmpui kan tih ang te hi chu engnge a awmzia ni ta ang? Thlarau lama inzawmna chauh hi inzawmna tak tak chu a ni

Kohhran inthup chu rethei tak leh tuar nasa tak an ni, mahse vawt si lo lum si lo member pakhat mah an awm lo.

Kohhran inthup inkhawm chu tun hma kum sangkhat leh zakaw laia Kohhrante inkhawm ang a ni. Tuman sakhaw thu hi an hre lua lem lo. Peteran a hre

lo ang bawk khan sermon dan kalhmang tuman an hre lo Pentikos nia Petera sermon te kha Pathian thu zir mite chuan exam ta se mark an pe chau hle ang. Communist ramah zawng Bible te hi a vang bawk a, Bible changte hi an hre em em lem lo. Chu achhapah thuhrlitu tam takte chu Bible hmuh tur reng reng awm lohnaa lo tâng chhuak hlawl te an ni thin.

Pa an rin thu an sawi chuan awmze tam tak a neia Lung inah te chuan Pa engkim ti thei hnenah chuan ei tur ni tinin an dil a, an bmuh tawkerawh chu anam zikhlum tenawm sawi hleih theih loh a ni thin. Chuti chung chuan Pathian chu hmangaihtu Pa nion an ring tho si Joban Pathian chuan amah chu rawn tihlum dawn pawh ni se Pathian chu rin tho a tum ang kha an ni. Kraws-a lsuan a tuar laia Pathianin a kalsan ta anga a lan lai pawha 'Ka Pa' a la ti tho ang kha an ni ber mai.

Kohhran inthup mawina lo hmu tawh tan zawng khawthlang Kohhran ruak takah hi chuan lungawi ngaihna a awm mawlh lo a ni

Khawthlang hmasawwna hi a thi mek nia a lan avang hian communist ram aiin khawthlangah hian ka hah bawk a ni Tunah hian Europe ram chanveah chuan democracy hi a thi ta a, Cuba thlengin a thi tawh a ni. A bak lah chu an muthlu si.

Communist erawh hi chu a muthlu ve si lo. Keini Kristiante zawngin a chanve chauhin thudik hi kan tan a, anni communist ho chuan dawt chu an thinlung zawng zawngin an tan si. Hetih lai si hian khawthlang Pathian thu thiamte chuan thil ho mai mai thu an sawi si.

Kum 1493-a Mohamet II an Constantinope khawpui a huala, Balkan ram pumpui chu Kristian hnuaiah nge a awm dawna Mohammedan hnuaiah tih ngaihtuaha tan lak a tul laia an Kohhran hotuten : Nula Thianghlim mit hi eng rawng nge tih te, Angele hi mpa nge hmeichhia tih te. Tui thianghlimah hian tho lo tla ta hlauh se, tho chu a thianghlim ta ang nge,

tui thianghlim chu a bawlhhlawh ta zawk tih te an lo ngaihtuah mai mai lai te pawh kha ka hre chhuak thin. Titi mai mai pheii zawng a ni mai thei a, mahse tun laia Kohhran chanchin bu tam tak hi en mah teh u thu ho mai mai an sawi a, communism hlahawmzia leh Kohhran inthup tuarna te chu sawina reng a awm ngai lo.

Pathian thu chu sakhwana lam leh puithuna thil mai mai chu tawpin tai nei lovin kan sawi si. Biak dan kawng hrang zeuh zeuh lo ngaimawha mahni ngaihdan lo vulpui hluai ai zawngin Kohhran pawl zawng zawng zalenna tur ngaihtuah hi a pawimawh zawk a ni.

Isua chuan, 'Thudik chuan zalenin a siam ang che u,' a lo ti a. Chu zalenna chauh lo chuan thudik chu a pe thei lo ve leh a. Chuvangin thil tenau pawimawh tham lo buaipui mai mai lovin communist rahbehna hnuaia ata chhuaka zalenna awm theihna turin kan inzawm khawmin kan bei zawk tur a ni.

Thir Bang phena tuarna zual deuh deuh chu ka tuarpui avangin ka hah bawk. Heng tawrhna zawng zawngte hi ka lo tawrh tawh hnu a nih avangin ka hrethiam a ni.

Nikum June thla khan Soviet chanchin bu I zvestia leh Derevenskais Jizu chuan Russia rama Baptist Kohhran chu sual thawi nana an fate that turin an mite an zirtir tiin a puh a. Hmanlaia an lo puh tawh thinna ang kha a ni.

Kum 1959 khan Rumania rama Cluj khaw lung inah Lazaravici nen kan tang dun a. Hmeichhe nau-pang thata puh a ni. Kum sawmthum mi lek a ni chungin an nghaisak nasat em avangin a samte chu a tuak zo tawh a, putar ang mai a ni. A kutzungtangte chuan tin alawi a nei tawh lo, a tih loh pui sual tia inpuang tura an duh avangin an phawisak zo tawh a ni. Kum khat zet nghai sakna a tuar hnu chuan a thiam thu hriat a ni ta a, an chhuah ta a. Mahse ani tan zawng zalenna chu engmah a ni tawh chuang lo, a lo chhiat tawh tho avangin.

Soviet chanchin buin Baptist Kohhran a puhna pawh chu thenkhat chuan an nuih mai ang a, mahse kei zawng a awmzia ka hriat chian tawh em avangin ka nui thei lo.

Russia rama Kaluga khaw archbishop Yermogen te. chinghne vuna intuam archbishop Nikodim leh Alexei tih dan duh lova zalenna sang zawk phuttu bishop pasariht ang te kha khawiahnge an awm tak? Rumania ramah he mite tih ang bawk ti ve bishop tam tak lung ina an thi lai ngei lo hmu tawh hlah lo ila chuan khing mi thianghlimte pawh khi chuti tak chuan ka ngaihtuah bik lo mai thei e.

Rawngbawltu Nikolai Eshliman leh Gleb Yakumin te pawh kha sakhaw biak thua zalenna an phut avangin an 'thunun' a nih kha. A lang a pauvah zawng a na hlei nem. Mahse chu 'thununna' chu nghaisakna leh vuakna leh hrai ruihna te a ni tih hriat chuan an ngaihtuahawm hle mai.

Communist hnuaiia tihduhdahte ka ngaihtuahin ka khur a a tiduhdahtute hmabak tur ka ngaihtuahin ka khur bawk thin. Tin, khawthlang Kristianho an unaute tihduhdaha awmte tanpui tum hlek lo ka ngaihtuah hian ka khur bawk thin a ni.

Mahnia chawlh hahdam chu duh teh mah ila ka chawl thei lo, ka bei zel dawn a ni, ka taksa tan hlahawm hle mah se. Ka bo chuan communist hovin min ru bo a ni ang. Kum 1948 ah khan min ru bo tawh a, lung inah min khung a. Sweden ram palai Sir Patrick von Reuterswaerde chuan ka tan laia kan ram Secretary of State, Anna Pauker hnea a va len chuan. "Aw, Wurmbbrand chu tunah hian Copenhagen khawlaiah a leng theuh theuh ang chu" tiin a lo hrilh a. Mahse eng maw ti tia ka thawn ruk ka lehkha chu chutia a lo hrilh lai chiah pawh chuan Sir Patrick chuan a ipteah a ak reng si a, dawt a lo hrilh a ni tih chu a hria. Chutiang thil chu awm leh mai thei a ni. Ka lo tualthi a nih pawhin communist mi rawih thah ka ni ang, tumah dangin min thah an duh si lo va

Hming chhiatna chi hrang hranga ka lo than pâwhin communist ho tih bawk a ni ang.

Mi rinawm tak leh hre ngei turin min brillh danin Rumania ram communist chuan America ram Senate hmaa thu ka sawi hnu khan min tihhlum an tum tih min brillh a. Ka taksa thah emaw ka hming tihchhiat emaw an tum ang. Rumania rama ka thian duh tak takte vauvin leh tawktarha hmangin min la bei ang. Thil ti thei tak an ni.

Mahse ka ngawi mai mai thei lo a ni. Chhiartu, nang pawh ka thu sawite hi a dik leh dik loh ngun taka lo en chu i tihtur a ni ve asin. Khawthlang hi a muthlu a kaih harh a hun a ni.

Tuarna han neih hian mawhpuh tur zawn mai hi awl tak a ni a, mahse tumah leh khawi Kohhran mah ka puh lo communist rama kan tuarna chungchanganhian. Sual chu upa tak a nih avangin tun laia tuarna te hi a bul chu tun hnai mai thil a ni lo. Khawthlang Kohhran inkhawmpui tam tak ka kal venaah chuan Bible-a khawvel siam dan ziate hi a dik lo ve. Isua thawh leh thu pawh tih mai mai a ni e tih te mai mai an sawi ka hria. Chutiang Kohhranah te chuan tunge tinuam thei ang?

Vawikhat chu Rumaniaah Orthodox puithiam communist mi ama beramte ngei phatsan thin hi ka hmu a. A kut dawm reng chung chuan fapa tlanbo thu kha ka hrilh ta a. Ama huan chhungah a ni a. Pathianin mi sual simte chu hmangaih taka A lo lawm dân hi en teh. Bishop meuh pawh ni se a sual a sim phawt chuan A lo lawm duh asin, ka ti a, Kristian hlate ka sakpui a. A piangthar ta a.

Orthodox pui thiam bawk lung inah ka tanpui a. Ani chuan chhuah a beisei avangin Pathian awm lo thu a ziate vak mai a. Mahse kan titi dun ta a, chumi zawhah chuan a lehkha ziah sa pawh chu a pawt chhe leh ta vek a chhuak tawh ngai lo tura tân pawh a huam ta zawk a ni.

Mihring tum ber tur chu Krista ân a ni. Communist

tum ber chu he mi dal hi a ni. Communist ramah chuan mi pakhat pawhin Alfred Adler ziah, Individual Psychology tih hi a lo chhiar avang ngawtin lunginah an khung a ni. Individual (mi mal mal) tih tei vet mai, a haho tih tur alawm an ti. Mi mal kan nihna theuha kan nihna hi a ni communist chuan tihchhiat a tum ni. Krista pawh khan kan mi mal nihna theuha kan awm dan hi a ni a duh ni. Chuvangin communist nen zawng Kristiante hi thu lai tanin kan awm thei lo reng reng a ni. Kauka i Religia (Science and Religion) an tih chanchin buah chuan, "Sakhua leh communism hi zawng an awm dun thei lo. An inhal tlat a ni.... Communist programme pawh hi sakhaw bo a tura ruahman a ni... sakhaw phuarna ata mite chatuana an chhuahna tur, sakhaw nei lo society siamna tur programme a ni," zuk han ti a.

Chuti ni siin communism leh Kristianna chu a awm dun thei dawn em ni reng ?

BUNG 5

Kohhran inthup thu lamah lo lut leh ila,
Harsatna hnuai a thawk an ni a. Communist ramah
chuan Pathian awm rin lohna hi an sakhua chu a ni mai
a. Upa lam chu an rin ang ang rin zel an phalsak a ni
mai a, mahse naupang chuan an **ring** tur a ni lo. Cine-
ma te, radio te, theatre te, Chanchin bu te hi Pathian
rinna tur tichhe zawng veka buatsaih an ni.

Khutiang sawrkar lian leh chak han beihna tur
hmanrua chu an nei tlem hle. Kohhran rawngbawltu
tam takte chuan Pathian thu zirna an nei lo. Chutih
ahnekin pastor si Bible la chhiar ngai hlek lote pawh an
awm.

Tam tak an nemngheh dan te chu mak angreng tak
a ni. Russian naupang tak pastor hi ka hmu a, tunge
nemnghet tih ka zawt ta a.

'Min nemnghet tur bishop tak tak kan nei lo va
Kohhran pangngai bishop lah chuan communist remtih
pui chauh lo chu a nemnghet duh si lo va. Tichuan
keini Kristian naupang te te sawm chu kan bishop
hmana martara thi taa thlanah kan va kal a. Kan zinga
pahnih chuan a thlan lung chu kan dawm a, a dangin
thlan chu an dinhual a. Thlarau Thianghlim chu min
nemnghet turin kan dil ta a. Isua kut hliam ngei khan
min nemnghet a ni tih kan hre mai a ni,' tiin min
chhang a ni.

Kei ka tan chuan he tlangval nemnghehna hi Pathian
hmaah pawh tling zanin ka hria.

Chutianga nemngheh leh Pathian Thu zirna pawh
nei lem lo Bible thu hre tlem tak takte chuan Krista
hna chu an thawk zel a ni.

Kohhran inthup chuan biak in tha pui puite kan nei
ve lo. Ramhnuai a kan inkhawm ruk thil aia van kan
en thin aia biak in ropui a awm thei dawn em ni?
Savate chuan kan zai chu rimawiin an lo rem a, hnim

rintui tak takte chu kan rintui hlanah an chang a. Puitiam kawrfual ropui tak tak ai chuan martar kawrchung tet hrip hrep pawh chu a mawi zawk a. Arsite leh thla khi kan khawnvar an ni a, angelten min rawn chhitsak thin a ni.

He Kohhran mawizia hi ka sawi zo thei dawn lo.

Chutia a ruktea kan inkhawm ban veleh mana lung ina khung nghalte pawh kan awm fo thin a. Kawlte leh thirkhaidiatte chu Kristiante chuan movin a pasal tur pek, lung mawi duh tak leh lawm taka a bun thin angin kan bun thin. Lung inahte chuan tui chu a mam a ni. Amah ngei chuan a lo pawmin A lo fawp che a, i dinhmun chu lal nen pawh inthleng i phal ngai lo vang.

Underground Kohhran chu rahbehin a awm a, mahse thin tam tak a nei si. secret police ruk leh sawrkar hnathawk zingah ngei pawh. A chang chuan heng a ruka ringtute hian Underground Kohhran chu an hum thin.

Tun hnai lawk khan Russian chanchin bute chuan 'a lang a pauva ring lotute' pun zel thua vuithu an chhuah hlawm a. Anmahni Russianho ngei sawi hman-gin chutiang mite chu communist nia lang si, a ruka **ringtu** Kohhran inthup memberte an ni a sawrkar office ah leh Propaganda deparment-ah te leh ram tinah an pung sawt hle niin an sawi a ni.

Communist chanchin bu ngei chuan hmeichhe pakhat, communist propaganda deparment a thawk chanchin a sawi a. A hnathawh ban hnuin a pindanah chuan a pasal nen an inhmu thin a, tichuan an vela mi dangte chu sawm khawmin an pindanah chuan a ruka tawngtaina leh Bible zirna inkhawm an nei thin a ni awm e. Communist ramah chuan chutiang vek chu a ni. Communist ram tinah hian 'a lang a pauva ring lotute' chu sang tam tak an awm a ni Kohhran pangngai, communist-ho thu thua awmte bula mi tin hmuh theiha inkhawm loh mai chu fel zawkin an hria a. A ruk tein an dinhmun sang tak atangte chuan

Krista rawng chu an bawl thin a. Kohhran inthup chuan chutiang member chu tam tak a nei a ni.

Russia ramah chuan nau pang baptis leh upa baptis tih te, pope thil tih soal theih leh theih loh mai mai hi tuman an sawi an sawi lo. Kum sang rorel hnu leh hma thu an sawi an sawi hek lo. Thu hril lawkte chu an hrilhfiah thiam lo va, an inhnialpui vak vak hek lo. Mahse Pathian awm ring loho bula Pathian awmzia an tih fiah thiamzia chu mak ka ti thin a ni.

Pathian awm ringloho an chhanna chu mawlte mai a ni. "Sa chi tinreng awmna ruai kil tura sawm ni ta la, a lo siamtu tumah an awm loh i ring thei dawn em ni? Khawvel hi kan tana ruai ropui tak siam chu a ni si a! Tomato i nei a, thei chi tinreng i nei a, bawngnhute leh khawizu nen. Heng thil zo zai hi tunge lo siam a? Hetiang kan mamawh tur ngei ngeite hi khawvel hian ama thuin a lo siam puitling thei dawn em ni?"

Chatuana nunna pawh a awm tih hi anfiah thei a ni. Pakhatin a sawi lai ka hre tawh a: "Nausen hi nu pum chhunga a awm laiin be thei ta ila, pum chhunga a nun chu tawite a ni dawn a, a hnu lawkah nun tak tak chuan a zui dawn a ni tih hrilh ta ila. nu pum chhunga nausen chuan engtingge tia i rin? Hremhmun leh vanram thu kan hrilh che u a, nangni Pathian awm ring lohovin min chhan ang bawh hian min chhang ang. Nu pum chhung nun chu nun awm chhun a ni a, a hnu lam nun reng reng chu sakhaw neiho atbur lek a ni an ti ang. Mahse chu nausen chuan ngaihtuah thei se chu, "Hei bante chu an lo chawr chhuak ngawt na a, phar pawh ka phar thei si lo va, ka mamawh lo ve. Engtiziaa chawr pawh lo chawr chhuak ngawt nge maw ni le? A, nakin lama ka la hman tur a ni ang chu maw! Kete lah chu an lo chawr chhuak ve bawh a, thluan pawh ka thluang thei si lo. Engahnge maw an lo chawr ve ngawt chu aw? Nakin lamah hengte hian ka la kal dawn a ni ang chu maw! Thimin min hual khup chungin mitte chu ka nei anglawi si a, Hetiang thimthamah te chuan mit hmanna awm hlei lo hi ka va mamawh hlei lo em!"

Engtiziaa mitte lo nei ngawt nge maw ka nih le? A, khawvel eng leh rawng mawi tak tak awmna hi a lo la awm dawn a ni ang chu maw! a ti ang. Tichuan pum chhunga nausen chuan ama than dan te chu hre thiam se chu hmu kher lo pawhin a nu pum ata a, chh-uah huna a nun tur te pawh chu a hre thei ang. Keini pawh chutiang chu kan ni. Kan naupan lai chuan kan tha a za a, rilru hman dik dan erawh chu kan hre lo. Kan lo upi deuh a, hriatnaah leh finnaah kan thanng zel a, hlang chuan thlana min hruai turin min nghak reng a. Chuti si hriatna leh finnaa chuan hman theih tawh tur hleihloh engvangin nge kan than zel si? Engvangin nge pum chhung nausen chuan bante, kete a neih? A hnu lam nun atan a ni. Keini pawh chutiang chu kan ni. Nakin lam atan hriatnaah te, finnaah te chuan kan thanng a ni. Thih hnua nun sang zawka nunga rawng bawl turin kan inpuahchah a ni."

Krista chu communist-ho chuan a awmin a lo la awm ngai lo reng reng an ti a. Hei pawh hi Underground Kohhrana rawngbawltute chuan awlsam tein an chhang leh mai: "Kha i iptea i ah kha eng chanchin bu nge? Vawina mi nge nimina mi? Khawinge ka'n en teh ang. A January ni 14, 1964 a nih hi. He 1964 hi engtik atanga chhiar nge? Awm pawh awm lova pian ni atangin maw? A, awm lo i ti a, mahse A pian ni atangin hun chu i chhiar lawi si. A lo pian hma pawhin hun pbei zawng a awm meuh mai, mahse chutih lai hun zawng tih mai mai a ni a, mahse A lo pian chuan hun tak tak chu a intan ta a ni. Hei, communist chanchin bu ngei hi Isua chu phuahchawp a ni lo tih fiahna a nih hi."

Kohhran inthup inthupna chin leh inlanna chin hi thliar chiah theih a ni lo. Pastor thenkhat chu Kohhran pangngaia pastor hna thawk thovin communist ho rem tih chin bakah Kohhran inthup ah nasa takin rawng an bawl tho a. Inthup leh inthup lo Kohhran chu ainherh chial a ni.

Kohhran pangngai communist hovin an pawm zawk

hian chanchin thui tak a nei a. Russian Socialist Revolution atanga "Kohhran Nung" an tih Sergius hova lo intan tawh a ni.

Chu "Kohhran Nung" chuan Moscow khawpuiahng-ei, "Kan tum ber chu Kohhran din thar ni lovin tih bo leh sakhaw nuai bo hi a ni," tiin a puang a ni. Kohhran programme atan chuan a mawi teh e!

Ram tinah hian chutiang Sergius chu kan nei theuh mai. Hungary rama Catholic zingah chuan Fathar Balogh a ni a. Ani chuan Protestant thenkhatte nen chuan communist-in an ram an lakna tur kawngih chuan an pui a ni.

Rumania ramah chuan tun hma lama Facist ni thin, Orthodox puithiam Burducea tanpuina zarah communist chu an lo lal a, communist-ho tihlungawi a tum luat aleiah anmahni communist ho ai aiin a kawhsen a ni Soviet Secretary of State, Vishinski bulah a ding a, communist sawrkar an rawn din tirh laia Vishinski-an, "He sawrkar hian lei pialral a siam dawn a, van pialral chu i mamawh tawh lo vang," a tih lai chuan a lo nui vavr vavr a nih kha.

Russia rama Archbishop Nikodim chungchangah chuan record fel tak a awm. Secret police ni thin, Russia ram tlan chhuahsan ta, Major Deriabin khan Nikodim chu secret police agent a ni tih a sawi kha.

Hetiang hi Kohhran pawl tin kan ni deuh vek mai. Rumania ramah leh Russia ramah chuan Baptist Kohhran hotu chu Kohhran duhzawng ni lo, Communist-ho duhzawng mi ruat a ni a. Rumania rama Adventist-hi president Tachici chuan amah ngeiin communist an lo len ata secret police hnena mi hek hmang a ni tih min hrilh bawk.

Communist ho chuan an lo len tir chuan fimg takin biak in leh Kohhran zawng zawng chu hup bet mai lovin, tam tawk tak chu khar mah se, a then chu Kristiante chezia an thlir theih nan leh khualzin hnena lo entir khawmawi atan an zuah a. Mahse chungte

chu Kristiante leh Kristianna chhut chhiat nana hman an tum a ni.

Mak tak zawng a ni. An thiante ngei ngei hêk hmangte pawh chuan thu chu an hril tho va, an thuhrihlah pawh Bible thu tam tak a awm ve tho. Tin, mi hek hmang thusawi a ni tih hre reng chung leh, a lo pianthar vaih chuan communist hnenah thuhritu ngei chuan a hek nghal an tih hre reng chungin an piangthar tho a ni. Heihi Leviticus Bung 11 a Pathianin awmze nei taka A lo sawi, "Tin, chi chin tur reng reng chu an ruang a englai pawhin lo delh ta ang sela, a bawlhhiawh lo va," ang kha a ni.

Amaherawhchu chung Kohhran hruaitu leh sawr-kara mi lian zawng zawng chu communist an ni kher lo thung.

Kohhran ding lai erawh a tlem sawt hle. Russia ram pumah hian Kohhran sangruk bak a awm ka ring lo. USA-ah chuan mi tam lam inang reng si Kohhran nuaitum a awm. Kohhran han tih pawh hi communist ramah chuan in tetaktea inkh awm let let ni a hi deuh ber. Chu pawh chu mel 80 zel danah pakhat pawh a la awm lo lehngal.

Russian communist zingah chuan mi za zela sawm-riat pawhin in-khawmna an nei zo lo. Heng mite hi theihngihln mai kan tum a nih si loh chuan Underground Kohhran atang tal hian pawh kan tum tur a ni. Kawng dang a awm lo.

Communist ram chuan hma a sawn nasat poh leh Kohhran chu a inthup (underground) nasa ve mai dawn si a.

Biak in an kharsak tawhahte chuan Sakhaw dodalna inkhawm an nei tlut tlut mai a ni.

Kohhran Inthupin Pathian Awm Ring Loho Thu Ziaku An Inchawm Dan

Eliza chu mulukawlhthen an chawm ang khan Kohhran inthup te chu Pathian awm ring loho lehkha

ziakin an inchawm thin. Bible chângte sawisel hi an uarin chutih kawngah chuan thahnem an ngai em em mai a. 'The Comical Bible' (Bible Nuihzatthlak) te. 'The Bible for Believers and Ubelievers (Ringtu leh Ring lotute tana Bible) ti tein a buin an chhuah thin a. Bible thute chu atthlak mai mai a nihzia entir tur chuan Bible changte chu ziah tel a lo ngai ngei a. Keini lawmah a lo tla ve thung a. An sawisel dante chu â tak tak a nih thin avangin tu khaw han rin chi ni hek lo Copy tam tak tak an chhu si a Bible chângin a khat hi a ni mai a, keini tan chuan a mawi êm êm thin a ni, a ziaktuten nuihzabur atana ziak mah ni se. Bible changte chu amah ramhuai ngei pawh in sawi mah se a dikna chu tibo chuang hek lo.

Chutiang lekhhabu chhutute chuan an lekhabu chhutte chhut belh leh tura ngenna an hmuh changte chuan an lawm thei em em thin a an chhut belh thuai thuai thin. Mahse chutianga rawn ngentute chu Undeaground Kohhran mite an ni si thin. Chutiangte ngawt lo chuan Pathian thu mite hnena thehdarh dân nei mawlh si hek lo.

Pathian awm ring loho inkhawm lo chhawr dân pawh kan hre bawk.

Inkhawmna chutianga chuan communist Professor pakhat hian Isua kha dawitbiam bak nihha engmah a nei lo e tih entir tumin thil a ti vel a. Bêlah hian tui a inchawp a. Chu tuiyah chuan thil dip hi a han thlak a, tui chu a lo sen ta vek a. "Heihi thilmak chu a ni mai alawm. Isua pawh khan a kawr banah hetiang thil dip hi a thukru a, maksakhaia mi ngaih tur khan tui chu zu-ah chantir ta angah in sawi a. Isua ai chuan ka thiam daih ang chu, he zu hi tuiyah ka chantir leh thei asin, "a han ti a. A thil dip ah chu tuiyah chuan a han thlak leh a, tui sen chu a lo var leh ta a. Dip dang chu a han thlak leh a, a lo sen leh ta a.

Kristian pakhat hi a lo ding chhuak ta a. "Comrade professor, i thiltih chu mak kan ti kher mai. Thil pakhat chauh erawh chu kan zawt ang che: Tui

zu-a i siam tak kha tlemte tal han in teh," a rawn ti ta a. Professor chuan, "Chu zawng ka ti thei lo, tui hi tûr a ni tlat mai," tiin a lo chhang a. Kristian chuan "Chu chu Isua leh nang in dang-lamna chu a ni. Ani chuan tui zua A siam chuan hei kum sanghnih dawn lai min lo tihlim ta a, nanga siam ve chu tûr lek a ni si," a ti ta a. Chu Kristian chu lung inah a tâng ta rêng a, mahse chu thu chu a thang thui em em a, mite rinna a tichak a ni,

Keini zawng Davida anga naupang tetakte chak lo tak kan ni, mahse Pathian ring loho Goliatha aiin kan chak si, Pathian kan lama A ãan avangin. Thudik chu kan ta a ni.

Vawikhat pawh cammunist lecturer hian Pathian awm loh thu a sawi a. Thil siamna khawl hmun puia thawk zawng zawng chu ngaithla vek tura tih an ni a, chung zingah chuan Kristian tam tak an awm ve a. Pathian dodal zâwng â ãanchhan leh Isua rin âthlakzia a sawi zawng zawng chu ngawi rengin an ngaithla a Sawitu chuan thlarau khawvel awm lohzia te, Pathian awm lohzia te, Krista awm lohzia te, nakin hnu lam awm loh thu te, mihriug chu 'matter' mai an ni a, thlarau an neih loh thu te a sawi zel a. Khawvelah hian 'matter' chauh a awm a ni tih chu a sawi nawn sek mai a.

Kristan pakhat a lo ding chhuak ve a, thu sawi a dil ta a. An lo phalsak a. Chu Kristian chuan a thut-thleng chu a la lawk a, a paih ta ãthuai mai a. Ngawi reng hian a thil paih chu a han en vang vang a. Communist lecturer lam pan chuan a phei ta a, a biangah chuan a va beng ta sawk mai a. Lecturer chu a thinrim em em mai a, a sen ãan ãan mai a. A ãawng chhe hriat zawng zawng chuan a âng chhuak a, communist dang-hote chu chu Kristian mana lung ina khung tur chuan a au ruai mai a. "Engtiziala min han beng ngam ngawt nge maw i nih chu le? Engnge a chhan?" a ti thâr thâr mai r.

Kristian chuan, "Tunah hian nangmah ngeiin daw

thei tak i nih i rawn finfiah ta chiah a ni. Thil engkim hi 'matter' vek a ni a, 'matter' lo chu thil dang engmah a awm lo i ti zo chiah a. Ka t̄hutlhleng chu ka la a, ka pah t̄thuai mai a. 'Matter' ngei a lo ni a thin pawh a rim lo. Nang ka han ben che khan t̄hutlhleng ang chu i ni hlek lo mai. I danglam khawp mai. 'Matter' chu a thinrimin a a ve lo, nang erawh chu i thinrim a ni. Chuvangin Comrade professor, i tidik lo chhiava a ni e. Mihring hi 'matter' mai bak kan ni a, thlarau nei kan ni," tiin a chhang ta a.

Chutiang deuh chuan Pathian awm loh ringho chu Kohhran inthup te chuan an rinna thua chuan an chhal dang thin a ni.

Lung ina ka t̄an lain an political officer chuan, vin zet hian, "Eng chen nge i sakhaw atthlak tak hi zawm i tum?" tiin min rawn zawt a. Kei chuan, "Pathian awm ringlo hi an thih dawna inchhira, Krista ko leh ruai si hi chhiar sen loh ka hmu tawh a. Kristian, a rinna dik loh ringa, chu a rinna ata chhan chhuak tura Lenina emaw Karl Marx emaw ko va s̄awm tur hian suangtuah pawh i suangtuah thei reng reng em ni?" tiin ka lo zawt lehling a. "I chhang thiam kher mai a: "nuichung hian a ti vel a. Kei chuan ka sawi zel a, 'Engineer pawhin leilawn a dawhin zawhte a kal thei ta e tih vang maiin mihring tan chu leilawn chu a t̄ha tawk tihna a ni lo va. A t̄ha ngei tih fiah nan chuan rel hial a kal phawt tur a ni. Chutiang baw k chuan pathian awm ring lova i awma i nunah engmah tuan lohna a awm loh avang ngawtin i t̄ndan chu a dik tihna a ni lo. Mangan tak tak nikhuaah meuh zawng chutiang rinna chuan a dawl lo ang che, "ka ti a, amah Lenina ngei chu entirnan ka hmang a, prime minister a nih hnu pawhin thil a fel loh deuh apiangin a t̄awng t̄ai ziah a ni tih ka hrilh ta a.

Keini zawngin thil kal dan chu ngawi rengin kan thlir mai thei a. Communist ho erawh zawng an ngawi mai mai thei lo, sakhaw dodalna kawngan chuan nasa takin an t̄ang thin. Hei hian St. Augustine an

"Nangmaha chaw! lote thinlung chu an ngaih a ngam thei si lo va," a lo tih chu a tilang chiang hle a ni.

Communist-Te Ngei Pawh Hneh Theih An Ni

Zalenna rama Kristiante u Kohbran inthup hi in puih phawt chuan communist-te thinlung hi an hneh ang a, khawvel hi an tidanglam vek dawn a ni. Communist nih hi mihring pianphung kalh a nih avangin hneh an ni ngei ang. Ui takngial pawh hian ama puala saruh khel tur a duh si a. Chutiang bawkin communist-te pawh hi an thinlungtakah chuan an tih tur kawngah te, ring tura an tih, thil awm lo lutuk te hi an ning tawh a ni.

Communist-ten 'mihring hi thil eng eng emaw inchawpawlh atanga lo chhuak mi kan ni a, engkim hi matter vek a ni e' kan thih hunah chuan chi-ah te, thil dang dangah te chuan kan chang leh mai dawn a ni an han tih te chuan, "A nih leh communist ram hrang hrangahte hian engtiziaa miten an thil duhzawng avanga thih huam thin nge an nih? Thil (matter) inchawpawlh mai mai chuan duhzawngte a nei thei em ni? Chutiang thil mai mai in thil dang tan an nun an pe thei ngai em ni?" tia han zawh kir ve leh chuan chhan dan an thiam tawh ngai lo.

Communist rama zu ruihna nasatzia em em te hi engemaw tak zawng a awm a ni. Nun zau, zawk, communist-in a pek theih loh chu an duh a ni. Russian-ho pawh hi a tlangpui thuin mi thinlung lian leh thuk, rilru zau tak an ni. Mahse communism hi a pawnlangin a thuk lo si. Nunna thuk tak chu an zawng a, khawiah-mah hmuh tur a awm si lo va, zu inah an tlak thin a ni. Zu ruihna chuan mitkhapkar lek chu an nun pikna ata chu a han chhuahtir a, thutak chu hre thei se chu chutiang an chhuah lai ang reng chu an ni dawn si a.

Bucharest (Hungary khawpui) khuaa Russianho an lo luh lai khan tum khat chu khualbuka kal hi ka chak tlat mai a. Ka nupui chu kalpuiah ka sawm ta a. Kan va

luh chuan Russian captain hi silai kenga a laia lo dinga, a awm zawng zawng chu lo vauvin zu in leh tur hi a lo dil mek a. A lo ruih tawh êm avangin zu chu an pe leh ngam tawh si lo va. Mite chu an lo phili nasa hle tawh mai a. A neitupa chu ka hmelhriat a ni bawk a, ka va pan a, zu chu pe leh turin ka va ti ta a, tin, a in chung zawng thutpui ka intiam bawk a, a bengchheng tur pawh khap ka intiam a. Dawhkanah chuan ka nupui nen chu captain nen chuan kan thu thap mai a, no pawh pathum chu min chhawp a. Um hnih um thum lai chu anrawn chhawp bawk a, captain chuan hawihh-awm takin no thum chuan a han thli khat ziah a, mahse kei leh ka nupui chuan kan in loh avangin a no thum chuan a tlak leh mai thin a. A rui hle tawh mai a, mahse zu in thang a nih avangin a buai lem lo. Tichuan Krista chanchin chu ka sawi ta a, ka rin loh tak chuan a lo ngaihven êm êm mai a.

A tawpah chuan, "Khai le, tunge i nih min hrilh tawh bawk a, ka nihna ka han hrilh ve ang che. Orthodox puithiam ka ni thin a, rinna phatsan hmasa berte zinga mi ka ni, chu chu Stalina hnuaiia tihduhdah-na intan lai vel kha a ni. Khaw tin tlawhin Pathian awm loh thu ka zirtir a, puithiam ka nih lai kha chuan mi ka lo bum thin a ni tiin ka sawi zel thin a. Chutiang ka tih avang chuan min lawm viau mai a, secret police officer te hial min nihtir ta a. Keima kut ngeia Kristiante that tur chuan Pathian chuan min brem ta a. Tunah hian chung ka thiltihte chu theihnghilh tumin zu hi ka in ta a, mahse a sawt chuang si lo" a ti ta a.

Communist tam tak hian mahni leh mahni an intihlum fo reng a ni. An hla phuah thiam ber ber, Essenin te, Maiakovski te ang te kha an intihlum a nih kha. Thu ziak thiam Fadeev pawh, thawnthu 'Lawmna' tih a ziak a chutah chuan hlimna leh lawmna chu communist tana, bang lova thawh rim hi a ni a, tiin a ziak a. Amah chu a hlim khawp a, thawnthu ziah chu a ziak zo chauh a, a inkap hlum ta a nih kha. Chutiang dawt buru lutuk sawi zawng a inthiam thei

ngang lo a ni. Russia ram lal lal laia communist hruaitu Joffe leh Tomkin pawhin communism nihna tak an han hmuh meuh chuan an tuar lo va, anmahni an intihlum ta anih kha.

Communist-te hi an hlim lo. An roreltu ropui tak takte pawh hi an hlim mawlh lo. Stalina ngei pawh kha a hlim lo teh asin. Ama thian thate zawng zawng a thah zawh hnu kha chuan tûra hrai emaw tihlum ve emaw kha a hlau ta êm êm mai a. Mutna pindan pariat, thir tangka bawm ang maia kalh tlat theih a nei a. A khawi berah nge a mut thin tih tuman an hre ngai lo. Chaw tih lahin a chawchhumin a mithmuh lai ngeia a tem hmasak zet loh chuan a ei ngai hek lo. Communist hian tumah anmahni roreltute ngei ngei pawh a tihlim lo. Krista an mamawh a ni.

Communist-te hi kan hneh chuan mi dang an tihduhdahte chhan chhuak chauh ni lovin anmahni communist ho ngei pawh chu kan chhan chhuak dawn a ni. "Kan mite sal tâng chhan ngai ngawih ngawihthe chu tanpui la, Underground Kohhran hi tanpui rawh.



Kohhran inthup danglamna riau chu tihtakzeta an rinna hi a ni.

Rawngbawltu pakhat George inti thin chuan Kohhran inthup chanchin a ziahnaah chuan heti hian a ziak :

Russia sipai captain pakhat hi Hungary ramah Kohhran rawngbawltu pakhat hnenah a va kal a. Chu captain chu a la naupang viau a, Hungary ram an hneh hlim deuh a ni bawk a, hnehtu an nih inhre takin a chaltlai hle a. Rawngbawltu chu a fala hmuh a duh a, pindan pakhat hian an va lut dun ta a. Banga kiaws intar hi a han hmu a, "Khi khi dawt a ni tih i hria alawm maw?" a han ti phawt a, a sawi zel a, "Thing them mai mai nangni rawngbawltuhovin mipuite in hruai bova, a taka an awm reng theih nana in tih mai

mai a ni. Chung zawng zawng chu mihausate tana in tih a ni. Khai le, hei kan pahnih chauhvin kan awm bawka, inpuang mai rawh. Isua kha Pathian Fapa a nih i ring ngai lo reng reng a ni tih chu inpuang mai rawh," tiin.

Rawngbawltu chu a nui sak a, "Ka nau khawng-aihthlak, ka ring tlat si alawm. A dik si a," a han ti a.

"Chutiang mai maiin ka inbumtir dawn lo che a nia, thu pui a nih hi, khati'n min nuih mai mai suh," captain chuan a han ti leh khar khar a. A puakruk a phawi a, rawngbawltu chu a hawlh ta ran mai a.

"Dawt a ni i tih loh chuan ka kap dawn che a ni," a han ti leh a.

"Chu zawug ka ti thei lo va, a dik tlat si a. Kan Lalpa hi Pathian Fapa a ni tak meuh asin," rawngbawltu chuan a ti leh mai a.

Chu veleh chuan captain chuan a puakruk chu chhuatah chuan a pah dawrha, rawngbawltu chu mittui tla zawih zawihin a kuah ta vawng vawng a. "A dik a ni, a dik a ni, kei pawhin ka ring a. Mahse chu thudik chu miin an thihpui ngam tak tak nge ngam tak tak lo keimah ngeiin ka hriat chhuah hma chuan ka ring chiah ngam lo va. Ka va lawm em! Ka rinna min tihchak sak nasa ta hle a nih hi. Tunah chuan a tihdan min entir ta bawka, Krista tan chuan ka thi thei ve tawh ang," a ti ta a.

Chutiang deuh chu kei ngei pawhin ka hria Rumaniaa Russianho an lo luh tih vel khan Russian sipai pahnih chu silai kengin biak inah an lut a. "Nangni rinna hi kan rinpui ve lo a che u. Nangni pawh hi he rinna bansan vat lo apiang chu kan kap dawn che u a ni. Bansan tur apiangchu ding lamah hian kal hrang rawh u" an ti ta mai a. A thente chu an kal a. Chungcho chu haw turin an tir ta a rang fahranin an haw ta reng a. Chutia an rin bansan duhte haw hnu chuan Russian sipaite chuan mi dang la awm zawng zawng chu an kuah a, "Keini pawh

Kristian kan ni a, mahse he rinna thihpui ngam chauh nena inpawl kan duh a ni.' an ti ta a.

Chutiang mite chuan kan ramah chuan an bei zel a, Chanchin Tha tan chauhva thawk lovin zalenna atan pawh an bei nghal bawk a ni.

Khawthlangah zawng radio-ah te khawvel zai in ngaithla thin a. Keini inahte chuan chutianga kan tihrik ve pawhin kan inkhawm thawm chhilhtu atan a ni kan tihrik ve chauh thin. Khawthlang Kristiante a chang changa an han hmuh te hian an va lawm thei tak em !

He lehkhahu ziaktu hi zawng engmah lo mai ka ni, mahse aw nei thei lo khawpa rahbehte aw ka ni a, hupbehte leh aiawh pawh nei thei lote aw ka ni a. Chungho hming chuan rinnahtitakzeta awm tur leh Kristianna hi dimdawi taka enkawl turin ka ngen che u a. An hming bawk chuan communist rama Kohhran inthup Chu tawngtina leh tih tak taka tanpui turin ka ngen che u a ni.

* * * *

Communist chu kan hneh ang. Pakhatnaah chuan Pathian kan lama a tan avangin.

Pahnihnaah chuan an thilung chhungril bera an duhzawng thu kan thlen avangin.

Nazi hnuaia communist lung in tangho tam takte chu an hun harsat lai chuan an tawngtai thin a. Officer thenkhatte phei chuan an thih dawnin 'Isu, Isu,' tiin Isua hming an lam thin a, keimah ngei pawhin chung chu ka hmu

Communist chu kan hneh ang. Tunah hian Kristianna lam thil ziaik thar han khap teh mah se, hman lai pi leh puten an lo ziah sa, an hlutsak loh theih si loh, Tolstoia ziaik te, Eastern Germany-ah Goethe ziaik te, Poland ramah chuan Szienkiewicz ziaik te, Rumania ramah Sadoveanu ziaik te ang te hi communist pawhin an hlutsak lo phal si lo. Sadoveanu ziaik 'Mi Thianghlimte Nun' tih chu Communist ho chuan 'Mi

Thianghlimte Thawnthu' tiin an chhu a. Mahse chutah chuan Mi Thianghlimte thu chu a chuang tho va, mite rilru chu a khawih tho a ni. Lem ziak lam tih jahin Raphael ziak te, Michaelangelo ziak te, Leonardo da Vinci zikahte chuan Krista lem leh chanchin tam tak a awm si a, chung chu communist ho chuan an hnawl phal si lo.

Communist ho ka titipui pawhin min puitu ber chu anmahni chhia leh tha hriatna chhungril tak chu a ni fo mai. Ama rilruah chuan ka thu sawi chu a dik a ni atihna chu thuk takah a awm si a chumi beng daih chutan thil harsa ber a ni thin, a ni. Tin, communist professor Pathian awm loh thu sawi tur si, tanpuina dila Pathian hnena tawngtai site pawh ka hria a. Thenkhatte chu Kohhran inthup inkhawmnaah an lo tel ru a, man an nih chuan an pha leh si a, mahse an pha zu chauh tih chuan, an dawihzep luat vanga an rinna an kenkawh ngam loh-na te chuan, a ti lungngaia, an tap leh zawih zawih thin. Chungte pawh mihring tho an ni. Isua chuan 'hnam tin zirtir rawh u' a ti a, Thir Bang chinah tawp rawh u a ti loh kha. Chuvangin communist ram chhunga mite hnenah chuan Krista Chanchin Tha chu kan thlen ngei tur a ni.

Kohhran Inthupah Mize Hrang Chi Thum Kan Awm

Pakhatna chu pastorho, Chanchin Tha leh communist thurin hmebbel rem duh lote, an Kohhran ata an bante an ni. Rei tak lung ina an tan hnuin an chhuah veleh a rukin an rawngbawl hna chu an chhun zawm vat thin.

Pahnihna chu a mimirho an ni. Russia leh China ramah te chuan Kristian lum si lo vawt si lo an awm lo tih hi hriat reng tur a ni a. Kristian nih man hi sang tak a ni. Hriat atana tha leh chu tihduhdahna hian nghawng a nei a, chu chu Kristian tha tak tak a hrin thin hi a ni. Heng Kristian te hi chuan Kristian ni si a

thlarau bo Krista hnena hruai luh chakna pawh nei si lote chu an hrethiam lo reng reng a ni.

Russian sipaiho chanchin bu Red Star an tih chuan, Krista betute hian mi tin mai hi hneh an tum a, a ti hial a ni. An nungchang mawite chuan mite chu a hneh thin a, khaw tinah Kristiante chu miten an ngaina em em zel a ni. Nu a lo dam lob va a fate pawh a enkawl theih loh leh Kristian nu ngei kha a lo kal a, damlovi fate chu a va enkawl sak thin a, mi a thing tuah tur fahran pawh fawm peih lo khawpin na se Kristian bawkin thing a rawn phurh sak leh a. Kristian an nihna chu an nunah a lang a, thu an hril pawhin miten an hmelah Krista chu an hmuh avangin an thu chu an ngai thin. Biak in chhunga thuhiril hi chu phalna nei chauh tih tur a nih avangin mi dangte chuan thahnem an ngai si a, kawtthler kil tinah thu an hril a. Communist chanchin bu ngei pawhin Kristian sa zuarte chuan an sa hralh funna karah te chuan Kristian thu rin ziahna themte emaw tal hi an lo zep tal thin an ti hial a ni. Khawl chhutnaa thawktu lah an hna thawh pangngai ban hnuah zan rei takah te khawl chhutna hmunah an lut leh a, zankhuain Kristian thil an chhu a, ni chhuah hmian an haw leh thin a. Kristian naupangte chuan khawi atangin emaw Kristian lebkha ziak an hmu a, chu mia a pawimawh lai tlemte emaw chu kutin an ziak chhawng a, sikula an zirtirtute kawrchung ban that lai ipteahte chuan an khung ru thin a ni.

Heng Kristiante hi zawng tihduhdahna meia rawh thianghlim tawh an ni. Chu tihduhdahna chu communist ten Kristian tihbo nana an hman a ni a, tihbo ahnekin Kristiante chu a tithianghlim zawk si.

Pathumna chu communist phalnaa Kohhran awmtea pastor hna thawk a, a ruka Kohhran inthupa thawk thote an ni. Communist sawrkar chuan chutiang Kohhrana pastorate chu an inkhawmna in tetakte pawn lama Krista hming lam pawh an phal lo va, naupang inkhawm lah an phal hek lo. Sakhaw biak kawnga zalenna awm nia ngaih si karah chuan dan eng eng



Ṭawngṭaina chuan engkim ati thei antan kan ṭawngṭai
Dawn lawm ni Lalpa kan ṭawngṭai ngaithla ang che.

emaw chuan Kohhrante chu an hung vel tlat a, chuvangin zalenna an tih chuan awmzia a nei lo reng reng a ni. Sawrkarin an tih tur chin ri an khamsak chu pawisa lovin a rukin an thawk nasa em em a. Tun hnai lawkah pawh khan chutiang pastorte chu tam tak an hre chhuak a, Russia ramah chuan rei tak tak tâng tura tih an ni ta.

Kohhran inthup kan han ti tak a, communist rama Kristiante chuan chutiang hming chu an pu lem lo. He hming hi chu communist-ho leh khawthlang mi, communist rama sakhaw biak dan en thlithlaitute vuah a ni zawk. Chuvangin khual zin nazawng tan chuan hmuh tur an awm lem lo. Khawthlangah zin kual vak mah la, Russian enthlatu pawlho chu i hmu kher lo vang. Mahse chu chu chutiang an awm lo tihna a ni si lo ang hian khualzin nazawng mithmuh turin Underground Kohhran pawh an awm bik lo a ni.

Russia sipaite hnena a ruk tea Krista Chanchin Tha kan thehdarh dân leh Rumania rama kan tih dan te ka sawi tawh a. Communist mite leh an rahbehte hnena Krista Chanchin Tha thehdarh puitu atan ka sawm tawh bawh che u a.

Ka sawmna che u leh ka han sawi takte kha zeldina thubawl mai mai a nih lohzia fiah nan communist chanchin bu ngeiin an ziah thenkhat kan sawi leh a nge.

November ni 7, 1966 khan Caucasus rama Suhumi khuaah chuan Underground Kohhran chuan khawlaiah inkhawmna an nei a. Inkhawm pawh an tam hle a. Thuhritu thu hril zawh chuan mi 47 chuan Krista chu an lo pawm ta a, chu mi hmun la laah chuan Black Sea tuipuih chuan baptisma an chang nghal a ni.

Uchitelskaia Gazeta (Zirtirtu Chanchin bu) 23-8-1965 chuan heti hian a ziak bawh : Rostov on Don khuaa Baptist Kohhran, communist sawrkar hnuai a an pawl pawh in ziahtir (register) duh lo chuan khawlaiah kawng zawhna an nei tiin. He mi an zawh ni hi May ni, communist-ho kutpui ni a ni a, chu ni kher chu chung Kristiante chuan kawng zawh ni atan an thlang ye ngat

a. Chu mi ni chuan communist ho chuan kawng an zawh tlin a, mi tin tel turin an phut thin. Chu Kristian kawng zawhnaah chuan mi sangkhat leh zanga an lo tel a ni. An nun leh, ril tam leh nghaisak hrep pawh huama lo kal an ni. Lo kal zawng zawng chuan a hma thla hnih thla thum leka Kulunda khuaa Kristian pakhat nupui, Hmara an tih chuan a pasal ruang a lo hmuh dan te chu an hre vek a. A pasal ruang chu a lo thlen chuan a kutah chuan kawl bunna hnuhna a Chiang em em a, a kut te, kutzung tang te, kephah te chu halna hnuhna vek a ni a, a dul hnuai lamah chuan chemtea vihna hnuhna a awm bawk a. A ke dinglam chu a vung luah a, a ke lehlam lehlamah leh a taksa pumah chuan vuak na hi a pan chek chuk bawk a ni. Chu chu Kristian chanchin bu 'Secret Manifesto' an tihah chuan ziake a ni a, chuta kawng zawhnaa lo kal chuan an chhiar vek a ni. Tichuan chutiang ang taka sawisak ve theih an nih hre reingin, mahse huam siin chu kawng zawhnaah chuan an lo kal a ni. Tin, chu martar ngei chu an vuinaah chuan Kristian tam takin kawng an zawh nghal a, lehkha ziake, "Ka tan chuan nun chu Krista a ni a, thih pawh hlawkna a ni tih te, "In taksa tihlum thei, in thlarau tihlum thei lo chu hlau suh u" tih te, "Maicham hnuai ah chuan Pathian thu avanga tihhlumte chu ka hmu a" tih ziake chu an kawng zawhnaah chuan an keng a ni tih pawh an hre bawk.

Tichuan chu martar thih dan leh an vui dante chuan chung kawng zawhte pawh chu a tihuai sawt zawk a, tichuan khawpui tluanin kawng an zawh ta a. Mi sawmriatin Krista an hmu a, Don luiah baptisma an chang nghal a ni. Chung 80 zinga 23 chu Komsomols (Communist Youth Organisation) pawl member an ni.

Motorin communist police a rawn phur tshuh a, an lo thlen veleh chuan ringtute inkhawm chu an rawn hual ta a. A inkhawm zawng zawng chu lung inahkhung thei dawn hek lo an hruaitu chu man an tum a. Mahse Ringtute chu an tshingthi a, an tawngtai a, chu mi nia an inkhawm tal chu zo hman hram turin an dil ta a. Ti-

chuan inkhawmho chuan thusawitu chu an din hual ta tlat a, police pawh chuan thusawitu hmel pawh chu an hmu thei ta lo a ni.

He chanchin bu vek hian rorelna hmuna Kristian pakhat chung thu an ngaihtuah laia Kristian tleirawl te te, thuhretu atana an kohte chanchin a sawi bawk a. Communist rorelna chu an hmusit êm êm mai a, an thin an tirim zaw mah mah mai a. Chuith nak alai chuan lo thlirtute lah chuan ngai sang awm êm êm hian Kristianho te chu an lo en thup mai si a tiin a sawi.

Tunah hian Kobhranho inthup thuruk, engmaw tia kan kuta lo lut ka hmaah hian a awm a. Ka'n letling ang e :

Thu hmanhmawh.

Kan Pathian leh pa leh Lalpa Isua Krista chuan mal sawmin thlamuan che u rawh se.

May ni 16, 1966-a Evangelical Baptist Kristiante zanga lai Moscow khuaa Union of Socialist Republics rama Communist Party Central Committee hmaa an han kal thu kan han hrilh thuai che u a ni.

General secretary Brezhnev hmaah chuan dilna kan han theh lut a ni.

Chung mi 500-te chu secretary awmna in kawtah chuan an awm thup mai a. Communist kalh zawnga thil tih vawikhatna a ni a, inthup Kobhran tih a ni, Chhanna an hmuh loh avangin tlaiah chuan dilna dang an theh lut leh a. Mahse an dilna chu mi pakhat Stroganov an tih chuan secretary pawh chu a lo pe duh lo hi a ni awm e. Chu achhapah a lo vau hlawm a.

Tichuan mi 500 te chu zankhuain khawlaiah chuan an ding tlaivar zak a. Motor lo kal thin atangte chuan chirh diak tein an rawn theh thin a. A tukah chuan chung mi 500 te chu communist pawl thova dinhmun hniam zawk chelhtu pakhat hmu tura in pakhata lut turin an rawn tir a. Mahse chung Ringtute chuan in chhung luh chu an duh lo, an luh veleha an lo sawisak dan tur an hriat tlat avangin. Tichuan Brezhnev ngei hmuh tum chuan kawtlaiah chuan an ding reng mai a.

Chawhnu dar hnih dawnah (1. 45. PM) chuan bus 28 hi a lo thleng ta a. Chung mite chu an rawn sawisa ta a. "Kan ding kual a, kut insuihin 'Kraws kan put theih laite hi kan dam chhunga kan ni tha berte an ni e' tih hl hla kan sa ta a Secret police ho chuan min vaw ta zawt zawt mai a, kan insuih kual ata chu min hnuk chhuak a, hmaiah te lu-ah te chuan min vaw vak vak mai a. Thenkhatte chu an chhipsama kaiin bus-ah chuan an hruai lut bawk a. Tlanchhiat tumte chu nikhua an hriat loh thleng rawkin an vaw zel a. Bus-te chu Ring tute hlira an khah hnu chuan hmun hriat ngaih loh lamah an phur bo ta a. An man bangte chu an la zai zel a, bus-a an phuch liam takate chuan an kal pah chuan thui tak thlengin an hre pha a ni."

Chung mi 500-te chu lung inah an khung fai phiar A hnu deuhah chuan beram vengtu dik pahnih, G, B ns leh Horey chu Communist Party Central Committee office-ah ngei chuan an hin lut ve leh ngat a. Chung mi 500-te chu khawiahnge an tantir tih an han zawt a. Heng unau huaisen tak pahnihte hi an khuangcher bo leh ta vang vang mai a. A hnu feih erawh chuan Lefortovskaia lung inah an tang tih chu hriat a ni leh ta a.

Chungte chu Kohbran inthupte chuan an hlau dawn em ni? Hnai lo ve, Hlah ahnekin communist phal loh ang ngeiin tuna ka lehkha han sawi tak chiah hi an rawn chhu ru leh mai a. Chutah chuan "Krista avanga amah in rin chauh ni lovin, amah avanga in tuar pawh phal a ni si a," ti tein an zia ka, "Heng hrehawm huamte avang hian tumah an nghin lohna turin hengte hi tuar turin ruat kan ni tih nangmahni ngeiin in hre si a" ti tein unaute an fuih a. "Isua, kan rinna siamtu leh tifamkimtu lam chu emin, kan hmaa intlansiakna turawmah hian chhel takin i tlan zel ang u. Ani chuan a hmaa hlimna awm avang chuan mualphona chu ngainepin kraws chu a tuar a," ti tein unaute an fuih bawk.

Kohbran inthup chuan, "Setana chuan keini hunah zawng ro arel a, kohhrante chuan Pathian thupek kalh

pawh ni se a pawm zel si," ti tein kohhran pangngai sawi chhian an ziak thin a. (Chu chu Pravda Ukraini chanchin bu October ni 4, 1966 chhuakah chuan communist chuan an rawn vuipui a ni.

Pravda Vostoka chanchin bu chuan unau Alexei Neverov, te Boris Gamashov te, Axen Zubov ten America ram a'anga Chanchin Tha radio-a an chhuah te' tape recorder' a an lo lak chhawna an lo sem chhawn leh chungchanga an chung thu an ngaihtuah lai thute pawh a rawn chhuah kha.

Inthup Kohhran chuan lehkhavute pawh nem chhawnga sem thin niin Sovietscaia Moldavia chanchinbu chuan a sawi bawk. Phal loh chung chungin khawlaiah te vantlang inkhawm an nei lui thin a, Krista thuchah an puang thin ti tein a puh bawk a ni.

He chanchinbu vek, September ni 15, 1966 chhuakah chuan Kristian mipa naupang pathum leh hmeichhe naupang paliin rela an chuanna. Kristian hla, Kan tleirawl laite hi Krista tan i pe ang' tih hi an sak avanga an bula thuin 'kawthleran te, rel chawlh hmunah te, relah te, bus-ah te zirna hmunah te thu an hril' tia a hek vanga an man thu leh an thubuai sawi lai chanchin a chuang a.

Kristian hla an sak avanga thiam loh an chantir thu roreltu'n a han puan veleh chuan rorelna in chhuatah la la chuan naupangte chu an thingthi a "Kan vai hian Pathian kutah kan inhlane. Lalpa, he rinna avanga min tuartir phal avang bian lawmthu kan hrilh a che," tiin an tawngtai a. Chutah a lo entute chuan Madanan a hruai a, chung naupangten an tan phah hla ngei chu rorelna inah ngei chuan an han sa zui ta a ni.

Pravda Ukraini chanchin bu October ni 4, 1966 a chhuakah chuan Prokofiev, Russia rama Kohhran inthup hruaitu chu lung in vawithum a tan hnua a lo chhuah veleh Kohhran inthup hna a rawn chhunzawm leh avanga an man leh tak thu pawh a chhuak bawk.

He pa hian a ruka chanchin bu angreng an siamah

chuan. "Mihring dante (Communist dan) an zawm avangin kohhran pangngai (sawrk ar duh anga din kohhran) chuan amah leh amah chu Pathian malsawmna dawng lo turah a insiam ta," tiin a zia k a ni.

Kristian inthup te hi zawng eng lung in leh eng ang nghaisakna mah hian a tihlau zo lo. Chutih ahnekin Kohhran hmasate ang mai khan nghaisaknate chuan an inpekna a tizual sauh zawk a ni. Khawthlang rama in lung inte ang hi Russia ram lung in chu a ni ve emaw erawh chu in lo ti palh ang e. Russia rama lung in tang tura tih awmzia chu nghaisak tur leh hren rilam tur leh thluak suksak tur tihna a ni.

Nauka i Religia (Science leh Sakhua) tih chanchin bu chuan Kristiantena chanchin bu lem an siam dan te pawh a chhuah bawk. Heng laia chanchin bu (magazine) Look te Time (keini hriat ve zawng ah chuan Illustrated Weekly te ang hi a ni ang chu) te ang chanchin bu ni awm tak hi an siam a. A kawmah chuan Leo Tolstoy-a ziah thawnthu Anna Karenina tihte hi an chuantir ve a. Mahse a chhungah chuan Bible thu deuh vek a lo nih thin dan te a sawi.

Hla te pawh Russia hnam hla thlu ka Krista chawimawina ni si, Krisitanten an sak thin thute pawh Kazakstankaia Pravda chanchin bu June ni 30, 1966 chhuakah chuan sawi a ni bawk.

Bakinskii Rabocii chanchin bu, April ni 27, 1966 chhuak chuan Tania Ciuguova (Communist Youth League member) in Krista a lo hmuh hnua a lehkhathawn chu a han chhuah a. He lehkhah hi sawrkarin an mansak a ni.

Heti ang hi a ni :

"Ka ni duh tak Nadia, Kan Lalpa duh tak chuan mal sawm che rawh se. Ni Nadia, A mi hmangaihna lo nasatzia hi A hmaah chuan engmah kan lo va ni lo em ! Ni Nadia, "I hmelma hmangaih rawh, anchhe lawhtu che chu mal sawm rawh, a hawtu, che thatna tur ti rawh, hmusittu che chu tawngtai sak rawh tih te hi a awmzia i hriat ka ring e."

He lehkha an man tākah chuan chu nula Krista hnena lo hruaitu Peter Serebrennikov chu an man ta a, lung inah a tâng ta a ni. Chu chanchin bu vek chuan he pa sermon tlemte hi a rawn tar lang a: "Kristian hmasaten an rin ang khan kan Chhandamtu hi kan ring ve tur a ni. Kan tan chuan dan pui ber chu Bible thu hi a ni a, dan dang engmah kan pawm lo, Mite thlarau, tleirawlte thlarau bik chhandam tur hian kan hmanh-mawh tur a ni," tih hi. Soviet Russia chuan tleirawlte hnena Krista chanchin sawi a phal lo tih an ban hrih a, Ani chuan, "Keini tâna dân awm chhun chu Bible hi a ni," tiin a chhang a ni.

"Tleirawlte chuan thlarau lam hla an sa hova, baptisma te an chang a, inzirna huaatthlala ber mai, i hmelma hmangaih rawh' tih te hi an pawm tlat zuk nia," tiin communist chanchin bute chu an vui chhuak thin.

Kazakstankaia Pravda chanchin bu June ni 30, 1966 chhuakah chuan sikul pakhata an thiam ber chu Kristian naupang a lo nih vanga rapthlak an tih thu a chuang bawk.

Kirgizskaia Pravda January ni 17, 1966 chhuakah chuan Kohhran inthup in nuho hnena a ngenna lehkha chu an chhuah bawk (hei pawh hi sawrkarin an mansak a ni): "Kan fate hi nausen an nih lai atanga Pathian hnena hlan thei turin tawngtainaah leh thawhnaah hian i tangho ang u...Khawvel khawih chhiat tur ata hi kanfate hi i chhan chhuak ang u," tih hi.

Russia ram Celiabinsk khua atanga chanchin buah chuan nula pakhat Nina, Young Communist League member-in Krista a hmuh thu pawh a chuang.

Sovietskaia Justitia No 9 of 1966-ah chuan Kohhran inthup ho inkhawm chanchin a chuang bawk: "Zanlaih a ni a. Hmun biru tak maiah hian mahni hlimthla pawh hlau dawn dawn khawpa ti hian an lo kal khawm a. Pindan thim deuh ri ri chu an luah khat khawp a han thingthitna hmun tak ngial pawh a awm lo. Boruak a tlem avangin an khawnvar chhit

pawh chu a thi ta hial a. An biangah chuan thlantui hi a luang zawih zawih vek a. Chutih lai chuan Lalpa chhiahhlawh pakhat chuan pawnah police lo kal leh kal loh a lo va enthla thin," tiin Mahse Nina chuan chu-
 tiang inkhawmah chuan unau ang chiahin an lo lawm thin tih chu a sawi tawp thei lo. "Tuna ka neih tak ang rinna min tieng thei ropui tak chu an nei theuh va— Pathian rinna chu. Ani chuan A thlazar hnuaiyah min la lut tawh a. Komsomols-ho chuan min be duh lovin min pel vawk vawk rawh se. Hmusit takin min enin deusawn nan 'Baptist' ti te pawhin min ko thin mah se, lo ti ve mai mai teh se, anni zawng ka mamawh ta lo ve," a ti mai a ni.

Kohhran inthup Kristianten rorelna hmuna roreltute an chhanna te chu Thlarau Thianghlim hruai tak meuh meuh a ni thin. Roreltu pakhat pawhin hmeichhe Kristian hnenah "Engahnge phal loh chung chung a in pawla mi hip luh tal in tum?" tiin a zawt a. Chu nu chuan, "Kan tum tak phei chu khawvel pum hi Krista tana hneh asin," tiin a chhang et mai a ni.

Zirlai nula pakhat hnenah pawh roreltu hian, "I sakhua hian science a kalh tlat a ni," a ti ngawt mai a. Ani chuan a han chhang ve ta a: "Einsteina te Newtona te aiin science i thiam em ni chu le? Anni pawh ringtute an ni asin. Kan khawvel hian Einsteina hming a chawi ringawt tawh a, High School-a ka zirnaah chuan 'Einsteina Khawvel' ti hialin asin ka zir. Amah Einsteina ngei chuan, 'Isua zirtir ang khan Kristianna hi thianghlimin vawng thei ila chu Mihringtu sual zawng zawng lak ata chhandam thei sakhua a ni e. Chuvangin he sakhaw chakna tura thawh hi mi zawng zawng tibtur a ni,' tiin a ziak asin. Keimahni hnam Pavlov, physiologist hmingthang ngei pawh kha i hre lo em ni? Keimahni lehkhabu ngeiin Kristian a ni a tih kha. Karl Marx ngei pawh khan a lehkhabu Das Kapital a tihah chuan, 'Kristianna hi protestant tihdan ang phei hi chu sual tihchhiat tawh nun siam that nana sakhaw tha ber a ni, a tih kha. Sual tih chhiat tawh

nun nei ka ni a. Marx-a ngeiin chu mi siam tha tur chuan Kristian ni turin min zirtir a ni. Nang, Marx-a hnungzuitu hian Marx a thu ka zawm chungchangah hian engtingge ka chungthu i ngaihtuah theih?"

Roreltu meuh pawh chuan chhan ngaihna a hre lo.

Chutiang deuh bawka science dodal sakhaw nei nia puh thuah chuan Kristian pakhat chuan hetiangin a chhang bawk: "Ka pu Roreltu, scientist hmingthang Simpsona, chloroform (Hnimhlum) hmu chhuaktu leh damdawi dang tam tak siam chhuaktu ai kha chuan i ropui lo ngeiin ka hria. Ani pawh a thil hmuh chhuah zawng zawnga ropui ber an zawh chuan 'Hnimhlum hi chu a ni lo. Ka thil hmuh chhuah azawnga ropui ber chu misual ka ni a, mahse Pathian khawngaihna chuan min chhandam thei reng a ni tih ka hmuh chhuah hi a ni zawk' tiin a chhang asin." tiin.

Kohhran inthup lehkhah pakhat, a ruk tea an rawn thawn chhuahah chuan, "Kristian tha zawk ni turin kan tawngtai lo, amaherawhchu Pathianin Kristian nih dan tur dik tak a ruat anga awm tur erawh chuan kan tawngtai thin: chu chu Krista ang Kristian, Pathian ropui nana mahni kraws hreh hlek lova pu duh mi chu a ni," tiin an ziaak a ni.

Isua tih angin rul anga fingin an awm thin a, thubuai sawinaah pawh an hruaitute an sawi duh ngai lo.

Pravda Vostoka (Khawchhak Thudik) January ni 15, 1966 chhuakah chuan Maria Sevcuk chu tunge Kristian hnenah hruai tia rareltun a zawhna chu, "Pathianin inkhawmnaa kal turin min hip a ni," tiin a chhang nih leh. "Tunge in hruaitu?" tih chu, "Hruaitu mihring kan nei lo," tia a chhan thu ziaak a ni.

Uchitelskaia Gazeta, January ni 30. 1964 chhuakah chuan Volnecino-Korskii district-a Voronin khuaa lecturer pakhatin Pathian awm loh thu a sawi thu ziaak a ni a. A thu sawi zawh veleh chuan Ringtute chuan zawhna an zawt ta sek mai a, "A nih leh nangni communist-ho hian in dan, in zawm si loh, 'ru suh' tih te 'tual that suh' tih te hi khawi atanga in lak nge?" ti

tein an zawt a. Chung zawng zawng leh thil dang tam tak chu Bible aṅanga an lak a ni tih an han hrilhfiah leh nghal a. Tichuan chu inkhawm chu Ringtute hnehnain a tawp der e tih a ni.

Kohhran Inthup Tihduhdahna Erawh a Pung Zel

Tun hma lam zawng aiin Kohhran inthup chuan an tuar nasa zual ta. Kristiante tan chuan Judaho an rapbet lutuk te hi a nā a ni. Mahse an tihduhdah zual ber chu Kristiante an ni. Russia chanchin bu chuan Kristiante a huho hova an man thu te an chhuah kha. Hmun pakhatat chuan Kristian 82 chu mi ā dahkhawmnaah dah tura tih an ni a. A hnu rei lo Leah chuan 24 te chu an ṭawngṭai rei lutuk avangin an thi tih a ni a. Ṭawngṭai rei lutuk vanga thih theih em ni ngai? An thil tuar nasatzia tur awm chu a suangtuah theih hle a ni.

Hremna rapthlak leh tuar har ber mai cha nu leh pain an fate Pathian Thu an zirtir tih hriat chhuah a nih chuan an fate chu dam chhung atan lak bosak an ni a, hmuh pawh an pbal tawh ngai si lo.

Ucitelskaia Gazeta chuan Ignatii Mullin leh a nupui chanchin a sawi a. Roreltu chuan hemite nupa bi an Rinna bansan turin a ti a, "Pathian leh in fanu hi tunge in duh zawk thlang rawh u. Pathian em ni in thlan?" a han ti a, Mullina chuan, "Ka rinna hi zawng ka bansan dawn lo," tiin a chhang a ni.

Paula chuan, "Thil zawng zawng an ṭhatna turin a thawk ṭhin," a ti a. Hetia an chhungkuua Kristian zirtirnaa lo awm ṭhin naupangte chu nu leh pate bul aṅanga an lak hrana communist zirtirna hnuai a an han awm pawhin communist zirtirna zawm mai ahnekin rinna theh darhtu an ni chawk mai.

Bible-ah chuan tupawh Isua aia a fate hmangaih zawk chu Amah zuitu ni tlak a nilo ve tih a ni a. He thu hi a tak takin Thir Bang phenah hi chuan a awm a ni. Kristian nute u, in fate hmu lovin chawlhkar khat

chau pawh awm han tum teh u, Russia rama Kristiante tuarzia chu in hre thiam deuh ang.

Protestant Kohhran chauh sawi bik chu a fel lo vang a. Orthodox Kristianho pawh Thir Bang phenah chuan an danglam viau mai. Maktaduai tam tak chu lung inah an tâng ve a. Isua khenbeh lai lem te, tawng-taina thi te, mi thianghlim lem te, rimtui te leh bati te lung inah chuan nei hek lo. A mi nazawng tânaah chuan puithiam nemnghehte lo tâng ve kher hek suh. Puithiamte lahin an kawrfual pawh an chhawm lut thei bik lo va, chhang leh uain te, hriak thianghlim te, tawng-taina ziahna lehkhahu han chhiar mai tur lah an nei bik hek la. Tichuan chutiang zawng zawng awm lohnaah chuan chutiang thil tel kher lo pawhin Pathian chu tawng-tain a pawh theih tho a ni tih chu an hre ta a. An tawng-tai a, Anin Thlarau Thianghlim A rawn leih thin. Kristian hmasate laka awm ang khan Russia rama Orthodox Kohhrante lakah hian harh tharna a thleng nasa hle a ni.

Communist ho chuan hei kum 50 lai chu Russia ram an awp ta. Mahse an chanchin buahte chuan Kristian hnehna thu a chuang hnem êm êm mai. Kohhran inthup chuan hun harsa a su tlang nasa êm êm chungin a tshang zel a ni.

Kan Kristian unaute, hun rapthlak tak hnuaia awm mawizia entir nan Russia lung in a tanga ka lehkhah hmuh hnuhnun berte ka han tar lang ngawt teh ang.

A hmasa ber chu Krista hnena Varia hruai thlêngtu Maria lehkhah a ni.

Heihi :

"...Hetah ka la awm reng a. Mi pawhin min duhsak viau. Komsomol (Communist Youth League) pawla, mi pakhat pawhin min ngaina viau a. Vawikhat chu "Eng miring nge i nih pawh ka hrethiam thei lo a che. Hei tam takin an tiduhdah che a, na khawp hial te pawhin an ti thin che a, mahse i hmangaih vek thei si," min ti ta chawt mai a. Kei chuan Pathian chuan kan thiante chauh ni lo, mi zawng zawng, kan hmelmate

ngei pawh hmangaih turin min zirtir tawh a ni tih ka hrilh a. He nula hian hetih hma hi chuan min tina zing hle thin a, mahse a bik deuh tein ka tawngtai sak thin a. Amah chu ka hmangaih theih ve leh theih loh chu min zawt ta chawt mai a, kei chuan eng dang teh vaka chhang lo chuan ka kuah ta chawih mai a, inkuah chung chuan kan tap dun ta a. Tunah chuan kantawng-tai dun thei ta.

Khawngih takin lo tawngtai sak ang cheu, a hming chu Varia a ni.

Miten ring tak taka Pathian an phat lai han hriat hi chuan an ti tak tak emaw tih mai pawh a awl hle a Mahse nun han en hian mi tam tak chuan an hmuiin Pathian chu anchhia lawh thin mah se ngaihna tak an nei a ni tih hi a lang a. An thinglunga an rum thawm chu inhria a. Heng mite thinlung hi a ruak a, chu chu an pathian lohna hian tikhah hram hram an tum a ni.

Kristaa infarnu, Maria"

Lehkha pahnihna chu :

"Ka lehkha hmasaah khan Pathian awm ring lo nula Varia chanchin kha ka rawn ziak a. Ka unau duh takte u, kan lawmna ropui tak hi ka han hrilh hmanhmawh che u a ni: Varia chuan Krista chu amah Chhan damtu atan a pawm ta a, chu thu chu mi zawng zawng hmaah a sawi ta

Krista a rin a chhandam hlimna a han hmuh rual rual chuan hlim lohna riau a nei bawk. Chu chu tun hmaa Pathian awm loh thu a lo sawi thinna chuan a tin a ni. Chu a soal chu tunah hian phuhruk a tum ta a.

Pathian nei loho inkhawmah Varia nen hian kan kal dun a. Insum turin ka zilh lawk fe na a, asawt lo. Varia zawk chuan kal a tum tlat avangin kei chuan ka zui ve mai a ni a. Communist hla an han sak zawh chuan (Varia chuan a sa ve lo) Varia chuan thu sawi a dil ta a. A hun a lo thlen chuan inkhawm hmaah chuan a lo chhuak a. Ngam sarh mai hian Krista chu a Chhandamtu a nihzia chu a sawi ta a. A thin hluite

chu a thinlung mit men loh avanga chatuan boralna kawnga a lo hruai thin thua ngaihdam a dil bawka. Tichuan mi zawng zawng chu an sualte kalsana Krista hnena lo kal turin a sawm ta a.

An reh thuap mai a, tuman an lo tibuai lo. A sawi zawh chuan a aw tha zet mai chuan Kristian bla, "Krista chanchin puan chu ka zak lo....." tih bla kha a sa chhuak vek bawka.

Chumi hnuah erawh chuan... Maria chu an la bo ta. Vawiin hi May ni 9 a ni a, a chanchin engmah hriatna kan la nei ta lo. Mahse Pathian chu amah chbandam turin thil tithei tak A ni. Tawngtai mawlh kha!
In Maria"

Lehkha pathumna :

"Nimin, August ni 2, khan kan duh tak Varia chu lung inah ka va hmu a. Ka ngaihtuah ngawt pawhin ka hnuk a, ulh teuh mai. Kum 19 mi lek a ni a, naupang a la ni mai atan, Lalpa rinna kawngah nausen a la ni bawka. Mahse Lalpa a hmangaihna chu a nasat em avangin kawng harsaah chuan a kal chhuak nghal a ni. Chu nula khawngaihthlak tak mai chu a ril a lo tam em em mai a. Chutia a tanna lung in kan hriat veleh chuan thil eng eng emaw kan thawn thin a, mahse chu pawh chu a then azar chauh a lo hmu thin a ni awm e

Nimina amah ngei ka va hmuh chuan a lo cherin a lo dang em em mai a, vuakna hnuhmate chu a, taksaah chuan a lang thluah mai a. A mit erawh chu Pathian thlamuanna leh he lei hlimna ni lovin a eng chhuak a.

Ni, ka duh takte u Kristaa thlamuanna la hre ngai lo chuan han briatthiam theih chi a ni lo... Mahse chu thlamuanna hre tawhte hlimna chu a va nasa em ! Ke ni Kristaa awmte zawng tuarna leh thlauh thlakna eng ang mah hian min then tur a ni si lo va...

Kawngkhar thir pal phen atang chuan, "Varia, i thil tih takte kha i inchbir lo maw?" tiin ka han zawt a. Ani chuan, "Inchbir lo, min chhuah ngai te a nih chuan

Krista hmangaihna ropui hi ka hrilh leh bawk thin ang. Tuar vakah min ngai ma ta che. A hming avanga tuar tur khawpa Lalp'a n min hmangaih avang hian ka lawm em em a ni,' tiin min chhang a ni.

'A tan bika in thinlung taka lo tawngtai turin ka ngen a che u. A thawmhnawte leh a neih zawng zawng chu an lak bo sak vek tawh a, a haklai mai lo chu engmah neih a nei ta lo. Chhungkhat laina pawh a nei lo va, a thil mamawh zual deuh deuhthe chu kan thawh khawm sak tur a ni. In pawisa min rawn thawn hnuhnun ber pawh kha a tan ka dah hrang ta rih a, ram danga an thawn dawn chuan ka va pe mai ang. Nakin zel pawha tuar hram hram thei turin Pathianin chakna a pe ang tih ka ring, Pathianin enkawl rawh se !

In Maria"

Lehkha palina :

 Maria duh tak,

A tawp a tawpawh chuan hei lehkha ka han thawn thei ta hram a.khua chu kan thleng ta a, kan tanna hmun chu khawpui atang chuan mel sawm a ni. Kan awm dan chu sawi pawh ka sawi thei lo. Nang chuan i hriat tawh kha. Keima chanchin chu a tlem thei ang ber ziak ila ka duh a. Kuthna te pawh thawk thei tura hriselna min pek avangin Pathian hnenah lawmthu ka sawi a ni. Kei leh unaua 'X' chu work-shop-ah min thawhtir a. Khawlte kan khawih ber a. Unau 'X'-i chu a hrisel lo kbawp mai a, kan hna thawh lah a harsa si. A thawh ai leh ka chan pual chu ka thawh kawp a ngai a. Ka chan pual chu ka han ti zo phawt a ani chu ka pui leh thin a ni. Ni khatah darkar 12 atanga 13 kan thawk ber a ni, Kan chaw chu in chaw ang mai bawk kha a ni, a tlem hle thin. Mahse chu lam thu chu ka sawi tum a ni chiah lo ve,

Nangmah hmanga cbandamn-a kawng min lo kawh-hmuh avangin ka thinlungin Pathian chu ka chawimawi a, lawmthu ka sawi a ni. Tuna hetia ka lo awm tak hnu hi chuan ka nun hian pan lam leh tum mumal a nei

ta a, khawi lama kal tur nge leh tu tan nge ka tuar ka hre ta. Ka thinlunga chhan dam lawmna khat tlat chu ka mi hmuh apiang hnena sawi teh hi ka chak a. Pathianin Krista min hmangaihna ata chu tunge min then thei ang? Tumah leh engmahin min then thei lo vang. Tawrhna leh lung in pawhin min then hek lo vang. Tuarna Pathianin min rawn pekte hi Amah rinnaa kan chakna tur a ni si a. Pathian khawngaihna chuan ka thinlung hi a khat tlat a, a luang liam a ni. Kan hna thawhnahte chuan Lalpan ka tana A tihte hi ka ngawihpui hle hle theih loh avangin min hrem a, hna chuang te min thawâtir thin a. Kei, boralna kawnga kal tawh hi Ani chuan mi thar leh thil siam tharah chuan min lo siam ta si a. Ka ngawihpui thei dawn reng em ni? Hnai lo ve, ka ngawi thei ngai lo vang. Ka hmui hi a phun sep sep theih chhung chu mi zawng zawng hnenah A hmangaihna ropui chu ka hril zel dawn a ni.

Kalkawngah Krista unau tam tak kan tawk a. Anmahni han hmuh phat atangin, Thlarau atang chuan Pathian fate an nih chu a hriat theih mai a a mak tak meuh a ni. Sawi ngai lovin hmuh veleh kan hre mai a ni.

Kan tâna tur hi kan pan laiin rel chawlhmun pakhatat chuan nu pakhat hian chaw min rawn peathu kamkhat chuan, 'Pathian a nung' tih hi a rawn sawi a.

Hemi hmun kan thlen ni (kan tbling tlai hle e) atangin lei hnuai pindanah min dah nghal a. Lo awmsate chu thlamuanna in hnenah awm rawh se, 'kan zuk ti a, beisei loh tak maiin thlamuanna nen kan lo lawm a che u' min lo ti a. Tichuan chhungkhat kan ni tih chu kan hre nghal ta mai a ni.

"A lo ni ngei lah tak a. Hetah hian Krista chu Chhandamtu atana pawm tawh tam tak kan awm a ni. Tângho zatve aia tam hi Ringtute an lo ni reng mai a. Zai thiam tak tak te, thuhiril thiam tak takte pawh an lo awm a. Tlaia hna thawk hah hnepa kan ban hnua Chhandamtu ke bula tawngtaia kan han kun ho thin te

chu a va ropui em ! Krista nen zawng khawiah pawh bian zalenna a lo awm a ni. Heta ka awm hnuah ngawt pawh fakna hla tam tak ka zir tawh a, tin, Pathian chuan A thu chu min hriat belhtir zel bawk a. Kum 19 ka nihin Krista piancham chu ka lawm ve tan chauh a ni. He ni mak tak mai hi ka theihngihl thei ngai dawn lo a nih hi ! Nilenga hna thawh chu a ngai a. Mahse kan zinga thenkbatte chu lui bulah an lo zuk kal a, vur tlangte chu an lo zuk tikeh a, pathian thu angin baptisma ka chang ta a ni, mi dang Pasarih nen. Aw, ka hlimzia leh Maria, awm ve la ka tihzia chu, tichuan tun hma lama i laka la lo سوالna thenkhat tal kha ka sut thei mahna ! Mahse Pathian chuan kan awmna hmun tur theuhah min dah a, chuingin mahni hmun theuhah hian nget takin i ding ang u.

Pathian chungte zawng zawng kha chibai min han buk ang che. Kei mal min sawm ang bawkin Pathian chuan i hnaah chuan mal A sawm ang che. Hebrai 12 : 1-3 kha lo chhiar ang che.

Kan unaute zawng zawngin chibai an buk che a, Pathian rinnaa i lo chakzia leh i tuarnatea bang lova i fak thin zia an hriatin an lawm em em a ni. Mi dangte pawh lehkha i thawn dawn chuan kan chibai bukna hi han hrilh chhawng zel ang che.

I Varia."

Lehkha pangana :

Maria duh tak,

A tawp a tawpah chuan tawite chu ka han zia thei leh ta hram e. Pathian khawngaihnaah, ka duh tak, kei leh unau 'X' chu kan hrisel lai a ni tih ka han hrilh phawt ang che. Tunah chuan.....ah kan awm a.....ah min thawn a, chutah chuan kan awm ta reng a ni.

Nu hmangaih taka min hmangaihnaah hian lawmthu ka hrilh a che. I thil min han siam sak zawng zawng chu kan lo hmu e. Thil azawnga hlu ber, Bible min rawn thawn avangin ka lawm e. In vaia chungah lawmthu ka sawi a, lehkha i thawn chhuah hunah ka

lawmthu leh ka chibaina hi lo hrihl chhawng vek ang che.

Lalpa chuan A hmangaihna thianghlim thuruk thuk tak chu ka hnena min hriattir avangin khawvela mi hlim berah ka inggai a ni. Nghaisakna ka tuar turte chu khawngaihna min vohbiknaah ka ngai a. Amah ka rin tirh ni atang phata lawm taka A tana tuar thei tura min siam avang hian ka lawm a ni. A tawp thlenga Lalpa tana rinawma ka awm theih nan min lo tawngrai sak theuh ang che u.

Lalpa chuan enkawl che uin, indona thianghlim kan beih tur atante hian tichak zel che u rawh se.

Kei leh unau 'X' chuan kan fawp a che u.a min thawn hunah lebkha ka la rawn ziak leh thei mai thei e. Min rawn ngaihtuah suh u. Vanah kan lawmman tur a tam avangin kan hlimin kan lawm em em a ni. Mat. 5 : 11-12.

I Varia"

Heihi Varia, communist nula, Krista hmutu lehkha hnuhnung ber a ni, Krista thu a puan avangin an man a, hna rim tak thawk tura tantir a ni ta. A chanchin hriat zuina a awm leh ta lo. Mahse Krista a hmangaihna mawi tak leh a Thlarau nun duhawm tak chuan Underground Kohhrante, khawvel hmun thuma thena hmun khat hnuai a awmho tuarna leh rinawmna chu a tilang hle a ni.

Kohhran Inthup Atanga ka Thuchah

"Kohhran inthupaw" tih ka ni thin a. Chutiang hmun sang. Krista taksa aw ni tlak zawng ka ni hauh lo.

Amaherawhchu Kohhran inthup hi kum engemaw zat ka lo ho tawh a. Kum 14 chhung, chutah pawh kum hnih chhung pindan thim 'thihna pindan an tih maia dah chung pawhin leh tang hnu chu mak takin Pathian chuan lung inte rawn kanin min la chhuak a, hei khawthlangah Kohhran zalente kutah min dah ta a.

Thlan chhiar sen loh leh hriatrengna lung leh ziah

pawh engmah awm lo hnuaia chawl tate hmingin ka ngen che u a. Tuna la dam, a ruka ramhnuaite, in hnuaite leh hmund dang danga inkhawm thinte hmingin ka ngen a che u

"Min ngaihthah suh u!"

"Min theihngihl suh u!"

"Min hlamchhiah suh u!"

"Hmanrua kan mamawh chu min pe rawhu! Kan hman man chu kan pe ang che u!"

Heng hi in hnena thlen tura min chahte chu an ni.

Kohhran rahbeh, Kohhran inthup beng nei lo leh tawng thei lo tan ka ngen a ni e.

Communist rama kan unaute au thawm hi ngai teh u. Tlan himna leh nun nuam an dil lo. Thang leh thar zel turte rilru Pathian awm rin lohna tura an hrai rui tur lo do nana hmanraw pawimawhte pe turin an ngen mai che u a ni. Pathian thu thehdarh nan Bible an dil che u a ni. Pathian Thu nei lovin engtinge an thehdarh theih ang?

Kohhrante inthup hi doctor zin vei vak, rela chuanga tawhsual tawk ta ang a ni. A han chhuak a, a zinpuite hliam tam tak chu a va hmu a, "Aw, ka hmanruate kha lo keng blauh ila chu aw" a ti leh ngawt thin a. Lo keng se zawng tam tak nun chu chhan thei tur a ni, chhan pawh a dub a, a hmanrua a nei lo mai a ni.

Kohhran inthup rinawm tak leh huaisen tak ngenna chu, "Hmanrua min pe rawh u, Chanchin Tha te, Bible te, Thu ziak dangte min pe rawh u. Kan mamawh dangte pawh min han pe rawh u, a bak zawng chu keinin kan lo ti mai ang," tih hi a ni.

Kristian Zalenten an Puih Theih Dan

Zalenna rama Kristiante chuan rinnain, hmuh theih loh Pathian nena inpawl na nuna nungin an pui thei a ni. Kristianté an nghaisak apianga duh loh thu lo sawi ri tein an pui thei bawh, Tawngtainain, communist tana tawngtain puih theih a ni bawh.

Communist tana tawngtai chu atthlakah in ngai palh ang e. Kan Lalpa pawh an khenbeh dawna A tawngtaina kha chu engemaw kawng chuan atthlakah ngaih theih a ni, a hnu lawka an khenbeh tho avangin. Mahse a hnu lawkah chuan mi sangnga lai chuan inchirin an awm an chum a, an piangthar ta reng a nih kha.

Tichuan pastorte leh Kristian tinte'chuan communist-ho chu eng ang pawhin lo soal tawh mah se Krista hnena hruai tumin kan theihtawp kan chhuah theuh tur a ni, an hnuaia an rahbehte nen pawh.

Bible Te, Chanchin Tha Te Hi An Mamawh Em Em

Biblete thawnin i tanpui thei bawk. In thawn duh phawt chuan thawn dan a awm. Kei ngei pawhin hetia ka lo chhuah hnu hian tam tak ka thawn tawha, a thleng ziah a ni. Kohhran inthupa in unaute in laizawnte tana, kristian khuahkhirhna hnuaia awm ve lo tena in thawn duh phawt zawngin a thawn dan kawng zawng a awm meuh mai. Rumania rama ka awm lai ngei pawh khan Bible tam tak engemaw ti kawng taka an rawn thawn ka lo hmu a. A thawn dan turah inggaihtuah buai a ngai lo, An tana pek hi ni phawt mai se.

Bible mamawh tak zek an awm a ni. Kristian sang tam tak Bible emaw Chanchintha emaw a engemaw zawk zawk pawh kum 20 atanga kum 50 chhung lai hmu ngai tawh reng reug lo Russia ram leh a chheh velah khian an awm. Ni khat chu thingtlang pa pahnih bal deuh ang brethrawt hi ka inah an lokal a. Thlasik chhung zawng vur chhilh lei laia, inhlawhfa a, an hlawha Bible lei theih beiseia lokal an ni a. Chutihlai chuan, Bible tha tak tak Americahovin min rawn ahawn ka lo neih lai a ni blauh maia. Annina an beisei tak chu, hlui, la hman theih a nih phawt chuan, tet deuh hrip hrep pawh ni se lungawi an tum em em mai a, Tichuan Bible thar hlak chu ka lo pe ta zaw-

ka, an lawm lutuk chu, a man te min pek an han tum a. Mahse ka duh lo va, A hnu lawkah chuan mi 30 bming ziajna lehkha, Bible chung a lawmthu uar taka anrawn sawina chu ka lo hmu a Chu Bible chun gun takin hmun sawmthumah an lo thendarha an lo insem tlang lo niin, Mahni chan theuh an chhiar zawhah midang nen an in chhiar thleng leh zel dawn hi a lo ni a.

Bible phekkhat lek duhin kut an dawh tak meuh meuha ni. An nun chawmtu a ni miao si. Bawngpui te kel te pawhin an thlenga zuam zar mai. Mi pakhat ka hmehbriat ngei pawhin Thuthlung Thar bu chhe lam tawh hi an inneihna zungbunin a thleng a ni.

Kan naupangte chuan Christmas card takngial pawh an hmu ngai lo. Pakhat chaub pawh an hmuh chuan a khaw naupang zawng zawng an lo pungkhawm anga, puitling tuemawin nausen Isua leh Mithianghlim, Krista leh chhandamna rawn intanna chanchin chu an hnenah chuan a hrilhfiah ang. Christmas card pakhat chaub atang pawhin...heng zawng zawng hi a tih theih zu nia! Bible te, Chanchin Tha te leh thuziak hrim hrim kan thawn thei. Hei hi engemaw tak i tihtheihna kawng khat chu a ni.

Communistho chuan an Bible ve chhangah "Pathian awm ringlo Kaihruaina" an tih chu an nei a. Chutah chuan Pathian awm loh thu leh sakhaw sawichhiatna tin reng a chuanga, chu chu naupangte an zirtir thin a ni. Chung letthla turte chuan Kristiante hian lehkhabu kan siam ve a ngai a ni. Chung lehkhabu an thil zirtir zawng zawngte chu Kristian naupangte chuan an chhang thei tur a ni.

Tanpui theih dan kawng dang leh chu pawisa a tanpuina hi a ni. Rawngbawltute chu hmanrua leh pawisa an neih loh avangin hnathawk tha thei lovin an awma. Hmun hrang hrangah chuan a ruka inkhawmaa neihpui turin sawm thin mahse kal man tak ngial pawh an neih thin loh avangin an kal thei thin lo. Kohhran pangngaia inthup lama thawkru thinte chuan,

Communist sorkar hnen atanga blawh an hmuh ngawt chu engham mah a nih loh avangin, an rawngbawl naah an harsat phah ém ém bawk thin. Tichuan thla khata tlem te te i lo pek pawh khan nasatakin Krista tan a thawk thei a ni. Kristian mimir reng reng te pawh mahni blawh kham lo chung chuan Khawngte hnena Chanchin Tha hril chu a theih si loh.

Tin. radioah hian Chanchin Tha hi khawvel zalenho ram atang hian hril bawk tur a ni. Tunah chuan Communist ramah pawh radio thusawi chu a ngaihthlak ve theih tawh si a. Anmahni pawl propaganda sawi nan hman an duh tlat avangin, radio chu a pawnga puia khap theih a ni si lo, chuvangin Chanchin Tha thehdar nan pawh a hman theih a ni. He Nunna Chhang hian Kohhran inthup chu kan chawm tur a ni. Kawng a inhawng e.

Kristian Martar Chhungte

Kristian martar chhungte kan tanpui bawk tur a ni. Tunah hian chutiang chungkaw sang tam tak chuan hrehawmna sawihleitheih loh an tuar mek a ni. Tang chhungte tanpui lah phal a ni si lo. Pa ber emaw a lo tân chuan lungina emaw a thi a. Tichuan a chung te chuan retheih an tan ta thin a ni. Tun hnai lawk khan Russia ramah chuan a huh va, kristiante manna a awm leh ta nghala. Ni tinin martar an pung tial tiala. Rethei tur chhungkua an pung tial tial tihna a ni leh ta zel mai. Keini chhung ngei pawh hi sipai zinga kristianten min pui lo se chuan, kan chhungkuain kan dam chhuak hlek lo vanga, hetiang ziak thei tur pawh hi ka awm dawn lo a ni.

Lungina ka kephaha min vuak lai chuan ka kâ chu a lo auchhuak thin. Enga tinge? Ka kâ leh ka kephahthe chu taksa pumkhat an nih vang a ni Nangni zalenna rama kristian awmte hi Krista taksa in ni a, in peng Communist hnuaia awm, sawisakte chu in haider mai thei em ni?

Lal Isua Gethsemane huana a tawngtai lai khan Petera te, Johana te, Jakoba te chu auh phak leka an awm chungin an lo muhil tlat a nih kha. Krista lungng-aibzia ngaihtuahin chutia an lo muhil thei chu mak tak an. Nang, kohhran tihduhdahna tuar mekte chu engang chaubin nge i tuarpui ve le? He thu hi in Pastor leh Kohhran hruaitute hnenah zawt teh u. Thir Bang phena in unaute tuarna chungchangah engnge tih in neih ve?

In unauten puitu nei lo va, Thir Bang phena an tuar laia, muthilha lo ramtan mai em ni i tum dawn? Anni i veina chu engkawngin nge i lantir dawn?

In unauten puitu nei lo va, Thir Bang phena an tuar lai hian nangi lo muhil dawn bik em ni ang?

"Min hre reng ula, minrawn tanpui rawh u," ti a kan auhna che u hi min hriatsak dawn lawm ni?

"Min thlahthlam lul suh u."

Communist rama kohhran inthup, martarte, rinawma te, rinawmi te—Pathian awm ringlo communist sala tang, in unau in laizawnte hnen atangin thuchah, hei ka han fehchhuah tir a nih hi.

Communist rama Chanchin Tha rawngbawlina atana thilpek leh zawhna he addressah hian thawn theih a ni:

VOICE OF THE MARTYRS

P. O. Box. 9132

Bombay-25

INDIA

